

2552

2553

50

84

S-54

U. S. Bureau of Geology

1936

№ 20 03



Տպգր. Ա. ԱՏԵՓԱՆԵԱՆ, Աղեխանգրիա 1936

84

S-54

POPULAR



6633



28080-57 4.7

**Ե. ՀԱՏՈՐ**

Ա.

**ԽՈՐՀՐԴԱԻՈՐ ԵՐԵԿՈՅԹԸ**

Մարքիզ Վան-Հորի, տիկին Շարմէնի տուած այ-  
ցելութենէն վերջ, ժամը 9ին ատենները, երեկոյթի  
հազուատներով երիտասարդ մը կանգ առաւ Շօւէ Տան-  
թէն փողոցի թիւ 45 տան առջև, և դռնապանէն ստու-  
գելէ յետոյ հազարապետ Գարտէնի տունը գտնուիլը  
հնչեցուց զանգակը:

Ծառան դուռը բանալով հարցուց անոր. «հաղորդե՞մ  
ձեր այցելութիւնը»:

— Ըսէք թէ եկողը Գ. Շէրիւպէնն է, պատասխա-  
նեց երիտասարդը:

Այս երիտասարդը վալէ տէ Բէօրի ակումբի ան-  
դամներէն էր և իր արտակարգ զեղեցկութեանը համար  
Շէրիւպէն կոչուած էր Բօքանպոլի կողմէ. Իսկ Գ.  
Գարտէն ալ այն մարդն էր որ հազարապետ անունով



(3679-48)

10782-57 q

ճանչցուած էր այս ընկերութեան պատկանող անգամ-  
ներուն մէջ: Երիտասարդը անչնելով փոքր սրահէ մը  
մտաւ սպասման սենեակը: Հոն, հազարապետ Գարտէն,  
ձեռքը մալթէզ սիկառ մը բռնած, նստած էր խոշոր  
թիկնաթուռի մը վրայ: Նայելով անոր արտաքինին, իր  
հազուսաին ու յարդարանքին, կը թուէր թէ ան ան-  
համբերութեամբ մը մէկու մը կ'սպասէր:

Յիսուն տարեկանի մօտ, թիկնեղ և առողջ կազ-  
մով, զինուորականի վայել և րկար հասակով մէկն էր  
ան: Իր հագած քաղաքային հազուսաներուն վրայէն  
կախած էր կարգ մը օտար պատուանշաններ:

Ինչպէս անոր անունէն կը հասկցուի, ծագումով  
օտարական ըլլալով, այս հազարապետ Գարտէնը գրա-  
նուած էր նաև Բրուսիոյ, Ռուսիոյ, Սպանիոյ և Փոր-  
թուգալի մէջ: Հակառակ որ ան Բարիզ կը գտնուէր  
այսօր, տարեկան կը ծախսէր երեսուն հազար ֆրանքի  
չափ գումար մը, մինչ հազիւ քանի մը հարիւր ֆրանք  
չահած էր թղթախաղերէն:

Այս մտրդուն հարստութեանը գալով, ոչ ոք կր-  
ցած էր թափանցել անոր գաղանքին, այնպէս որ Բա-  
րիզի հասարակութեան համար տեսակ մը անլուծելի  
հանելուկ կը նկատուէր անոր տպրելակերպն ու ձեռք  
բերած հարստութիւնը:

Պ. Գարտէն չափազանց փայլուն կեանք մը կը վա-  
րէր, և իր ժամանակին կը վճարէր ունեցած սրտա-  
քերը: Կը բնակէր յարմար և վայելուչ տան մը մէջ,  
տէր ըլլալով նաև երեք հատ լաւագոյն ձիերու:

Երբ Պ. Գարտէն լսեց Շէրիւպէնի այցելութիւնը,  
թեթեւակի դուլսը դարձնելով, ձեռքը երկարեց անոր  
ըսելով.

— Զիչդ ատենին եկ .ք, այս գործին մէջ ձեր ցոյց  
տուած հաստատակամութիւնը նկատի առնելով, կը

կարծեմ թէ յաջողած ենք: Հազիւ սիկառ մը ծխելու  
չափ ժամանակ ունինք:

Յետոյ հազարապետը նայելով ժամացոյցը, աւել-  
ցուց.

Կէս գիշերէն վերջ, Մարքիզը աւելի հիւրեր  
կ'ունենայ: Եթէ կարողացանք ժամը 10ուկէսին հասնիլ  
հոն, զայն առանձին գտնելով, պիտի կրնամ ձեզ ներ-  
կայացնելու առիթը գտնել:

Յետոյ Պ. Շէրիւպէն նրբ նստաւ հազարապետին  
ցոյց տուած աթոռին վրայ, այս վերջինը շարունակեց  
իր խօսքերը ըսելով.

— Լաւ յիշեցի, այնպէս կը կարծեմ թէ Շէրիւպէն  
անունը դո՛ք առած էք ձեր վրայ կարգ մը արկածա-  
խրնդութիւններէն վերջ: Կրնա՞ք ըսել ինձ ձեր բուն  
անունը:

— Բուն անունս է Օսկար աը Վէրնի:

— Զինուորական ծառայութիւն կատարած էք:

— Ո՛չ:

— Շատ լա՛ւ: Անձանօթի մը պէս չչարժելու հա-  
մար, անհրաժեշտ տեսայ ձեռնէ ստանալ այս տեղեկու-  
թիւնները:

Յետոյ հազարապետը տուփ մը սիկառ հրամցնելով  
Պ. Շէրիւպէնի ըսաւ.

— Կիները դրուելու աստիճան գեղեցիկ դիմա-  
գծութիւն մը ունիք: Սակայն, սիրոյ խնդիրներուն մէջ  
գեղեցիկութիւնը ամէն բան չէ, իմաստութիւնն ու ու-  
շիմութիւնն ալ մեծ դեր կը խաղայ, յազթելու համար  
կիներու ցոյց տուած կարգ մը ընդդիմութիւններուն և  
այն ձթուած զաղափարներուն, որոնց դէմ պէտք է մա-  
քառիլ աչալըճօրէն: Գալով մարքիզուհիին...

— Կը հասկնամ ձեր միտքը, պատասխանեց Շէ-  
րիւպէն անոր խօսքը ընդմիջելով, հարկ չկայ աճապա-

րելու, ես ծանօթ եմ պարտականութեանս ու արհեստիս:

Այս խօսքերուն վրայ, հաղարապետը բաւականացաւ խոնարհեցնելու գլուխը, առանց բառ մը աւելցնելու իր խօսքերուն վրայ, իսկ երիտասարդը քաջալերուած, վստահ չեշտով մը աւելցուց.

— Հաղարապետ, թոյլ կուտամք ինձ, ուղղելու ձեզի կարգ մը հարցումներ:

— Ի՞նչո՞ւ թոյլ չտամ:

— Ի՞նչ կը խորհիք մեր ընկերութեան մասին:

— Ձեր ընկերութեան մասին ունեցած կարծիքս շատ նպաստաւոր է:

— Այդ պատասխան չէ:

— Ի՞նչ հասկնալ կ'ուզէք:

— Այս գործին մէջ մենք ի՞նչ բան կ'ենթարկենք վտանգի ես չեմ գիտեր թէ ո՞ր աստիճան կատարեալ է ձեր ունեցած ծանօթութիւնները: Շիտակը ըսելով, այնպէս կը կարծեմ որ ես բոլորովին կուրաբար կը հետեւիմ ձեր այս ձեռնարկներուն:

— Կը ներէ՞ք, բացատրեցէք ձեր միտքը Պ. Շէլլայէն, և կամ աւելի ընդարձակ կերպով լուսարաներէք ձեր ուղղած հարցումները:

— Շատ լաւ, դուք ինչպէ՞ս մտաք այս ընկերութեան մէջ:

— Ես ալ ձեզի պէս, Պ. դերկոմս Գամպոլի միջցորդութեամբ անդամակցեցայ այս ընկերութեան:

— Ձէ՞ք ճանչնար ընկերութեան պետը:

— Ո՛չ:

— Անխելքութիւն չէ՞ք նկատեր ուրեմն մեր առած քայլերը:

— Չարմանալի բան, ի՞նչ անխելք քայլ կայ այս բանին մէջ:

— Անխելքութիւն չէ՞, երբ մենք զմեզ կ'ենթարկենք մեզի անծանօթ կարողութեան տէր մէկու մը:

— Մեզի ի՞նչ, մեզի վերաբերող բանը այն է որ մենք պահանջուած բալոր պարտականութիւնները լրիկատարենք և անկէ վերջ ալ շարունակենք հաւատարիմ գտնուիլ մեր յանձնառութիւններուն մէջ:

— Սակայն, պէտք է գիանալ որ վտանգաւոր խաղ մը կը խաղանք մենք:

— Ըստ իս, վտանգ մը չկայ այս գործին մէջ, Սիրելի՛ս, մեր ի գործ դրած արհեստը անսոցմէ չէ որ ուշադրութիւնը դրաւէ ոստիկանութեան, Մեզի կը սիրեն անոնք, որովհետեւ սիրուելու արժանի անձեր ենք. ո՞վ ինչ կրնայ ըսել այս բանին:

— Ճիշդ է որ ոչ ոք բան մը ըսելու իրաւունք ունի:

— Բայց կրնայ ըլլալ որ մեր սէրն ու համակրութիւնը վնասակար ըլլայ, Մենք այդ մասին տգէտ ձեւանալով, այնպէս ցոյց պիտի տանք որ, իբր թէ բանէ մը տեղեկութիւն չունինք: Եթէ նոյն իսկ փորձանք մըն ալ պատահի, ո՞վ պիտի կրնայ հաստատել, Միթէ դատարանի վերաբերեալ ոճրագործութիւն մըն է այս ձեւը:

— Իրաւունք ունիք:

— Թէպէտեւ ծանօթ չեմ ընկերներուս իւրաքանչիւրին պարտականութեանը, սակայն, բոլորովին գերծ կը գտնեմ ձեզի յանձնուած պարտականութիւնը ու իցէ վտանգէ. ոչ ոք կրնայ հաստատել թէ, ես ձեզի չէի ճանչնար երէկ, կրնանք, օրինակի համար, իբրբու հանդիպած ըլլալ բազմիքներու, ջերմուկներու կամ պարահանդէսներու մէջ: Գուք ինձ համար պատուաւոր մէկը թուելով, ըստ այնմ ձեզի կը ներկայացնեմ Մարքիզուհիին, կրնայ ըլլալ որ Մարքիզուհին գեղեցիկ

բլլալուն զուք զոյն սիրէք, և կամ հակառակը, դուք  
ուլ գեղեցիկ ըլլալով. Մարքիզուհին սիրէ ձեզ... այս  
բանին մէջ ես ի՞նչ բանով մեղաւոր եմ: Նոյն իսկ Մար-  
քիզը, ո՛չ մէկ իրաւունք կրնայ ունենալ ինձմէ դժգոհե-  
լու:

— Զիշտ է, ձեռնէ դժգոհելու իրաւունք մը չի կըր-  
նար ունենալ անս Դուք Մարքիզին բարեկամը չէք:  
Շատ շատ, ձեզ ոչնչացնելու իրաւունք մը ունեցած  
կրնայ ըլլալ այս ուլ արգար չէ, որովհետեւ Մարքիզը  
այն մարդոցմէ չէ որ դիմէ ոստիկանութեան. եթէ ձեզի  
համար վտանգ մը կայ, ան ուլ մենամտարտի խնդիրն է:

— Աւրեմն, կրնանք մեր դործին նայիլ առանց  
վրդովուծելու:

Հաղարապետը այն ատեն զանգակը ննչեցուց և  
ներկայացող ծառային հրամայեց ըսելով.

— Փան, էջէրը լծէ կառքին. կառքը ես պիտի  
վարեմ:

Տասը վայրկեանէն, ամէն ինչ պատրաստ էր:

Հաղարապետը, իր ընկերոջը հետ կառքը նստելէ  
վերջ ձիերը սանձեց և մտրակելով զանոնք, կառքը  
սկսաւ արագօրէն սուրալ դէպի Ծօսէ ա՛վթէնի փո-  
ղոցը:

Փամը ստանուկէան էր:

Մարքի Վան Հօբի բնակարանը կը դանուէր Ծանգ  
էլիդէ փողոցին ծայրը: Երբ հաղարապետին կառքը հոն  
հասաւ, կառքերուն յատուկ դրան առջև կ'սպասէին  
արդէն կարգ մը պալատականներու կառքերը:

Ասոր հետ մէկտեղ, թէև ներկաներուն թիւը շատ  
քիչ էր, սակայն զեռ նոր սկսելու վրայ էր: Վերջին  
աստիճան փոյլուն կերպով կազմակերպուած էր երե-  
կոյթը:

Առաջին յարկը զանուցող խոշոր նախասենեակին մէջ

նստած մարքիզուհին շուրջը հաւաքուած էին աւելի  
քան երեսուն հոգի, իսկ մարքիզը զբողած էր եկող-  
ներուն ընդունելութեան ձեւակերպութիւններովը:

Մարքիզուհին մասին խօսած ենք արդէն, քանի  
մը բառերով ծանօթացնենք նաև մարքիզը:

Պ. Վան Հօբ թէև քառասուն տարեկան, բայց հա-  
զիւ ան 30 տարեկան կը ցուցնէր. Երկայնահասակ,  
գիրուկ, գեղին գոյնով, կապոյտ աչքերով, չափազանց  
գեղեցիկ մէկն էր: Հակառակ որ համակելի է և անուշ  
նայուածք մը ունէր ան, սակայն նկատի տանելով ա-  
նոր կարգ մը բնաւորութիւնները, ջղազգիւ մէկը կը  
թուէր:

Որչափ որ Վան-Հօբ կը նախանձէր իր կնոջմէն,  
սակայն նախանձի այդ գագացումը ցոյց չտալու համար,  
չատ անգամ ան կնոջը հետ կը յաճախէր թատրոն և  
ներկայ կը գտնուէր կազմակերպուած ցուցահանդէս-  
ներու:

Ամառը, օդափոխութեան համար Մարքիզ և Մար-  
քիզուհի Վան-Հօբ կը մեկնէին Պատ, Բիրէնէ. Վիշի և  
ուրիշ հանքային ջուրեր, իսկ վերադառնալով ձմեռը,  
իրենց բնակութիւնը կը հաստատէին Սէն գեափ այն  
չրջանին մէջ, ուր կը բնակէին Բարիզի ազնուականնե-  
րը, դրամատէրները և մեծահարուստ վաճառականները:

Այն իրիկունը, երբ հաղարապետն ու Շէրիպէն  
այցելութեան եկած էին, Պ. Վան-Հօբ կը տեսակցէր  
յիսուն տարեկանի մօտ ծերունիի մը հետ:

Այդ ծերունին դուքս Շաթօ Մային էր, որ ժամա-  
նակին հրամանատար եղած, երկայնահասակ և հակա-  
ռակ տարիքը առած մէկը ըլլալուն զեղեցիկ էր. Նա-  
յելով անոր արտաքին ձեւերուն, ան ժամանակին շատ  
մը յաջողութիւններ ձեռք բերած ըլլալով, և հակառակ  
իր ծեր վիճակին, դեռ եւս միտքը կը զբաղէր անոնց

մով, որոնք իրեն սէր և սիրտ տարով պիտի գոհացնէին  
զինքը, այս յոյսերով ան խնա ով կը հաղուէր, կը ներ-  
կէր մաղերը և իր բաձկոնին տակէն սեղմիրան կը գոր-  
ծածէր:

Հագուտար վերջին նորոձեւութեան համաձայն էր  
և իր կուրծքին վրայ կը կրէր տեսակ տեսակ շքանը-  
շաններ:

Գուքսը և հիւրը պարապ գանուող սենեակին մէջ  
կը շրջադայէին: Մարքիզը գրողած էր նոր եկող հիւ-  
րերը առաջնորդելու միջև սենեակին դուռը:

Մարքիզուհին քովը, միեւնոյ աթոռին վրայ նըս-  
տած էր շափազանց գեղեցիկ կին մը, որուն զէմքը յոյսի  
առատութեան մէջ ունի փայլ կը կ'ստանար: Անոր  
տարիքը 25 - 40ի մէջանող կը կարծուէր: Ո՛չ ոք կըր-  
նար դուշակել այս բանը գեղեցկութիւններու և յոյսե-  
րու այդ առատութեանը մէջ:

Հովանարով, անտարբեր կերպով խաղացող այս գե-  
ղեցիկ կինը, իր հաձկի շարժումներովը ու նազանքնե-  
րովը առինքնող այդ հրեշտակաւոր զէմքը, աիկին  
Մալտաին էր, դուքսին համանուհին:

Մարքիզը և ձերունի դուքսը, միմյն ևրկու փեղ-  
կերը բացուած դրան առջև երթեւեկելով ժամանակ  
կ'անցնէին: Ամէն անգամ որ անոնք կը վերադառնային,  
ձերունի դուքսը գաղտնի տկնարկներ կը նետէր աիկին  
Մալտաի: Այնպէս կը կարծուէր թէ անոնք ծածկապէս  
բաներ մը ըսել կ'ուզէին իրարու:

Հողորտոպետը երբ սրահ մտաւ, ուղղակի գնաց  
Մարքիզին մօտ և Մարքիզ վան-Հօրի բնակարանին մէջ  
սովորութեան կարգ անցած պայմանադրական ձեւակեր-  
պութիւնները մէկ կողմ գնելով ձեռքը երկարեց անոր:

— Սիրելի Մարքիզ, ըսու հաղարտպետը ձեզ կը  
ներկայացնեմ Պ. Օսկար ար վէրին, բարեկամներէս:

կամ աւելի շիտակը մեր մօտաւոր ազգականներէն մին:  
Այս խօսքերը ըսելով, հաղարտպետը անոր ներկա-  
յացուց Շէրիւպէնը:

Շէրիւպէն ալ իր կողմէ հաստատեց զայն: Իսկ Մար-  
քիզ վան-Հօր, ամէն իրիկուն իր երբեք չճանչցած  
մարդիկը բարեւելու սովորութեանը համեմատ, երբ կը  
պատրաստուէր բարեւելու այս երիտասարդը, յանկարծ  
զօղալ սկսաւ:

Եւ սառագիւ Շէրիւպէն, իր ունեցած արտակարգ  
գեղեցկութեանը համար, նախանձը գրգռած էր վան-  
Հօրին, որ կասկածելով թէ կրնար ան գլխէ հանել նաև  
իր կինը սկսած էր անձկութեան նշաններ ցոյց տալ:

Մարքիզ վան-Հօր երբ տեսաւ այս երիտասարդը,  
զարմանալի զգացումներով պաշարուեցաւ իր սիրտը:  
Հաղարտպետն աւ Պ. ար Շէրիւպէնը չընդհատելու հա-  
մար Մարքիզին Պ. ար Շաթօ Մայի հետ ունեցած խօ-  
սակցութիւնը բարեւելով մեկնեցան անոնց քովէն: Հա-  
ղարտպետը, ընկերովը Շէրիւպէնի հետ մտաւ հիւրա-  
սենեակը:

Այդ պահուն, աիկին Մալտաի կը պատմէր հետաքը-  
բըրական պատմութիւն մը զոր սենկնդիրները գոհ և  
ուրախ, մտիկ կ'ընէին: Քիչ անդին կեցած էր խորխո-  
նայուածքով, հազիւ 27 տարեկան խառաղէմ երիտա-  
սարգ մը, որ թառն էր գուրա Շաթօ ար Մայիին: Ան  
գրաւիչ կերպով գեղեցիկ և համալիրելի, արհաւարհան-  
քով մտիկ ըրած էր աիկին Մալտաի պատմութիւնը,  
որուն ականջալուր ըլլալուն համար շատ կը ցաւէր:

Երիտասարդին կանակը կանգնած էր տարօրինակ  
տեսքով մէկը: Այնպէս կը թուէր որ, ներկաները աի-  
կին Մալտաի պատմութիւնը մտիկ ընելով մէկտեղ կը  
նետաքըրուէին այս տարօրինակ տեսք ունեցող ան-  
ձովը:

Արտաքին երեւոյթէն դատելով, քառասուն տարեկանի մօտ եղող այս մարդը, կղմնտրագոյն, մինչև ուսերուն վրայ թափող մազերը կարմիր, ականջներուն օղանցուցած, մատները թանկագին քարերով ազուցուած մատանիներով զարդարուն մէկն էր

Ան հազած էր անգլիական կապտագոյն տափատ մը, և իր բերանն ու կզակը ծածկելու աստիճան լայն ու խոշոր վզնոց մը դրած էր վիզը:

Ան, Անգլիայէն զատ ուրիշ բնակավայր մը ունեցած չէր. Սըր Արթիւր Գօլէնս — այս էր անոր անունը — առաւօտ մը, Լոնտոնի մէջ հաստատուած Ֆլի. Պօլէր և Ընկ. անուն անգլիական դրամատունէն յանձնարարական մը և վարկագիր մը առնելով, եկած էր վան Հոբի մօտ. Մարքիզը վճարելէ վերջ իր անուան ուղղուած վարկագրին մէջ նշանակուած տասը հազար անգլիական ոսկիի գումարը, զայն ալ հրաւիրած էր իր կազմակերպած երեկոյթին: Սըր Արթիւր՝ ժամը ճիշդ տասին գալով տուն, այն ատեն առանձինն մնացած մարքիզին հետ երկար բարակ տեսակցութիւն մը ունեցաւ, և ըստնուեցաւ անկէ այն ատեն միայն, երբ հետզհետէ սկսան հասնիլ հրաւիրեալները:

Այդ պահուն՝ երբ տիկին Մալասի վերջացնելու վրայ էր իր պատմութիւնը, Սըր Արթիւր, իր մատներովը թեթեւակի հարուածներ սուաւ կոմսին ուսերուն: Կոմսը ետին դառնալով և տեսնելով տարօրինակ երեւոյթով այս մարդը, շատ զարմացաւ. իսկ Սըր Արթիւր անգլիացիներուն յատուկ առողջանութիւնով մը ըսաւ անոր ֆրանսերէն լեզուով:

— Կը ներէք Պ. Կոմս, կը փափաքիմ տեսակցութիւն մը ունենալ ձեր ազնուութեան հետ:

Կոմսը քանի մը քայլ ետ քաշուելով, վերջին աս-

տիճան մտահոգուած, սրահին մէկ անկիւնը գնաց անգլիացիին հետ:

— Պ. Կոմս, ըսաւ անգլիացին, թերեւս շատ տարօրինակ գանէք ընթացքս, զիս առաջին անգամ տեսնելուդ համար:

— Բնական է, միլօրտ:

— Կը ներէք, ես միլօրտ չեմ, պարզ ձէնթլըմէ մըն եմ. Սակայն կարեւորութիւն չունի այս, միայն նպատակս է ձեզ ներկայանալով, ձեզ հետ յարաբերութիւն ունեցող անձի մը մասին կարգ մը տեղեկութիւններ տանալ:

Կոմսը զարմացական նշաններ ցոյց տուաւ, իսկ անգլիացին միեւնոյն առողջանութիւնով այսպէս շարունակեց իր խօսքերը.

— Ի՞նչ կը խորհիք այն կէնջ մասին, որ այսքան կ'զբօսցնէ բազմութիւնը:

— Ե՞ս, ես բան մը չեմ խորհիք, պատասխանեց կոմսը ցնցուելով:

— Ձեր հօրեղբայրը պ. դուքս տը Շաթօ Մալի...

Կոմսը, իր կեանքին մէջ երբեք չի տեսած այս տարօրինակ մարդուն բերնէն լսելով իր հօրեղբոր անունը, զարմացումով մը բացադանչութիւն մը արձակեց:

Իսկ Սըր Արթիւր պաղարիւն կերպով հետեւեալ կերպով շարունակեց իր խօսքերը.

— Ձեր հօրեղբայրը, ձեզի բոլորովին հակառակ ընաւորութեան տէր մէկն է, պարտն կոմս, ապացոյցն ալ առ է որ...

— Ի՞նչ, ապացոյց ալ ունիք:

— Այո՛:

— Ի՞նչ է ձեր ապացոյցը:

— Ապացոյցս ան է որ, ամիս մը չտնցած, հոկա-  
ռակ այնքան պատուախնդիր երեւցող, և սակայն կաս-  
կածելի նկարագրի տէր եզող տիկին Մարտին, պիտի  
կոչուի գ.քսուհի աը Շաթօ Մայի

Կոմսը երեսը գունատելով. շրթունքները խոժնեկ  
սկսաւ:

— Կը ներէք պարոն, շարունակեց Սըր Արթիւր,  
առանց աւելի անհամբերութիւն ցոյց տալու, զիս մը-  
տիկ ըրէք: Հարկա՛ւ զօրաւոր պատճառներ ունիմ որ  
ես, կը հարկադրուիմ ձեզ հետ խօսիլ, այսքան ցաւալի  
գէպքի մը մասին:

Այս յառաջարանէն վերջ, երկուքն ալ նստելով  
բազմոցին վրայ, անդլիացին հետեւեալ կերպով շարու-  
նակեց իր խօսակցութիւնը:

— Պ. դուքս աը Շաթօ Մային չափազանց հարուստ  
մէկն է, փոխանակ այս հարստութիւնը ձեզի ձգելու,  
տիկին Մարտին հետ իր կնքելիք ամուսնութեանը  
պատճառաւ, մանաւանդ պայմանագրութեան մը հա-  
մաձայն, անոր պիտի թողու իր ունեցած ամբողջ հա-  
րստութիւնը:

— Սակայն, պարոն, այս կէտը ես վաղուց է որ  
գիտեմ: Գուք այժմ ի՞նչ պատճառներէ զրդուած, կը  
հարկադրուիք ինձի հաղորդել այսպիսի մարդարէութիւն  
մը:

— Պարոն կոմս, ձեզի շրջապատող վտանգը շատ  
ձօտէն տեսնելուս համար է որ թերեւս...

Սըր Արթիւր չըրացուց իր խօսքերը, իսկ կոմսը  
մտահոգուած հարցուց.

— Թերե՞ւս...


— Այո՛, թերեւս կայ այս աշխարհի մէջ մէկը՝ որ  
արգիլելով կոմս աը Շաթօ Մայիի ամուսնութիւնը,

անոր ժառանգութիւնը կարենայ յատկացնել տալ  
ձեզի:

— Ո՞վ է այդ մէկը:

— Ե՛ս եմ:

Այդ պահուն, տանը ծառաներէն մին մեծ սրահին  
գրոնն առջև կանգնելով, Տէր և Տիկին Յէրնան Ռօչէի  
այցելութիւնը հաղորդեց, զանոնք ներս առաջնորդելով  
քաղաքավարօրէն:



Բ.

### ՏԱՐՈՐԻՆԱԿ ՄԱՐԴԸ

Սըր Արթիւր երբ լսեց այս անունը, առանց ետին դառնալու, շարունակեց իր խօսակցութիւնները համաւոր Շաթօ Մայիի հետ:

— Դո՛ւք, դո՛ւք:

— Այո՛, ես:

— Ստեղծը դուք ինչպէ՞ս կրնաք յաջողիլ այդ բանին մէջ:

— Պարոն, ես նեղուցէն անցնելով զեւ նոր եկայ Քարիզ: Միայն...

— Անտաքահայս, կարող մը արգելքներ կան մէջտեղը...

— Այդ ձեր կողմէն կրնայ ըլլալ:

— Իմ կողմէ՞ս յարեց կոմսը հետզհետէ զարմանքը աւելցնելով:

— Անտաքահայս, հաւանական է որ դուք չընդունիք պայմաններս:

— Կը հասկնամ, դուք գործ մը պիտի առաջարկէք ինձի:

— Թերեւս, ստեղծը, առ զեացէք նախ և առաջ թէ՛ գործը գրամի վրայ չէ:

— Ինչ որ է պարոն, բացատրեցէք ձեր միտքը. որովհետեւ չկրցայ իմաստ մը տալ ձեր խօսքերուն:

Սըր Արթիւր, անհոգ կերպով ծունկերը իրար միացուց և ծռելով կոմսին ախանջին ըսաւ:

— Պարոն կոմս, եթէ դուք իր ունեցած հարբստութիւնը ձեզի ձգէ, կրնա՞ք ուզուած պարագային մէկ միլիոնը տալ ձեր ժողովուրդի գումարէն:

— Սիրայօժար կը վճարեմ պարոն:

— Հանդիստ եղէք ես այս չէ որ ձենէ կ'ուզեմ: Ինչպէս ըսի, մեր միջև դրամական խնդիր գոյութիւն չունի, միայն խոստացած վստահանիս համար, կ'ուզէի հասկնալ թէ ո՞ր աստիճան տրամադիր էք դուք զօգութիւն կատարելու. այն ալ հասկցայ:

Կոմսը մտատանջութեան մտանուած, զարմանքով մը կը գիտէր Անդրիասին, որուն պաղարիւն ընթացքէն և անոր արտաքինապէս ցոյց առած արտաքոյ կարգի տղեղ երևայթէն կը հետեցնէր թէ՛ այդ խայտառակ պատկերին տակ ծածկուած պէտք է ըլլայ սոսկալի մէկը. այս համոզումով վախ մը ունեցաւ անոր նրկատմամբ:

Այս միջոցին Սըր Արթիւր անկեղծ վերաբերում մը ցոյց տալով ըսաւ անոր.

— Սիրելի կոմս, ձեր դուքս հօրեզրայրը ծերունի սիրահար մըն է. տակէ զատ ան տրամադիր է կաթուածի:

— Ինչ ըսել կ'ուզէք, ըսաւ կոմսը որուն երեսը թոլորովին գունատեցաւ:

— Ըսել կ'ուզեմ որ, եթէ ամուսնութիւն տեղի չունենայ, Պ. տը Շաթօ Մայի կրնայ կաթուածի ենթարկուիլ:

Սըր Արթիւր այս խօսքերը այնպիսի ծիծաղով մը

10782-54 / 3679-48



բառ որ, կոմար սկսու զողալ, բայց շարունակեց իր խօսքերը աւելցնելով:

— Մտիկ ըրէ՛ք, դուքքը սիրահար մըն է, Եօթանասուն տարեկան ձերունի սիրահարներուն նման ան թէ խուլ և թէ կոյր է: Որչափ որ տիկին Մալասի թոյլ բնուորութիւն մը ունի, ուսեալ և ուշիմ ըլլալով և անցեալէն հետք մը մնացած չըլլալով անոր վրայ, ինչ որ ըսուի այդ մասին, սեւէ օդուս մը չպիտի ունենայ:

— Գիտեմ:

— Հիմա այնպիսի դօրաւոր ապացոյց մը պէտք է որ, Պ. ար Եաթօ Մայի, ուղէ չուղէ հրաժարելով իր որո ումէն, հարկադրուի ետ կենալու Մինչդեռ շատ լաւ վճարի եմ որ մէջտեղը այսպիսի ապացոյց մը չկայ:

Կոմար, լսելով անոր այս վերջին խօսքերը յանկարծ ցնցուելով ըսաւ.

— Որչա՛փ կ'աշխատիմ հասկնալու համար այս կէտը, այնքան ալ չեմ յաջողիր:

— Կեցէ՛ք... մէջտեղը դեռ այդպիսի ապացոյց մը չկայ, բայց ես կրնամ սահայն ստեղծել:

— Ի՞նչ, հարցուց կոմար զարմանալով:

— Այո՛, ես: Իմ հայթայթելիք փաստերուս և արոցոյցներուս դիմաց, Պ. ար Եաթօ Մայի կայծակնահար եղած պէս աղղուելով, պիտի հասկնայ որ, իրեն իրբեւ ամուսին ընտրած այդ կինը, ամենէն ատոր և ցած մէկն է:

Անպիտան անհնելով որ կոմար մտախոհ և վարանոտ երեւոյթ մը ունի, շարունակեց իր խօսքերը ըսելով.

— Մտիկ ըրէ՛ք, ձեր հօրեղբայրը ատրիքը առած

մէկն է, և իր ամբողջ կեանքը հովերգութիւններով անցուցած ըլլալով, փճացուցած էր իր մարմինը և իր ասողութիւնը, այնպէս որ կրնայ թեթե հով մը վերջ տալ իր կեանքին: Ով կրնայ հրաշխաւորել ձեզի թէ՞ ութ օր վշտերու մէջ Ժամանակ անցնելէ վերջը, ան չպիտի մեռնի:

— Կրնայ ըլլալ:

— Այդ պարագային դուք, ձեր հօրեղբոր իր ատրճանէն ցած եղող կնոջ մը հետ ամուսնանալէն, նախընտրելի պիտի դատէք որ կարճնայ անոր կեանքին թեւը:

Կոմար ինքնաբերաբար խորհրդածութիւններու ենթարկուած ըլլալով չպատասխանեց անոր:

Սըր Արթիւր շարունակելով իր բացատրութիւնները աւելցուց.

— Ուրեմն սուէք ձեր որոշումը: Չեմ կարծեր որ դուք երեւակայէք տիկին Մալասի երջանկութիւնը:

Կոմար գլուխը վեր վերցուց և յետոյ դառնալով Սըր Արթիւրի հարցուց անոր.

— Կը ներէ՛ք, ենթադրենք որ համաձայնիմ ձեր ատաջարկին... քանի որ դուք դրամ չէք պահանջեր և ատաջուց յայտնեցիք թէ այդ բանին համար ալ կարգ մը պայմաններ պիտի առաջարկէք. այդ պարագային ինչ կ'ազատէք ինձմէ:

Սըր Արթիւր շեշտակի նայեցաւ կոմարին և ըսաւ.

— Պարտ'ն, այս ընկերութեան մէջ կայ կին մը, որ ինձի իր սաքերուն տակ ճգմամ է. Այդ կինը երկուստարդ, հաճելի և հարուստ ըլլալէն զատ, հարաւորութեան սահմանին մէջ, ամէն բանի ալ տէր է և կրնայ ձեզ նման մարդու մը միտքը դարձնել:

— Շատ լաւ:

— Ահա՛, այդ կինը հետապնդելու և դուք ձեզի անոր սիրեցնել տալու համար, ձեր ձեռքէն եկածը ընելու մասին պէտք է երդնուք...

— Զարմանալի բան, շխտակը վրիժառութեան ձեր այս ձեռը շատ տարօրինակ կը գտնեմ:

— Ես Անգլիացի եմ:

Այս պատասխանը վճռական ըլլալով, կոմսը չկրօցաւ բան մը ըսել:

Սըր Արթիւր շարունակեց.

— Այն օրը երբ դուք սիրուիլ այդ օրինոջ կողմէ անոր ամբողջ հարստութիւնը դուք պիտի ժառանգէք:

— Պարոն, ժառանգութիւնս ձեռք ձգելու համար այնպիսի միջոցներ ցոյց կուտայք ինձի որ, ուէ աչքը բաց երիտասարդ մը չպիտի մերժէր զայն: Սակայն, պէտք է ամէն բան կանխաւ մտածել, ձեր ցոյց տուած կինը...

— Վերջին ծայր իմացականութեան տէր է, ճիշդ է, ձեզի յանձնարարած պարտականութիւնս գիւրին չէ, սակայն եթէ կամք ըլլայ...

— Իրաւունք ունիք, երբեմն պէտք է համբերել, ես կրնամ մինչև վեց ամիս տարի մը համբերել:

— Նշանակութիւն չունի, ես ալ համբերատար մէկն եմ:

— Դուք պատուաւոր մէկն էք, այնպէս չէ՞:

— Կը կարծեմ:

— Եթէ երդնուք ինձ, հաստատ կը մնա՞ք ձեր կատարած երդումին վրայ:

— Ինչո՞ւ չէ, ամենայն սիրով:

— Այդ պարագային, երբ ես արգիլեմ ու պատճառ դառնամ ձեր սիրեցնելու այդ ամուսնութիւնը, երբ

ձեր մասին ըրած երաշխաւորութիւններս կատարեմ լիովին, դուք ալ երդուցէք որ հաւատարիմ պիտի մընաք իմ մասին ձեր ստանձնած յանձնարութիւններուն ու երաշխաւորութիւններուն:

— Այդ մասին կ'երդնու՞մ պատուոյս վրայ, միայն...

— Զարմանալի բան, ի՞նչ պատճառ ունիք վարանելու:

— Անտարակոյս...

— Շատ լաւ, ըսէք ձեր վարանուէին պատճառները:

— Հակառակ դարձադրած ջանքերուս, եթէ չկրօնամ յաջողիլ ձեռնարկներուս մէջ...

— Եթէ դուք չկրնաք իրականացնել ձեր ջանքերը և այս մասին թափած իմ աշխատանքներս հակասեն ձեր...

— Տարօրինակ բան, դուք ինձի՞ ալ պիտի օժանդակէք:

— Հարկաւ Միայն, իմ օժանդակութեանս փոխարէն և ձեր կարողութեան սահմանին մէջ, եթէ չկրնանք յաջողիլ ձեր ջանքերուն և կատարած աշխատանքներուս մէջ, իմ կողմէ անկարելի ըլլալով այլևս վրէժխնդրութեան այս ձեռնարկը, պիտի հրաժարիմ մըտապրութիւններէս:

— Այդ պարագային կ'ընդունիմ ձեր բոլոր առաջարկները վերանորոգելով երդումս:

— Հիմա խօսք մը ունիմ ձեզի ըսելիք: Երբեք մտքէ մի հանէք ձեր ու իմ միջև գոյութիւն ունեցող պաշտօնական գաղանի կապակցութիւնը և այս բանն ալ ոչ ոք պէտք է գիտնայ:

— Ապահով եղէք, կը վստահեցնեմ ձեզ թէ՛ այս մասին բացարձակ լռութիւն պիտի պահեմ:

— Այս կերպով ձեր ընթացքը, շատ պիտի գիւրացնէ գործը: Բայց երբ ձեր կողմէ ամենամանջան գաղտնիք մը իսկ տարածուի, թողով Բարիզը, պիտի հարկաբերուիմ ետ կենալ ձեզի հետապնդելէն:

Կոմսը գլուխը խոնարհեցուց և յետոյ ըսաւ.

— Հիմա՛, պարոն կրնամ հարցնել ձեզի այդ կնոջ ով ըլլալը:

— Լոնցէ՛ք, հաւանական է որ այս իրիկուն, մեր գտնուած սենեակներուն մէկուն մէջ երկու հոգի որոշն իրարու հետ մենամարտիլ և գուցէ դուք ալ վկայ ըլլաք այդ բանին:

— Է՛ն յետո՛յ:

— Այդ երկու անձերէն մին, յայտնած կնոջս ամուսինն է: Անա այդ վայրկեանէն սկսեալ, դուք չափազանց յարգանք և մեծարանք ցոյց կուտաք այդ կնոջ, որովհետև հաւանական է որ ամուսինը իրեն հետ չտանելով իր կինը, ձգէ երեկոյթի սենեակը:

Անգլիացին այս վերջին խօսքերը խօսած ժամանակ, ժամը տասն և մէկը եկած ըլլալով, նուագները ազդարարեցին պարերուն սկսիլը: Միեւնոյն ժամանակ ըսաւ անգլիացին.

— Մնաք բարով, կրկին կը տեսնուինք, և ընդունելութեան սենեակէն դուրս ելլելով մտաւ թղթախողի սենեակը: Այն պարագային, երբ երիտասարդ կոմսը պարելու գնաց, հոն, թղթախողի սենեակին մէջ կը սարքուէր զուարճութեանց սեղանները:

Մարքիզուհին ալ ոտքի ելլելով, երբ իր մօտը գտնուողներէն մէկուն թեւը կը մտնէր, հազարապետ Գարաէն անոր քովը երթալով, Շէրլուպէնը կամ Օսկար ար Վէրնիի ներկայացուց անոր:

Բախտն ու ճակատողիբը աջնպիտի խաղեր ունին

երբեմն, որ շատ անգամ կ'զբաղեցնէ ու կը տանջէ մարդուս միտքն ու ուղեղը:

Յատկանշական դէմքով և աչքերը գետին խոնարհած այս երիտասարդը երբ անսաւ Հաւանացի թարմ կինը, ենթարկուելով բնական զօրաւոր զգացումներու յորձանքին, զուարճութեան ու խրախճանքի ընթացքին ներկայացուած այս անձանօթ երիտասարդը, իր կեանքին մէջ մանող դժբախտութեան մը գաղտնի մէկ պաշտօնեան երեւցան իրեն:

Այսպէս, կինը բռնելով ձեր մարդու մը ձեռքէն ըսաւ անոր.

— Կ'ուզէ՞ք ինձի հետ պարել:

Հազարապետը ծռելով Շէրլուպէնի կողմը այս խօսքերը ըսաւ անոր.

— Ազնիւ բարեկամս, մեր գաղտնի անօրէնը վրատահելով ձեր դէմքին, խաբուած չէ: Տեսէք, մարքիզուհին տակն ու վրայ եղաւ և ամուսինը հիմակուրէն սկսաւ ցոյց տալ նախանձատութեան նշաններ:

— Կը կարծէ՞ք:

— Այս պարագան թէև զարմանալի և անօրինակ բան մըն է, սակայն իրական վիճակը աս է... որքան որ մարքիզուհին իր կեանքը կ'անցնէ աշխարհի մէջ գոյութիւն ունեցող ամենէն զբաւիչ անձերուն մէջ, սակայն անոնց ամէնուն ալ կարեւորութիւն չի տար, մինչդեռ ձեզ տեսնելուն պէս գոյնը նետեց և ինքն ալ մատնուեցաւ շփոթութեան: Գիտե՞ս ասոր պատճառը:

— Ո՛չ, միայն, երբ կիները զիս առաջին անգամ կը տեսնեն, շատ անգամ նկատած եմ որ անոնց մէջ տեսակ մը զգացումներ կը ծնին:

Երբ հազարապետին և Շէրլուպէնի միջև կը փոխա-

նակուէր այս խօսակցութիւնը, երիտասարդ կոմս Շաթօ  
տը Մայի կարգ մը դեռատի կիներուն նայելով, անոնց  
մէջէն պարող մը կը փնտռէր: Իր այս հետազօտութեա-  
նը ընթացքին տնոր աչքերը հանգիպեցան տիկին Ֆէր-  
նան Ռօշէի:

Ֆէրնան և իր ամուսինը, անցեալ ամառ Վիշիի  
հանքային ջուրերուն մէջ, իրենց կատարած օդափու-  
թեան ատեն հանդիպած էին Մարքիզին, և առաջին  
անգամ ըլլալով, այս իրիկուն միայն եկած էին այս  
մեծ երեկոյթին:

Պ. սը Շաթօ Մայի երբեք տեսած չէր Հէրմինը,  
որուն գեղեցկութենէն տարուած առաջարկեց անոր որ  
պարէ իրեն հետ:

Հէրմին, երկայնահասակ և նուրբ կազմով էր, և  
ապշեցնելու աստիճան գեղեցիկ է, հոման ալ տակաւին  
երիտասարդ, պսրերուն մէջ ամենէն շատ գերմանա-  
կան վալսը կը սիրէր: Բասն վայրկեանի չափ պարեց  
ու կայթեց անոր հետ, այնպէս որ մոռցաւ իր ըրած  
այն երդումը, զոր կատարած էր տարօրինակ կարծուած  
մարդուն, անգլիացիին առջև:

Երբ պարը վերջացաւ, կոմսը բոլորովին ապշահար  
և յուզուած, առաջնորդեց Հէրմինը իր տեղը, և հիա-  
ցումով մը ըսաւ ինքնիրեն:

— Պատուոյս վրայ կ'երդնում որ, այս կինը զգըլ-  
թիչ ըլլալու աստիճան գեղեցիկ է, եթէ գրաւելիք  
կինս այս պիտի ըլլայ, առանց ոեւէ դժուարութեան  
մատնուելու պիտի կրնամ տիրանալ հօրեղբօրս ժառան-  
դութեանը, ու վերջացնելէ վերջ ան այս խօսքերը սկը-  
սաւ խորհրդածել:

Կոմս ըմբիւղեա մտազբառ կը խորհրդածէր, աչքերը  
չուրջը պատցնելով սկսաւ Սըր Արթիւրը փնտռել: Սա-

կայն, ան, փոխանակ մեծ սրահին մէջ մնալու, թղթա-  
խաղի յատկացուած սենեակը անցած նստած էր հոն  
սեղանի մը շուրջը:

Իրեն հետ ձեռք մը թուղթ խաղալու տրամադիր  
մէկը գտնելու անոր ցոյց տուած անհամբեր կեցուած-  
քէն կարելի էր գուշակել թէ, ան շատ կը նեղ-  
ուէր:

Այդ պարագային նշմարեց որ կլոր մօրուքով ու ար-  
տայայտիչ դէմքով ակնոցաւոր երիտասարդ մը կ'անց-  
նէր իր քովէն ոչ այնքան հեռու:

Առաջին անգամ ըլլալով Մարքիզ վան Հօրի տունը  
եկող այս երիտասարդը որ կը կոչուէր Պ. դերկոմս տը  
Գամպօլէ, կը բնակէր Յօպուր Սէնթ Օնօրէ փողոցը  
տան մը մէջ, և որու մասին կը խօսուէր թէ շատ շը-  
ունդալից կեանք մը անցուցած էր ժամանակին: Ան նրս-  
տած թղթախաղի սեղանին առջև, ձեռքը առած խաղի  
թուղթերը, խաղալ կեղծելով ա՛լ ու ձախ թուղթեր կը  
ցրուէր:

Այդ պարագային Սըր Արթիւր մօտենալով այս ե-  
րիտասարդին, անգլիացիներու յատուկ պաղարկու-  
թեամբ մը բարեկեցիկ ըսաւ անոր:

— Պարոն, կրնամք ինծի հետ ձեռք մը խաղալ:  
Դերկոմս տը Գամպօլէ այս հրաւերին պատասխա-  
նելով, առանց կարեորութիւն տալու հինգ ոսկի նետեց  
սեղանին վրայ:

Անգլիացին ալ նստելով, հանեց իր զրպանէն հինգ  
ոսկինոց թղթաղրամ մը և զրաւ սեղանին վրայ:

Նախ շատ լաւ սկսան խաղի. թղթախաղի սեղանը  
դրուած էր բազմութենէն շատ հեռու տեղ մը, անկիւն  
մը. ներկայ հրաւիրեալներն ալ զբաղած ըլլալով խաղա-  
ցողները ղիտելու, բոլորովին առանձինն ձգած էին

այս երկու պարոնները, որոնք թղթախաղով զբաղած թէև, սակայն, կրնային անարգել տեսնուիլ իրարու հետ:

Սըր Արթիւր, մէկ կողմ ձգելով իր անգլիական առողանութիւնը, ըսաւ.

— Յանուն պատուոյ կ'ըսեմ որ, Բօքսնպոլ դուն բռնին ամբողջ իմաստով կատարեալ չըջիկ ճէնթլըմէնի մը երեոյթը ունիս:

— Իմ ձեռքէս այսքանը կուզոյ, ըսաւ Պ. դերկոմս Գամպոլն, սակայն, հաղարապետ, ցարդ նմանը չտեսած դեղեցիկ Անգլիացի մըն ալ դուք եղած էք: Ձեր դեղին մազերը, կղմնարագոյն մորմիննիդ և ձեր կեղծ փորը, ձեզի այն աստիճան անձանայելի դարձուցած են որ, եթէ ես իսկ, ձեր յարգարանքին ժամանակ ձեր մօտ գտնուած չըլլայի, դժուարաւ պիտի ճանչնայի ձեզ և պիտի խորուէի:

Կեղծ անգլիացին, որ այնքան յարմար տարազ մը կը կրէր, նոյն ինքն Սըր Ուիլերմսն էր որ տեսակ մը ծիծաղով ըսաւ անոր.

— Ծիչդ է, իմ բարերար եղբայրս, երբ ժամանակին ես Պատթիէնի հետ կը մենամարտէի, կրցած էր զիս ճանչնալ, իսկ հիմա եթէ տեսնելու ըլլայ, չպիտի կրնայ ճանչնալ:

— Ինչ որ է, երբ պիտի սկսինք գործի:

— Որչափ որ ամէն ինչ պատրաստ է, սակայն, առիթին սպասենք: Թիւրքուտղին հասկցուցի գործը և զայն երէկ առաւօտ փոխադրեցի Մօնսէյ փողոցի բընակարանը, Թիւրքուազ շատ լաւ իւրացուցած է իր դերը: Իսկ դո՞ւն:

— Ես ալ գիտեմ խնդրին էութիւնը, ինչպէս որ գիտեմ Սըր Արթիւր Գօլէնսի և Սըր Ուիլերմսի ով ըլ-

լալը այնպէս ալ վստահ եմ որ հակառակորդիս սիրաբ պիտի կրնամ մխել վրիժառութեան սուրբ:

— Եամանուշանդ մի մտնար այն կողմը, ուր պիտի մխրձես սուրբ: Եուարում պէտք չէ, խնդիրը միլիօններու վրայ կը կայանայ:

— Ինչք այդ մտաին հանգիստ եղէք, հօրեղբայր:

— Քիչ մը առաջ Մարքիզը ինձ ըսաւ ձեր «լանս-դընէ» խաղալը, բարեկամնիս նշանաւոր խաղացող մըն է, ան ալ պիտի գայ: Ահա՛ այն ատեն պէտք է խելացի շարժիլ:

— Եատ լաւ, շատ զիւնին է այդ:

Եւ արդարեւ, խաղի սեղանը պատրաստուելով, Մարքիզ վան-Հօբ եկաւ ու նստաւ անգլիացիին մօտ, ըսելով անոր.

— Սըր, դուք ալ կը խաղա՞ք մեզի հետ:

Անգլիացին ոտքի ելնելով պատասխանեց.

— Եէ՛ս:

Թղթախաղին կը մասնակցէին տասը հոգի, անոնց մէջ ըլլալով նաև Ֆէրնան Ռօչէն և երիտասարդ կոմսը Եաթօ Մային:

Խաղը ժամանակ մը շարունակուեցաւ:

Յետոյ ինչպէս պատահեցաւ Բօքսնպոլի և Ֆէրնան Ռօչէի մէջ և ծաղում առաւ հակառակութիւն մը:

Սըր Ուիլերմս այն ատեն նշանակալից նայուածք մը ուզղեց իր քով նստող անձին Եաթօ Մայի կամսին, որ երբ հասկցաւ թէ Սըր Արթիւր մենամարտ պիտի առաջարկէ, դողած և յետոյ մօտենալով Սըր Ուիլերմսի ախանջին, Բօքսնպոլը ցուցնելով հարցուց անոր.

— Ո՞վ է այս երիտասարդը:

- Գերկոմս Գամպոլնն է:
- Միւսը,
- Միւսն ալ ամուսինն է այն կնոջ՝ որուն հետ զուք քիչ մը առաջ պարեցիք, և կը կոչուի Ֆէրնան Ռօշէ: Կը հասկնամք:
- Այո՛, ըսաւ կոմսը, և հաղիւ արտասանած այս բառը, սիրտը սկսաւ ուժգնօրէն բարբախել:



Գ.

## Ե Ր Ե Կ Ո Յ Թ Մ Ը ՈՒՐ ԾՐԱԳԻՐՆԵՐ ԿԸ ՄՇԱԿՈՒԻՆ

Տեղի ունեցող հակառակութեան պատճառով, առաջուց զերկոմս աը Գամպոլն ձգելով խաղասրահը, գնաց Ֆէրնան Ռօշէի մօտ, որ նստած էր պարսպ սենեակի մը մէջ: Ֆէրնան Ռօշէ վեհանձնութեամբ մը զայն բարեւելով ըսաւ.

— Կը ներէք պարոն, կրնա՞ք ինձի կարգ մը տեղեկութիւններ հաղորդել:

— Ինչո՞ւ չէ, ամենայն սիրով, պատասխանեց զերկոմսը, և ահնոցները հանելով լուս մը սրբելէ վերջ կրկին զայն տեղաւորեց իր քթին վրայ:

Ֆէրնան, անոր այս անկիրթ շարժումներէն բարկանալով ըսաւ սրանեղած.

— Պարոն, կրնա՞ք յայտնել ինձ թէ սովորաբար զուք ո՞ւր խաղացած էք «լանսգընէն»:

— Մարդօց մէջ կը խաղամ, պատասխանեց Ռօշանպոլ. շատ զօռնիկ կերպով:

Ֆէրնան իր կողմէ արհամարհական շեշտով մը կըրկին հարցուց անոր.

— Ի՞նչ տեսակ մարդօց մէջ:

— Չեղի ծանօթացած ըլլալուս աստիճան. պարծե-  
նալիք մարդոց մէջ.

Ֆէրնանի բարկութիւնը ծայր աստիճանի հասաւ  
այս պատասխանին վրայ.

— Պարոն, ըսաւ Ֆէրնան, այս ընկերութեան մէջ  
գտնուելուս համար շատ կը ցաւիմ ես, որովհետեւ դուք  
չէք կրնար գտնուիլ ճշմարիտ ընկերութեան մը մէջ:

Րօքանպոլ գռեհիկ և լիրք ձեւով մը պատասխա-  
նեց.

— Պարոն, ես մարդը իր դէմքէն կը ճանչնամ.  
Խաղը ինձի համար պատերազմ մըն է, քիսակ մը նոր  
մենամարտ, ուր նախ քան մենամարտիլս կ'ուսումնա-  
սիրեմ հակառակորդներս:

Ֆէրնան գունատեցաւ, իսկ Րօքանպոլ շարունակեց  
իր խօսքերը ըսելով.

— Միայն թէ կատարած քննութենէս գոհ չմնացի,  
և այս պատճառով չուզեցի որ խաղը շարունակեմ.

Այս պարագային Ֆէրնանի բարկութիւնն ու կա-  
տաղութիւնը ծայր աստիճանի հասած էր. որ բռնելով  
դերկոմոսին թեւերէն ըսաւ վճռական ձեւով մը.

— Այցաքարանիդ պարոն, վաղը ժամը եօթին  
պէտք է գտնուիք Պուլօներ անտառին մէջ:

— Պարոն, նախ քան ձեր այցաքարտ պահանջելը,  
դուք պարտաւոր էք տալ ձեր այցաքարտն ու հասցէն:

— Իրաւունք ունիք, ըսելով, Ֆէրնան իր այցա-  
քարտը նետեց Րօքանպոլին՝ որ ակնոցները աչքը ան-  
ցընելէ վերջ հետեւեալ հասցէն կարդաց անոր վրայ.

«Պ. Ֆէրնան Ռօչէ, Իսլի փողոց թիւ 5»:

— Սիրելի պարոն, ըսաւ Րօքանպոլ Պ. Ֆէրնան  
Ռօչէի, ես Շուէտացի եմ և անունս ալ դերկոմոս Գամ-  
պօլ է, թէև մենք մեր երկրին մէջ ազնուականներու  
հետ կը մենամարտինք, սակայն քանի որ հիմա Ֆրանս-  
սա կը գտնուինք...



— Կր բուէ պարոն, պատասխանեց Ֆէրնան Ռօչէ  
կատաղութեամբ, վաղը ժամը եօթին անպատճառ պէտք  
է գտնուիք նշանակուած տեղը:

— Կը ներէք պարոն, մտադրած եմ վաղը թղթա-  
տարական կառքով Իտալիա մեկնիլ, եթէ իրապէս ու-  
րոշած էք մենամարտիլ ինձի հետ, ժամ առաջ մեկնինք  
ասկէ: Հարկ տեսնուած սուրբին ու մենամարտի վայրը  
որոշենք նախապէս:

— Շատ լաւ:

— Եթէ հոս կ'ին ունիք, կրնաք լուր տալ անոր  
քանի որ ժամուան համար ձեր մեկնիլը յայտնելով,

— Ինչո՞ւ համար:

— Որովհետեւ, մտադրած ըլլալով ձեզի ոչնչացնել,  
վստահ եմ որ չպիտի վերադառնաք այլևս:

Ֆէրնան, առանց կարեորութիւն տալու այս խօս-  
քերուն, ուսերը թօթուեց ըսելով անոր.

— Եկէ՛ք պարոն:

Րօքանպոլ, փոքր սեղեսկէն անոր հետ մեկնած  
ժամանակ հետեւեալ յայտնութիւնները ըբաւ անոր ը-  
սելով.

— Պարոն, հիմա դեռ ժամը առաւօտեան երկուքն  
է, նախ քան իմ և կամ ձեր պատկանած շրջանակը  
երթալը, կը կարծեմ որ շատ նպաստաւոր պիտի ըլ-  
լայ ընտել մեր վկաները այժմէն և հոս:

— Շատ լաւ, ձեր ուղածին պէս թող ըլլայ:

Մինչդեռ Ֆէրնան, առաջին անգամ ըլլալով Մար-  
քիշ Վան-Հօրի տունը եկած ըլլալուն, երբ շուարած  
էր իրեն պէտք եղած ծառայութիւնը կատարող անձ մը  
ընտրելու գործին մէջ, իր դէմը ելու հազարապետ  
Գարտէնը որուն խրոխտ և զինուորական կեցուածքէն  
քաջալերուելով մօտեցաւ անոր և ըսաւ.

— Պարոն, դուք ժամանակին զինուոր եղած էք, այնպէս չէ՞:

— Այո պարոն, ամբողջ կեանքս զինուորութեան մէջ անցուցած եմ:

— Այդ պարագային, չեմ կարծեր որ ինձի մերժէք փոքր ծառայութիւն մը:

— Ըսէ՛ք պարոն, ի՞նչ կ'ուզէք:

— Պարոն, անձի մը կողմէ շատ ծանր կերպով նախատուած եմ: Վաղը առաւօտ կանուխ պիտի մեկնի հակառակորդս: Եթէ այս վայրկեանիս տեղի ունենայ մենամարտը, ան պատրաստ է կատարելու:

— Կը փափաքիք որ վկայ ըլլամ ձեր կողմէն, այնպէս չէ՞:

— Թէեւ պատիւ չունիմ ձեզ ճանչնալուս, սակայն ձեր վկայութեանը կը կարօտիմ:

— Պարոն, ես այս տան տիրոջ բարեկամն եմ, և կատարեալ յարգանք ունիմ բոլոր այն անձերուն նըկատմամբ, որոնց հանդիպած եմ այս տանը մէջ: Պատրաստ եմ ձեր հրամանին:

Ֆէրնան մինչ կը գտնէր իր վկան, Պ. դերկոմս աը Գամպոլի ալ, խաղասենեակը գտցած էր իր վկան փընտուելու համար:

Վկաներու կողմէ հարուստ դերկոմսը Սըր Արթիւր Գոլէնէն ուրիշ մէկու մը վրայ չէր խորհէր, հետեւաբար խաղի սեղանին մօտեցաւ և զայն հոն չգտնելով, տեսաւ որ ան պարասրանին մէջ պատուհանի մը անկիւնը կը տեսնուէր կարծանասակ ծերունիի մը հետ:

Իեղին և գեղեցկադէմ այս ծերունին, ներկայ կը գտնուէր գրեթէ ամէն երեկոյթներու, ու նստած անկիւն մը մինչև առաւօտ կը գիտէր պարերը: Տղու մը պէս կը հեռանար զբօսատեղիներէն այն առան, երբ իրեն նշան տրուէր այդ մասին:

Իր գտնուած ընկերութեան մէջ թէև զայն այրմաբացածն կը կոչին, սակայն, անոր յիմարութիւնները այն աստիճան գեղեցիկ և անվնաս էին որ, ամէն տեղ զայն ուրախութեամբ կ'ընդունէին: Սիրահարութենէ ծագում առած ըլլալով անոր յիմարութիւնը, Բաիլի արահներուն մէջ, անոր մասին հետեւեալը կը պատմուէր:

Այս ծերունին, հակառակ ընտանիքի տէր և կառավարական բարձր պաշտօնեայ մը ըլլալուն, քանի մը տարի առաջ տեսնելով երիտասարդ ազջիկ մը. կը սիրահարուի անոր: Սակայն, այդ արտաքոյ կարգի գեղեցկութեան տէր ազջիկը իր դասակարգէն գործաւորի մը սիրահարուած ըլլալով կ'ամուսնանայ անոր հետ: Ծերունի կիրքէն և ցանկութենէն շանթահար, կ'որոշէ նոյնիսկ անձնասպան ըլլալ: Ան ցաւատանջ զգացումներու ենթարկուած, և յիշելով իր երիտասարդ սիրահարին գրաւիչ դէմքը, խելքը կը կորսնցնէ, առանց սակայն այդ մասին բան մը ըսելու ուրէ մէկուն:

Այս մարդը կապտագոյն զգեստ մը հագած էր և կը կոչուէր Պ. աը Պօբրէօ զոր գտած էին իր կիսն ու սղջիկը Սէն Բըմիի մօտերը, յիմարանոցի մը մէջ:

Մեր պատմութեան առաջին մասերուն հետ առընչութիւն ունենալով այս դէպքը, ծանօթութիւններ տալ անհրաժեշտ կը նկատենք, լուսաբանելու համար կարգ մը պարագաներ: Ինչպէս կը յիշուի, երբ Պ. Պօբրէօ կը գտնուէր Պուժիվալի ամարանոցը, Լէօն Ռօլան վրայ հասնելով, կրցեր էր ազատել իր նշանուծը, Սըրիզը, այդ բանտէն:

Վերջին աստիճան նիհարցած Սըրիզին մէկ նշանին վրայ, երբ Պ. աը Քէրկազ, Սըր Ուիլեմմաի ճանկերուն յանձնուած ժամնին օգնութեան կը փութար, Լէօն Ռօլանի և Պ. աը Պօբրէօի միջև դէպք մը պատահեցաւ:

Սըրբի՛ իրեն խմցուած դեղէն զգայազերկ գետին  
ինկած պահուն, Լէօն զայն մեռած կարծելով, այն առ-  
տիճան ցաւ զգաց որ մոռցաւ Պ, աը Պօբրէօն, և այս  
վերջինը ժամանակ դտնելով յաջողեցաւ այդ տեղէն  
փախչիլ:

Այդ վայրկեանէն վերջ ոչ ոք տեսաւ զայն: Հա-  
ւանակամութիւն կար որ, իր հետքը կորսնցուցած  
Սըր Ուիլիըմսը գտած ըլլար զայն:

Միւս կողմէ, տիկին աը Պօբրէօի և Հէրմինի բար-  
կութիւնը իր գերազոյն աստիճանին հասած ու կատարած  
անոնք արհամարելով զայն, ո: մէկ ձեռնարկ կատարե-  
ցին:

Սակայն, այս զէպքէն երեք տարի անցնելէ վերջ,  
տիկին Ֆէրնան Ռօչէ եղած Հէրմինը շատ զարմացաւ իր  
ծննդավայրէն ստացած մէկ նամակին վրայ:

Այդ նամակը գրուած էր Բրովանս նահանգին են-  
թակայ Սէն Բըմի շրջանին մէջ գանուող յիմարանոցի  
տնօրէնութեանէն և ուր կը յայտնուէր թէ՛ Պ. աը Պօբ-  
րէօ թէև կը գանուէր այդ յիմարանոցին մէջ, սա-  
կայն անոր յիմարութիւնը մեղմանալու վրայ էր և  
վտանգաւոր հետեւանք մը ունենայէ ալ շատ հե-  
ռի:

Երբ տիկին աը Պօբրէօ և իր աղջիկը ստացան այս  
ուրբը, կառքով այդ կողմերը գացին:

Պ. Պօբրէօ սակայն, յիմարացած ըլլալուն պատճա-  
ռաւ, երեք տարիէ ի վեր պատահած զէպքերուն և իր  
վիճակին մասին անկարող էր բացատրութիւն մը տա-  
լու:

Ահա, այն ժամանակ, մայր և աղջիկ, տեսնելով որ  
անոր այս ենթարկուած պատիժին մէջ Աստուծոյ մատը  
կայ, ներելով անոր Բարիզ տարին Այդ վայրկեանէն  
վերջ, Պ. Պօբրէօի խելքը գլուխը գալով, կարծես թէ

ուղեղին վրայ առաջ եկաւ նպաստաւոր փոփոխութիւն  
մը:

Հակառակ որ ան քաւասուն տարի շարունակ կի-  
նը խօշտանգած էր և պագչտա ու կրքտա բնաւորու-  
թեան տէր մէկն էր եղած, յանկարծ փոխուելով և  
նուազելով իր յիմարութեան նպաստերը, նոյնիսկ երբեմն  
կը նշմարուէր անոր գէմքին վրայ արտակարգ տըխ-  
րութեան մը նշանները: Վերջապէս, այս ծերունին կար-  
ծէք թէ նախապէս մեղի ծանօթ Պօբրէօն չէր, և երբ  
լսէր Սըրբիի անունը, կը թուէր թէ՛ այն ատեն միայն  
մանրամասնօրէն կը յիշէր անցնող բոլոր զէպքե-  
րը:

Հէրմին զայն սկսած էր սիրել, և երբ Ֆէրնանի  
հետ տեղ մը այցելութեան երթային, անպատճառ հե-  
տերին կը տանէին:

Երբ պատահէր որ գործի մը պատճառաւ Ֆէրնան  
չընկերանար իր կնոջ, կատարեալ վատհուծեամբ զայն  
կը յանձնէր Պ. աը Պօբրէօի, որովհետև, Պ. աը Պօբրէօն  
յիմարութեան նշաններ ցոյց կուտար այն ատեն, երբ  
Սըրբիի մասին խօսուէր, ուրիշ պարագաներու մէջ ա-  
նոր խելքը դուլին էր բոլորովին:

Ան, սովորութիւն ըրած ըլլալով երբեմն հագնիլ  
յիմարանոցի պաշտօնեաներուն նման, այսպէսով ցոյց  
կուտար իր վրայ ապուշութեան նշաններ:

Ահա այս պայմաններուն մէջ պ. աը Պօբրէօի և  
Անգլիացի Սըր Արթիւր Գօլէնսի, ուրիշ անունով Սըր  
Ուիլիըմսի միջև տեղի ունեցող խօսակցութիւնը հետե-  
ւալ կերպով տեղի կ'ունենար:

— Աներս, խոստովանեցէք որ այս տարագովս չԷ  
պիտի կրնայիք ճանչնալ զիս:

— Այո՛, սակայն դուք ալ սիրելի փեռտա: այն օ-  
րէն ի վեր երբ ընտանեկան յարկս վերադարձեր եմ,

հաստատեցէք որ պատշաճ կերպով կը վարեմ ինձ յանձն-  
նքում գործը:

— Այդպէս անե՛րս, դուք արժանի էք լիմարնե-  
րուն մէկ օրինակը ըլլալու. շատ լաւ կը կատարէք  
դուք ձեր ստանձնած դերը:

— Շիտակը ինչպէ՞ս կրցաք խաբել զանոնք:

— Սիրելի պարոն ար Պօքրէօ, կը հասկնամ որ  
դուք մոռցած չէք Սըրիզը:

— Այո՛, սիրելի փեսաս, չեմ մոռցած այդ աղջի-  
կը:

— Իրաւունք ունիք անե՛րս, իրենց հետապնդում-  
ներէն կը հրաժարին անոնք միայն, որոնք գործի մը  
օգտակար չեն կրնար ըլլալ. դէշ խաղացողներն են որ  
խաղին առաջին մասէն ետ կը քաշուին:

— Ո՛հ, մենք շատ նպաստաւոր առիթ մը հանե-  
ցինք ձեռքէ, ըսաւ Պօքրէօ աչքերը փայլեցնելով իր  
կապոյտ ակնոցներուն տակէն: Եթէ տասը վայրկեան  
եւս ժամանակ ունեցած ըլլայի, պիտի կրնայի այդ աղ-  
ջիկը առեւանգել:

— Համբերեցէք հայրիկ, կ'ըսեն թէ վերջը մնացո-  
ղը ամենէն լաւին կը տիրանայ: Հարկաւ պիտի կըր-  
նանք լուծել մեր վրէժը:

— Կը յուսա՞ք:

— Կը յուսամ որ միշտ հնազանդ կը գտնուիք:  
Եթէ լրիւ կերպով կատարէք հրամաններս ու կարգա-  
դրութիւններս, պիտի կրնամ ձեզի առնել Սըրիզի հետ  
մէկտեղ միեւնոյն տան մէջ, որու դռներէն ներս ան-  
կարելի պիտի ըլլայ անոր ամուսինին մուտքը:

— Ճի՛շդ կ'ըսես, յարեց Պօքրէօ վերջին աստիճան  
ուրախ:

— Սիրելիս, մէկը երբ գործ մը կը յղանայ, կը  
տիրանայ նաև այդ գործին յատուկ բոլոր միջոց երուն:

Չեռք աւամ միջոցներուս շնորհիւ, կրցաք ձեր ընտա-  
նեկան յարկէն ներս մտնել. անոնք ձեզի սիրով ընդու-  
նեցին: Չեզի հետ աղու մը պէս կը վարուին, և անոնք  
ձեր ա գ ընթացքէն երբեք չկասկածելու համար այս  
վիճակէն պէտք է օգտուիլ: Հիմա, կարգադրուած գոր-  
ծի մը համար, այս իրիկուրնէ սկսեալ ձեզի փոխանորդս  
կը նշանակեմ:

— Ի՞նչ է այդ գործը:

— Շատ կը սիրէ՞ք ձեր փեսան:

— Ֆէրնանը... ա՛հ, այդ հրէշը, եթէ ձեռքէս

դայ, զայն պիտի խեղդեմ:

— Գո՛հ կը մնա՞ք եթէ ան թշուառութեան և զրժ-  
բախտութեան ենթարկուի:

— Ինչո՞ւ չէ:

— Հիմա դիտեցէք սա երիտասարդը:

Այս ըսելով, Սըր Ուիլերմ ցոյց տուաւ Պ. ար  
Պօքրէօի, Հէրմինի քով նստող երիտասարդ կոմսը Պ.  
տը Շաթօ Մային:

— Այո՛, շատ դեղեցիկ երիտասարդ մըն է, ըսաւ  
ան:

— Քիչ մը վերջ պիտի դայ ձեզի հետ տեսնուելու:  
Անունը կոմս ար Շաթօ Մայի է, և պիտի յայտնէ ձեզ  
թէ, շատ լաւ կը ճանչնայ ձեզի: Դուք յիմարացած ըլ-  
լալով, այս պորտագան զարմանալի և արտակարգ չպիտի  
թուի ձեզի: Հիմա, դուք, որպէս թէ կը ճանչնաք, կը  
ներկայացնէք անոր ձեր աղջիկը պաշտօնապէս, և ետ  
վաղը աւելի կատարեալ ծրագիրներ պիտի հաղորդեմ  
ձեզի այս խնդրոյն մասին:

Այդ պահուն, կեզձ Սըր Արթիւրը տեսնելով որ  
դէպի իրեն կուգայ Բօքանպուլը, բաժնուեցաւ Պ. ար  
Պօքրէօէն: Բօքանպուլ իր մեծաւորին քովը գալով  
ըսաւ:

— Գործը եղաւ, մեր մարդը ինծի հետ դուրս կ'ելլէ ասկէ:

— Շատ լա՛ւ, պատասխանեց Պատոնը, ինքն ալ դեր կոմս տը Գամպօլի հետ դուրս ելլելով:

Ճամբուն վրայ, Սըր Ուիլեմս հանդիպելով Շաթօ Մայիի, հարցուց.

— Կը տեսնէ՞ք այդ կարճահասակ մարդը, որ կապոյտ գլխատ հագած է:

— Այո՛, պատասխանեց կոմսը:

— Ահաւասիկ այդ մարդը, ձեզ հետ պարող երիտասարդ կնոջ հայրն է:

— Զիս ներկայացուցէ՞ք անոր:

— Ո՛չ, դուք կրնաք շատ լաւ կերպով ինքզինքնիդ ներկայացնել: Արդէն այդ մարդը յիմար մըն է, և անոր յիշարութիւններէն մին ալ ան է թէ կը կարծէ որ ամէն մարդ կը ճանչնայ: Գացէ՛ք անոր քով և իր անունը տուէ՛ք: Անոր անունը Պ. տը Պօքրէօ է, և ժամանակին արտաքին գործոց նախարարութեան մէջ բարձր պաշտօն մը ունէր: Յայտնեցէ՛ք իրեն որ 3-4 տարի առաջ շատ լաւ կը ճանչնայիք զինքը: Ան այս բանէն չափազանց գոհ մնալով, ձեզի պիտի նկատէ իրեն ամենատաւատարիմ մէկ բարեկամը, և ձեզի իր աղջկան ընակարանին մէջ պիտի ընդունի:

— Շատ լաւ, հիմա անոր քով կ'երթամ:

Այդ ժիջոցին Ֆէրնան կնոջը մօտ երթալով ըսաւ անոր.

— Սիրելիս, ես կը մեկնիմ երեկոյթէն, դուք շարունակեցէ՛ք ձեր ղուարճութիւնը Պ. տը Պօքրէօի հըսկողութեանը տակ:

— Տարօրինակ բան, կը մեկնի՞ք, հարցուց Հէրմին զարմացած:

— Կը յուսամ որ մէկ ժամէն կը վերադառնամ:

— Կը յուսամք... ո՛վ Տէր, ի՛նչ պատահեցաւ:

— Հանգիստ եղէք... ըսաւ Ֆէրնան ծիծաղելով, բարի գործի մը համար կարեօր է երթալս... դուք շատ լաւ դիտէ՛ք որ ամէն ժամանակ ես իմ անձին տէրը չեմ:

Ֆէրնան Ռօշէ առանց մտահոգութեան մասնելու իր երիտասարդ կինը, հարկադրուած էր խօսելու այս սուտը, և առանց պէտք ձգելու ուրիշ բացատրութիւններու Պ. տը Պօքրէօի մօտ գնաց:

— Սիրելի հայր, ըսաւ անոր, դուք հսկեցէ՛ք Հէրմինին վրայ:

— Շատ լա՛ւ, պատասխանեց ծերունին գլուխը շարժելով:

Դերկոմս տը Գամպօլ և իր վկան, երբ դեռ հաղիւ աննդուխին առաջին աստիճանին վրայ կը գտնուէին, Ֆէրնանը հազարապետ Գարտէի հետ հանդիպեցաւ անոնց.

Ասդին կոմս Շաթօ Մայի ուղղակի մօտը գնաց Պ. տը Պօքրէօի և անոր ըսաւ.

— Բարև:

Պ. տը Պօքրէօ պահ մը նայեցաւ անոր և զարմացած ձեռով մը ձեռքերը ճակատին զարկաւ և ըսաւ.

— Կը ներէ՞ք ազնիւ բարեկամս, յիշողութիւնս խաթարուած ըլլալով, ծանօթ անուններս իսկ կը մոռնամ:

Երիտասարդ կոմսը առանց պայմանագրական ձեւակերպութիւններու, ծերունիին ձեռքը սեղմելով ըսաւ.

— Այո՛, ժամանակին ձեր բարեկամներէն էի: Զէ՞ք յիշեր որ երեք տարի առաջ ձեր երիտասարդ բարեկամներէն մին էի:

— Այս, այս, ստկայն ձեր անունը :

— Անունս՝ կոմս Շաթո Մայի է :

Պօրբէօ՝ Սըր Ուիլիերմօսի աշակերտելէն ի վեր կ'ստարեալ դերասանի մը նման կը խաղար իրեն վիճակուած դերը :

— Այո՛, այո՛, հիմա ճանչցոյ ձեզի, յարեց և կոմսին ձեռքերը սեղմեց ուժգնօրէն :

Պ. աը Շաթո Մայի իր ունեցած բազմաթիւ տեսակցութիւնները յիշելով շատ գոհ թողուց ծերունին, իր յայտնութիւններէն :

Սըր Ուիլիերմօսի սարքած ստոտանայական այս խաղը այսպէս յաջող ընթանալով, պ. աը Պօրբէօ յանկարծ խօսքին թելը կտրելով ըսաւ .

— Սակայն, դուք էիք կտրծեմ քիչ մը առաջ աղջրկանս հետը պարողը, այնպէս չէ՞ :

— Ձեր աղջիկը :

— Անտարակոյս, այն կիներ՝ որուն հետ պարեցիք և երբեմն երբեմն տեսնուեցաք անոր հետ, իմ աղջիկս է :

— Իրա՛ւ կ'ըսէք, ձեր աղջիկն է այդ հիանալի և գեղեցիկ կիներ :

— Այո՛, Տիկին Ֆէրնան Ռօշէն է :

— Այդ պարագային խնդրեմ զիս անոր ներկայացուցէք :

— Եկէ՛ք, ամենայն սիրով կը ներկայացնեմ ձեզ :

Յետոյ, երբ կապոյտ ակնոցով ծերունին կոմսին ձեռքէն բռնած կ'առաջնորդէր դէմ զիմաց հանդիպեցան տիկին Մալսիի, որ երեկոյթէն կը մեկնէր այդ պահուն :

Դուքսը թէև անհամբեր կ'սպասէր այդ վայրկեանին, և իր թիւը առած այդ այրի կիներ բազմութիւնը

ձեզքելու վրայ էր, ստկայն այդ կիներն ու կոմսը իրարու հանդիպելուն պատճառաւ, ծերունի դուքսը դժգոհ մնաց :

Տիկին Մալսի, ծիծաղելով հասկցուց որ պիտի զրկուի մօտերս իր ժառանգութենէն, կոմսը փոխադարձաբար բարեկամ զայն ծիծաղեցաւ. բայց այդ ծիծաղը իր մէջ կը պարունակէր նորանոր յայտնութիւններու խորհրդուոր ակնարկութիւն մը :

Տիկին Մալսի այն ժամանակ ծոելով անոր ականջըն ի վար ըսաւ .

— Սիրելի կոմս, այնպէս կը կարծեմ որ շատ կ'ախորժիք բարեկամութիւն ընելէ սա կարծահասակ ծերունիին հետ :

— Գուցէ՛ տիկին :

— Խելք չունի՞ :

— Հաղիւ ձեզի չափ խելք ունի :

— Ճի՛շդ է :

— Կ'երգնում պատիւիս վրայ որ, զարմացնելու տաւիճան հիանալի պատմութիւն կը պատմէ :

— Ճի՛շդ :

— Դեռ քիչ մը առաջ զուարճալի պատմութիւն մը կը պատմէր, ըսաւ կոմսը իբր բացատրութիւն :

— Դուք ալ ինձի կը պատմէ՞ք այդ պատմութիւնը :

— Բայց ան քիչ մը երկար է :

— Ի՞նչ տեսակ պատմութիւն է :

— Նորէն ամուսնանալու յիմարութիւն ունեցող ութսուննոց ծերունիի մը պատմութիւնն է : Առնելիք կիներ չարակամ մէկը ըլլալուն, այս կերպով պիտի զըրկէ անոր պարագաները ժառանգութենէն :

Յետոյ, կոմսը անպատշաճ կերպով բարեկամ զայն մեկնեցաւ անոնց քովէն :

Պահ մը տիկին Մալասիի զէմքը գունատեցաւ և  
ա՛յն աստիճան զէշ ազդուեցաւ որ, ձերունի գուքսը,  
ամէն ժամանակէ աւելի սէր և գորովանք ցոյց առաւ  
անոր, որով երիտասարդ կնոջ զէմքը սկսաւ պայծառու-  
նալ քիչ մը:

Այն ատեն դառնալով ըսաւ անոր.

— Օ՛ն, «իրելի դուքս, երթանք...»



Դ.

### ԾԵՐՈՒՆԻ ՍԻՐԱՀԱՐԸ

Դուքսը կրկին թեւը տալով երիտասարդ կնոջ զաջն  
առաջնորդեց կառքը: Իսկ ան իր կարգին դառնալով  
դուքսին, ըսաւ գրաւիչ ձայնով մը.

— Դուք չէ՞ք նստիր:

Ծերունի սիրահարը, անմիջապէս երիտասարդի մը  
աշխուժութեամբ կառքը նետուելով կնոջ քովը նստաւ,  
և կառապանին դառնալով հրամայեց որ կառքը քչէ  
դէպի Բէքինէր փողոցի թիւ 40 առնը:

Այն վայրկեանէն ի վեր, երբ ձերունի դուքսը  
ենթարկուեցաւ իր թոռան անպատշաճ վերաբերումին,  
տիկին Մալասի երբ առաջին առթիւ առանձին մնաց  
ձերունիին հետ, մինչ կառքը կը սուբար, ըսաւ անոր.

— Սիրելի դուքս, ձեզ հետ առանձին մնալ կը փա-  
վաքէի: Հիմա, օգտուելով մեր այս առանձնութենէն,  
ձեզի այնպիսի բան մը պիտի յայտնեմ որ զուցէ ձեր  
դարմանքին արժանանայ:

— Ո՛հ, ինձի մտատանջութեան կը մատնէք:

— Ձեզի հաղորդելիք լուրս, հասկէ մեկնելու մա-  
տին է:

Որքան որ տիկին Մալասի այս քանի մը բառերը  
չսա ընական և ցած ձայնով մը արտասանեց, սակայն

այդ նախագրասութիւնը, պ. տը Շաթօ Մայիի վրայ, այնպիսի ուժեղ ազդեցութիւն մը ներդործեց որ, ան հազիւ կրցաւ չնչել, և իր զգոցած ցաւէն ու մասնորութենէն չկրցաւ բռն մը արտասանել:

Տիկին Մալասի սակայն շարունակեց իր խօսքը Ը-սելով.

— Այո՛, սիրելի դուքս, վաղը առաւօտ կը մեկնիմ:

— Դ՞ուք... կ'երթա՞ք... բայց ինչո՞ւ համար... ո՞ւր կ'երթաք, յարեց պ. տը Շաթօ Մայի խելքը գլուխէն թռած մէկու մը վիճակով:

— Միայն ինձի յատուկ պատճառներով կը մեկնիմ և չեմ կրնար մեկնելուս պատճառները յայտնել: Միրելիս, կը տեսնէք որ ձեր ուղղած հարցումներուն պատասխանին չէք արժանանար, ըսաւ ծիծաղելով, որովհետև անոնց չպիտի պատասխանեմ բացարձակապէս:

— Տիկիկ դուք իմ մահուանս կը փախաքիք:

Մերունի սիրահարը այս խօսքերը այնպիսի սոսկալի ձեւով և դողդալով ըսաւ որ, տիկին Մալասի իսկ ազդուելով անոր այդ վիճակէն, և հասկնալով իր որ աստիճան սիրուիլը ձերունիին կողմէ ըսաւ անոր.

— Ե՛ս եմ որ կը փախաքիմ ձեր մահուան: Դուք խենդեցա՞ք:

— Ձեմ գիտեր, սակայն, գուցէ... Նիմա... Աստուծոյ սիրոյն համար այդպիսի վշտառիթ խօսքեր մի ընէք ինձի:

— Սիրելի դուքս, ես երբեք չեմ կատակեր, միայն մեկնումիս պատճառաւ ձեզ այն աստիճան ազդուած կը տեսնեմ որ, չեմ կրնար ճամբորդութիւնս ձեռնէ պահելու աստիճան վատ գանուելի:

— Ուրեմն պիտի մեկնի՞ք:

— Այո՛, վաղը առաւօտ պիտի մեկնիմ:

— Ո՞ւր պիտի երթաք:

— Յառաջիկային կ'իմանաք:

— Վերջապէս, թերեւս ութը օրուան համար պիտի ճամբորդէք:

— Ո՛չ, մէկ կամ երկու տարի պիտի ճամբորդեմ, իսկ երթալիք տեղս ալ իտալիա է:

Պ. տը Շաթօ Մայի այնպէս կը կարծէր թէ սոսկալի երազ մը կը տեսնէր և մտրելու աստիճան գէշ կ'զգար ինքզինքը:

Իսկ տիկին Մալասի շարունակեց.

— Ձիս Բարիզի մէջ մոռցնել տալու համար է որ կը մեկնիմ:

Ձեզի մոռցնի՞լ տալու համար... բայց որոնց մէ...

— Առաջին անգամ ձեզմէ:

Մերունի սիրահարը զարմանքի մատնուելով չկրցաւ պատասխանելու բռն մը գանել, իսկ տիկին Մալասի կը շարունակէր խօսիլ.

— Ինձի նման կին մը, երբ իր գործած մէկ սխալին համար կ'արատաւորէ իր պատիւը, և երբ այդ սխալը ամէնուէն ծանօթ ըլլալով, անոր սրբագրութիւնը անկարելի կ'ըլլայ, անոր ուրիշ ձար չի մնար, բայց եթէ փախչիլ իր գանուած ընկերութենէն և այսպէս մոռցնել տալ իր գոցութիւնը: Ահա սիրելի դուքս, իմ կատարածս ալ ասանց կարգէն է:

Մերունին աղաւ մը պէս դողդալով և գողգոջուն ձայնով մը ըսաւ.

— Աստուծոյ սիրոյն, բացատրեցէք ձեր միտքը:

— Ձարմանալի բան, ըսաւ տիկին Մալասի հպարտանքով, չէ՞ք հասկնար ատկաւին թէ՛ ինձի համար, այրի և առանձին, առանց օգնականի մը մնալով, երբ ցաւելուս ու վիշտերուս մէջտեղը կանգնած, աչխարճ

ընդարձակ անսպասա մը համարեցի, կեանքը ինծի համար այլեւս դժբախտ և անիծեալ օրերու շարք մը երեւցաւ: Այն տանն է որ ձեզի հանդիպեցայ, և նկատելով որ երբեք դուք անձնական շահախնդրութիւն մը չէք հետապնդէր, անձիս նկատմամբ վեհանձնութիւն ցոյց տալով, ահա այդ վայրկեանին է որ ձեզի հանդէպ գործեցի աններելի այս սխալը:

Ան խօսքը կտրեց այնպիսի ձեւով մը, որ իբր թէ ենթարկուած է ցաւագին յուզումներու: Իսկ պ. ար Շաթօ Մայի փաթիթուելով անոր ձեռքերուն, անկեղծ սիրով մը համբուրեց զանոնք, մինչ տիկին Մալասի շարունակեց.

— Այո՛, ես տկար գտնուեցայ. յանցանք գործեցի: Դուք ինծի այնպիսի խոստումներ տուիք, որոնց ես միամտօրէն հաւատք ընծայեցի: Սուկայն, տհաւասիկ արդիւնքը, վայրկեանի մը մէջ գործած սխալներուս պատուը այսօր կը քաղեմ առատօրէն:

— Սակայն... ըսաւ դուքսը խեղդուկ ձայնով մը, տիկին... պիտի կատարեմ ձեզի տուած խոստումներս:

— Անցա՛ւ ձեր խոստումները կատարելու ժամանակը:

— Ժամանակը անցա՛ւ:

— Որովհետեւ, ամբողջ Բարիզը զիտէ անոր վախճանը... ես այդ տեսայ այսօր մարքիզին տանը մէջ, և ձեր անկիրթ թոռն ալ, այս կէտը զգացնել տուաւ ձեզի:

— Թո՛ռս, յարեց դուքսը բարկութեամբ:

— Այո՛, ձեր թոռը, չափազանց անկիրթ ձեւով մը ինծի... Այդ մեջոցին տիկին Մալասի խօսքը ընդհատելով սկսաւ արատաւել: Ո՛չ, ո՛չ չեմ կրնար համարձակիլ կրկնել այն բառերը, զոր ան գործածեմ ինծի դէմ:

Ով որ ալ ըլլար, բնականաբար պիտի խաբուէր

անոր այս ընթացքէն, և զարմանալի թող չլիւրի, երբ դուքսը վերջին ծայր ազդուած, նախապէս կազմակերպուած այս կեղծ խաբէութենէն, այլայլմէ եղած ըստ անոր յուզուած ձայնով մը.

— Տիկին, թոռս այնպիսի յիմար մըն է որուն ես ցոյց պիտի տամ թէ, ինչպէս պէտք է վարուիլ հօրեղբոր կնոջ, դքսուհի ար Շաթօ Մայիի հետ:

Այդ պարագային տիկին Մալասի զգացած գոհունակութենէն գրեթէ մարելու աստիճան ուրախացուցաւ: Կառքը ձերունիին Շանդ էլիզէի կողմը գտնուող տանը ճամբան ձեռք առած ըլլալով, կործ ժամանակի մը մէջ հասան հոն:


Ճամբու ընթացքին ձերունի դուքսը, զայն մարելէ արգիլելու համար արաւքոյ կարգի խնամքներ ցոյց տուաւ թէև, սակայն ոչ մէկ բան օգնեց այդ բանին: Ու զիչեր ժամանակ երբ այդքան ուշ հասան տուն, ծառաներն ալ զարմացան, երբ տեսան որ երեկոյթի զգեստներով ձերունին իր հետ կը բերէր նաև կին մը որ քէս մտրած վիճակ մը ունէր և հազիւ կրնար քալել:

Հազիւ թէ տան սեմէն ներս մտած էր դուքսը, երբ դառնալով ծառաներուն սկսաւ պոռալ.

— Ծո՛ւտ, շո՛ւտ, տիկինը սենեակ փոխադրեցէք, բժիշկ մը կոնչեցէք. ո՛չ, ո՛չ, ազգու զօրացուցիչ մը, քացախ բերէք:

Դուքսը երբ կը պոռար ու աջ ու ձախ կը հրամայէր, ձայնը մտրելու աստիճան տկարացած էր:

Տիկին Մալասի փոխադրուեցաւ այն սենեակը, որ ժամոնակին յատկացուած էր հանգուցեալ դքսուհի ար Շաթօ Մայիի: Դուքսը, այդ սենեակին մէջ կանգնած և բոլորովին ինքնիրմէ ելած, այն աստիճան խնամքներ շուայեց անոր և այն աստիճան տխուր ձայնով մը կանչեց անոր անունը որ, վերջապէս ան աչքերը բա-



նալով, զարմացական երեւոյթով մը շուրջը նայեցաւ օ  
երբ դուքսը տեսաւ անոր արթննալը, ուրախութենէն  
սկսաւ գոչել .

— Ո՛հ, փառք Տիրոջ, կրկին ձեռքի հետ միանալու  
բախտը ունեցայ :

Տիկին Մարտի այն ժամանակ աչքերը բանալով  
ըսաւ .

— Ո՛վ Տէր, Աստուած իմ, ո՛ւր կը գտնուիմ, ը-  
սէք, պարոն, խնդրեմ բացատրեցէք :

— Իմ տանս մէջ կը գտնուիք ըսաւ դուքսը .

— Զեր տա՛ն մէջ . . .

Յետոյ, ան իր ենթարկուած սոսկալի վիճակէն ըս-  
թափելով գլուխը վեր վերցուց ըսելով .

— Անոր տո՛ւնը, անոր տա՛նը մէջ, ուրեմն կոր-  
սուեցայ :

— Տիկին, դուք ոչ թէ իմ, այլ ձեր տանը մէջ կը  
գտնուիք, որովհետեւ երեք շաբաթէն դքսուհի ար Շաթօ  
Մայի պիտի կոչուիք :

Տիկին Մարտի թէև նորէն գոհունակութեան ար-  
տայայտութիւններ ունեցաւ, բայց այս անգամ մարելու  
հարկ չտեսաւ, այլ ցաւատանջ զգացումներու մատնուած  
մէկու մը պէս սկսաւ խօսիլ .

— Ո՛չ, ո՛չ, այս անկարելի է, դուք պատիւս ա-  
բատաւորեցիք, Պարոն, դուք հրէշ մը, չարագործ մըն  
էք, որովհետեւ, այնպէս կը կարծեմ որ, դիշեր ժամա-  
նակ ձեր ծառաներուն օժանդակութեամբը զիս հոս բե-  
րելէն յետոյ, ցերեկը՝ ինծի հետ վարուելով իբրև ձեր  
կնոջ հետ, թոյլ չպիտի տաք որ մեկնիմ հոսկէ : Եւ այն  
ատեն, ձեր թողը իրաւունք պիտի ունենայ ըսելու,  
ինչպէս քիչ առաջ հասկցուց, թէ՛ հօրեղբայրը ամուս-  
նանալով իր հոմանուհիին հետ, պիտի զրկէ զինքը իր  
ժառանգութենէն :

Տիկին Մարտի շատ լաւ գուշակած էր այս իօս-  
քերուն թողելիք ազդեցութիւնը, պ. ար Շաթօ Մայիի  
վրայ, և արհամարուած կնոջ մը յատուկ կատարեալ  
վեհանձնութիւնով ոտքի ելնելով, հազաւ աթոռի մը  
վրայ ձգած իր վերարկուն, ու երբ ձեռքովը կը բս-  
րեկը գուքսը, ըսաւ անոր .

— Մնաք բարով պարոն, թէև դուք ոչնչացուցիք  
զիս. սակայն, ես կը ներեմ ձեզի և մինչդեռ երկու  
քայլ առած էր մեկնելու համար, ա՛հ . . . բացազանչելով  
ըսաւ կրկին .

— Որովհետեւ կը սիրէի ձեզ :

Եւ այն պահուն երբ ան կայծակի արագութեամբ  
գուրս կը խոյանար սենեակէն, դուքսը շոնթահարուածի  
մը նման, թէև ուզեց վազել անոր ետեւէն ու բռնել  
զայն, սակայն, անկարող եղաւ այդ քայլը առնելու .

Վարպետորդի կինը արագօրէն սուբալով սանդուխ-  
ներէն վար, անցաւ շուքի մը պէս դռնապանին սեն-  
եակին առջևէն, Եթէ ուրիշ կին մը եղած ըլլար տիկին  
Մարտիի տեղ, կը բաւականանար դուքսին խօստուածովը  
միայն, սակայն, ան, ծանօթ ըլլալով մարտոց մտայնու-  
թեան ու նկարագրին, չուզեց նշանախեց մը իսկ զեղչել  
իր կազմակերպած յատակագծէն .

Դուքսը երկու տարի առաջ սկսած ըլլալով անոր  
հետ յարաբերուիլ, անոր հետ ամուսնանալու համար  
առաջարկութիւններ ըրած էր, թէև կարգ մը անհիմն  
կասկածներուն հետ մաքառելով, բայց որքան կինը  
կ'աւելցնէր իր յարաբերութիւնները և կը զօրացնէր իր  
կապերը դուքսն ալ այն աստիճան կը հրահրուէր ա-  
նով :

Միայն կէտ մը կար որ կրնար ետ կեցնել պ. ար  
Շաթօ Մային, իր որոշումէն : Ատիկա տարիքի և աստի-

ճանի այն տարբերութիւնն էր, որ կար իր և անոր միջև: Տիկին Մալասի ուղեց դործին վերջ մրտալ կարակ ընթացքով մը, և այդ վերջին տեսարանը կազմակերպած էր ան զուտ այս նպատակով:

Ինչ որ է, երբ տիկին Մալասի կը մեկնէր դուքսին տունէն, ժամանակը շատ ուշ էր, այնպէս որ կառք մը չկրնալով գտնել, հարկադրուեցաւ ոտքով երթալ իր տունը, որ այնքան ալ հեռու չէր:

Ճամբան քալած ժամանակ կը խօսէր ինքնիրեն ըսելով.

— Երեք շաբաթէն պիտի կոչուիմ դքսուհի աը Շաթօ Մայի. եթէ մարիլ չկեղծէի, այս ամուսնութիւնը դեռ երեք ամիս պիտի ուշանար, և եթէ այդ վայրկեանին անոր տունը մնայի, բոլորովին պիտի արտաւորուէր պատիւո:

Յետոյ, ան, կնոջ ամբողջ հօգին ցոլացնող ծիծաղով մը ըսաւ.

— Պարտէզին մէկ բանալին դուքսին քոյն է: Ան ժամէ մը հոս պիտի ըլլայ:

Տիկին Մալասի, Բէքինսէր փողոցին մէջ բնակած 40 թիւ տունը բաւական մեծ էր. պարտէզին մէջ կար նաև տաղաւար մը. Այրի կինը, իր խոհարարուհիին, սպասուհիին և դեռ նոր վարձած ուրիշ աղախինի մը հետ կը բնակէր.

Այդ գիշեր, անոնք բան մը չհասկցան տիկին Մալասի արտաքինէն և ոչ ալ անոր այդքան ուշ տուն դալէն. Անոնք կարծեցին թէ ըստ սովորութեան, ան կրկին վան-Հոբի գացած է այցելութեան:

Ընդարձակ և գեղեցիկ կերպով շինուած այդ տունը, բաղկացած ըլլալով երկու յարկերէ, անոր երկու դուռներէն մին յատկացուած էր տիկին Մալասի: Մա-

կոյն այդ դուռը ունէր նաև երկու բանալի, որոնցմէ մին իրեն, իսկ միւսը ծերունի դուքսին մօտ կը մնար: Շատ անգամ, երբ փողոցը կ'ամայանար և ոչ ոք կ'երևար այլևս, այս երկու հոմանիները, գաղտնապէս միանալով իրարու, կը սիրարանէին ու կը զուարճանային իրարու հետ:

Տիկին Մալասի երբ տուն կը վերադարնար, տեսաւ որ ծառան կը տեսակցի աղախինին հետ:

Այդ ծառան այն խստագէմ և կատաղի երեւոյթով մարդն էր, զոր մենք տեսանք Բօքանպոլի նախագահութեան տակ դուստրուող վալէ աը Քէօր ահուճրի փողովին մէջ:

Գալով այն պարագային թէ՛ ինչպէս կրցած էր այդ արկածախնդիրը մտնել տիկին Մալասիի քով, զայն յանձնարարած էր Մարքիզ անունով... կին մը, և այս յանձնարարութիւնն ալ տեղի ունեցած էր Բօքանպոլի թելադրութեամբ, որով ընդունուած էր տիկին Մալասի ծառայութեան մէջ, համաձայն ըլլալով իրեն առաջարկուած նուազ չափով թոշակին:

Տիկին Մալասի ծառային յանձնարարեց որ հանգստանալու երթայ, իսկ ինքն ալ մտաւ ննջասենեակը և հանելով երեկոյթի հագուստները, վերարկու մը հագնելէ և թիկնաթուին վրայ նստելէ վերջ դառնալով սպասուհիին ըսաւ անոր.

— Շուտով սնտուկ մը և քանի մը թուղթէ տուփեր բեր և անոնց բոլորը շարէ սենեակին մէջտեղը:

Սպասուհին այս տարօրինակ առաջարկէն զարմանալով ըսաւ.

— Արդեօք տիկինը պիտի ճամբորդէ՞:

— Ո՛չ, չպիտի ճամբորդեմ, սակայն կ'ուզեմ այնպէս ցոյց տալ:

Սպասուհին ալ աստանայամիտ մէկը ըլլալով, խորամանկ նայուածքով մը դառնալով անոր ըստւ.

- Արդեօք տիկինը դուքսին կ'սպասէ,
- Այո՛, ան հիմա կ'ուզէ որ ինծի հետ ամուսնանայ:

— Իսկ տիկինը հիմա յուզե՞ր ամուսնանալ...

— Ո՛չ:

— Ուրեմն պատրաստեմ ես ալ իմ պայուսակս, որովհետեւ, այնպէս կը կարծեմ որ ես ալ մօտերս, Շաթօ Մայիի բնակարանին ծառայութեան պիտի կոչուիմ:

— Կրնայ ըլլալ:

Այս խօսքերուն իմաստն այն էր թէ, Տիկին Մալլասի, իր բոլոր գաղտնիքները տոճած ըլլալով սպասուհին, այս կերպով հաստատուած էր հետեւեալ առածը. «Իմաստութիւնը՝ վատ բնուորութեան մը նման յատուկ է ամէն տարիքի, և որքան որ ամենաքորձր տափճանի կ'լին մըն կրնայ սխալիլ, ամեն ատեն կրնայ ան հասարակ կոչուիլ, երբ իր գաղտնիքը կը հաղորդէ իր ծառային»:

Ինչպէս ըսինք, տիկին Մալլասի ոչ մէկ գաղտնիք պահելով իր ծառայէն, Վան-Հօբի հիւրանոցէն մեկնելէն վերջ, մանրամասնօրէն պատմեց իր և դուքսին միջև դոյութիւնն ունեցող միջադէպը:

Մտան լսելէ վերջ տիկինը պատմութիւնը ըստ անոր.

— Տիկին, ձեզն խորհուրդ տուող չեմ, սակայն, եթէ զիս մտիկ յնելու շնորհը կ'ընէք, այսքանը ըսեմ որ անմիջապէս մեկնող ճամբորդի մը պէս ցոյց տուէք դուք ձեզի:

— Ես ալ այլպէս կը մտածեմ:

— Եթէ ես ձեր տեղը ըլլայի, դուքսին մնաս բարովի նամակ մը կը գրէի:

— Կաւ մտածեցիք տաիկա:

— Եւ, դուքսը գալու պարագային այնպէս ցոյց կուտայի որ, իբր թէ այդ նամակը իրմէ կը պահեմ:

— Շիտակը դուն շտա խեւցի ողջիկ մը կ'երեւաս:

— Տիկին տա ձեր կարծիքն է, ըսաւ սպասուհին և մեկնեցաւ սենեակէն:

Տիկին Մալլասի երբ առանձինն մնաց, անոր յանձնարարութեան յամաձայն գրասեղանին առջևը նըստաւ նամակ մը գրելու համար:

Այդ Պահուն դրան մէջ մտնող բանալիի մը ազմուկը առնելով սկսաւ գողնալ: Պահ մը վերջ ինքնիրեն «ան է» ըսաւ, և անտարբեր կերպով երբ դարձած էր սեղանին վրայ նամակը գրելու, դուռը զարնուեցաւ և Տիկին Մալլասի որ գրելով զբազած էր «մոէք» ըսաւ:

Այն ատեն դուռը բացուելով մէկը մտաւ ներս և կանգնեցաւ սեմին վրայ:

Տիկին Մալլասի վստահ ըլլալով որ այցելուն դուքսըն է, առանց ետին դառնալու, շուտով մը նամակը ծալեց և զայն պահելու ածապարանք մը ցոյց տուաւ: Սակայն երբ գլուխը ետին դարձուց ու ուղի ելաւ, յանկարծ ետ ետ ընկրկեցաւ:

Բանալիով պարտեղին դուռը բացող և կէս գիշերէն շորս ժամ վերջը մինչև անոր ննջասենեակին սեմը եկող անձը Դուքս Շաթօ Մային չէր, այլ սարիչ անծանօթ մէկը:

Ե .

### Մ Ե Ն Ա Մ Ա Ր Տ Ը

Ֆէրնան Ռօշէ և իր վկան Գարտէն մեկնեցան երեկոյթէն:

Կեղծ գերլուծար և Սըր Ուիլիքըմ սանդուխին առաջին աստիճանին վրայ կ'սպասէին անոնց, ուր Բօքանսպօլ կրկին դիմաւորեց իր թշնամին:

— Պարոն, ըսաւ ան, եթէ կը թոյլատրէք ձեզի առաջարկ մը պիտի ընեմ. Այս թաղին մէջ կը բնակիմ և պատրաստ ունիմ մենամարտի վերաբերեալ զէնքեր: Առարկութիւն մը ունի՞ք երբ իմ սուրբս գործածելու ըլլանք. եթէ համաձայն էք այս մասին, ուրեմն հարթուած պէտք է համարել կարգ մը դժուարութիւններ:

— Կարեւորութիւն չունի, կրնանք ձեր սուրբով մենամարտիլ:

— Յետոյ քիչ մը հեռու կը դառնեմ մեր երթալիք անտառը:

- Ձեր ուզած տեղը երթանք:
- Ասկէ քանի մը մղոն հեռու, Գուրսէլ և Լուպօրա փողոցներուն մէջ պարապ գետին մը կայ կըրնանք հոն մեր ուզածին պէս չարժիլ.
- Շատ լուր:



— Բացի ասոնցմէ կառքս ալ հոս է, և կը կարծեմ թէ՛ կարգ մը ծառաներու այս զէպքը ծանօթացնելը ի զուր պիտի ըլլայ. ետ կը վերադարձնեմ կառապանս և մինչև մենամարտի վայրը ես կը վարեմ կառքը:

Ֆէրնան այս առաջարկներուն ալ հաւանեցաւ:

Այն ատեն Բօքանսպօլ հրամայեց որ կառքը բերն մինչև սանդուխներուն ստորոտը և յետոյ անոր մէկ նշանին վրայ կառքէն վար իջ. և կառապանը ու բռնեց ձիերուն սանձը:

Այդ միջոցին Բօքանսպօլ նստաւ կառքին առջեւը հրաւիրելով որ Ֆէրնան ալ նստի ետեւի կողմը հազարապետին հետ:

Այսպէս կառքը սուրալով հինգ վայրկեանէն հասաւ Փօպուր Սենթ Օնօրէ հրապարակը: Դերկոմսը սանձը յանձնելով Արթիւրի կառքէն վար ցատկեց:

— Պարոններ, ըսաւ ան, տասը վայրկեան միջոց տուէք ինձի. և մտնելով իր տունը, վերադարձաւ անկէ հետը առած երկու զոյգ մենամարտի սուրբի: Կառքը կրկին ճամբայ ելաւ անցնելով կարգ մը ամայի վայրերէ:

Կէս գիշերը երեք ժամ անցած էր: Ըլուսինը կը փայլէր երկնակամարին վրայ, իր չուրջը ունեւալով անհամար ու պլպլուն առողեր: Օդը թէև պոյծառ բայց ցուրտ էր:

Բօքանսպօլ դարձաւ Ֆէրնանի ըսելով.

Կրնանք մենամարտիլ ցորեկուան պէս, սակայն պարոն աճապարեմք, որովհետև օդը չափազանց ցուրտ է:

Հազարապետ Գարտէնը և կեղծ անգլիացին չափեցին ասոնց սուրբերը:

Համաձայն Անտրէաի և Բօքսնպոլի միջև տեղի ունեցող գաղտնի պայմանագրութեան, Անտրէա մինչև վերջին վայրկեանը չճանօթացուց ինքզինքը, թէ և հազարապետ Գարտէն, Բօքսնպոլէն ստացած հրահանգին համաձայն վկայ նշանակուած էր Ֆէրնանի, սակայն, ինքզինքը այնպէս ցոյց կուտար թէ՛ ոչ մենամարտի նպատակը գիտէր, և ոչ ալ Սըր Արթիւրի ով ըլլալուն ծանօթ էր:

Կեղծ անգլիացին միջոց մը գտնելով, Բօքսնպոլի ականջն ի վար ըսաւ:

— Մի՛ մոռնար քեզի սորվեցուցած դասս:

— Ձայն գոց գիտեմ:

— Չըլլայ որ զայն մահացնելու յիմարութիւնը գործես:

— Հանգիստ եղի՛ր այդ մասին:

Մենամարտի համար որոշուած տեղին վրայ կանգ առին դէմ դիմաց երկու թշնամիները:

Սըր Արթիւր սուրբուն ծայրերը իրարու մօտեցնելէ վերջ, անգլիացիներուն յատուկ առողանութիւնով մը ըսաւ.

— Օն անդը, պարոններ:

Ֆէրնան չափազանց զայրացած էր թշնամիին սկզբնական նախատինքներէն և անոր անկիրթ վարմունքէն, և մենամարտի պարագային պահած չըլլալով իր պաղարիւնութիւնը, մոռցած էր մենամարտի յատուկ օրէնքներն ու կանոնները:

Ընդհակառակը, Բօքսնպոլ, վերաբոյժի մը նման պատրաստ գործողութիւն մը կատարելու, այն պարագային երբ շարժման մէջ գրաւ իր սուրը, քթին տակէն եղանակ մը կը մուտար:

Ֆէրնան իր կրթութիւնը ստացած էր թշուառ և աղքատ ժամանակը և առիթ չէր ունեցած զինուորա-

կան մարզանքներ ընելու, մինչդեռ Բօքսնպոլ, առոյգ և ճկուն երիտասարդ մը ըլլալով, շատ լաւ ծանօթ էր զինավարժութեան, նաև ըմբշական խաղերու, երբ առաջին անգամ ճակատեցաւ թշնամիին հետ, անոր կարողութիւնը լաւ մը կշռեց, այնպէս որ երկրորդ հանդիպումին վտահ էր որ զայն պիտի ոչնչացնէր: Սակայն, ոչ իր որոշումը և ոչ ալ Սըր Արթիւրի նպատակը այդպէս չըլլալուն, պիտի բաւականանար միայն զայն վերադարձելով:

Ֆէրնան երբ ձեռք առաւ սուրը, իր պաղարիւնութիւնը բոլորովին կորսնցուց, և փոխանակ իր կեանքը պաշտպանելու մասին մտածելու, կը խորհէր Բօքսնպոլը ոչնչացնել, որով կատաղի կերպով յարձակեցաւ իր ոսոխին վրայ: Բօքսնպոլ սակայն այնպէս ցոյց կուտար թէ ինք վերջին ծայր յուսահատ և վտանգուած դրութեան մը ենթակայ է:

Երկու վկաներէն հազարապետը վարժ ըլլալով այս կարգի տեսարաններու, անտարբեր կեցուածք մը ունէր, իսկ Սըր Արթիւր մտ ինքզինքը այնպէս ցոյց կուտար թէ նմանօրինակ մարտնչումներէն չափազանց կ'ազդուէր:

Քանի մը վայրկեան Ֆէրնան իր սուրը ճօճեց թըշնամիին դէմ. կեղծ Շուէտացի ճէնթլըմէնը, որ վարժապետէն ստացած դասերուն և հրահանգին համաձայն, պահանջուած հարուածը չի կրնալ տալով անոր, բաւականացաւ ոսոխին սուրին շարժումները խանգարելով, և սպասելով աւելի պատեհ առիթի մը:

Ֆէրնան, հասկնալով որ Բօքսնպոլ մենամարտի մէջ վարժ և յաջող է, և մոռցած ըլլալով ինք, նախապէս ունեցած ծանօթութիւնները մենամարտի մասին, թեւերը վերջապէս սկսան թուլանալ, այնպէս որ չկըր-

ցաւ առաջին անգամուան պէս ճկունութիւն և արագութիւն ցոյց տալ:

Բօքանպոլ ալ այս վայրկեանին կ'սպասէր, որով, կայծակի պէս ճօճելով սուրը վիրաւորեց Ֆէրնանը ուսէն և դետին տապալեց զայն:

Բօքանպոլ ի տես այս յաղթական վայրկեանին, դոհունակութեամբ ըսաւ.

— Ահա, հիմա լրացաւ այս գործն ալ, ասկէ վերջ անոր ապրիլը պէտք է ինծի:



### ՖԵՐՆԱՆ ՌՕՇԷ ՎԻՐԱԿՈՐՈՒԱԾ

Հազարապետ Գարաէն, Ֆէրնան Ռօշէի ինչալը տեսնելով, առանց ծանօթ ըլլալու Ալըր Արթիւր Գօլէնափի, այլ անուամբ Սրբ Ուիլիքմսի գաղանի խորհուրդներուն, կարծելով որ ան մեռած կամ ծանրապէս վիրաւորուած է, ուզեց քննել Ֆէրնանը: Սակայն Բօքանպոլը դէպի իրեն կողմը յառաջոնալով ըսաւ.

Սիրելի հազարապետ, ձենէ բան մը պիտի խնդրեմ, վերարկուններնուդ մէջը փաթթուելով վերադարձէք երեկոյթ, որովհետեւ, այլեւս դուք հոս գործ մը չունիք: Հազարապետը արդէն զիտէր թէ Ֆէրնան Ռօշէն դատապարտուած էր Վալէ տը Քէօրի ակումբին կողմէ, ուստի վերարկուն կոճկելով և սիկառը վառելով մեկնեցաւ անկէ:

Բօքանպոլ և Ալըր Արթիւր Գօլէնա Ֆէրնանի մօտ երթալով անգամ մը նայեցան անոր:

Ֆէրնան մտած էր և իր ստացած վէրքը թէև քիչ սակայն եռանկիւնաձև սուրէ բացուած ըլլալով, բաւական լայն էր:

Ալըր Արթիւր, վիրաբոյժի մը կանխահոգութեամբ կառքէն դուրս առնելով նախնական դարմանումի համար իր հետ բերած կարգ մը դեղերն ու բամպակնե-

ըր, Ֆէրնանի վէրքը կապեց, և հաւակոն նկատելով անոր մահը ճանապարհի ընթացքին, յանձնարարեց կառապանին որ շատ մեղմօրէն ու կամաց քշէ կառքը:

Սըր Արթիւր, ընկերոջը հետ վերաւորեալը գրկելով կառք տարին: Ջոյն հանգիստ ձգելու համար, կըռնակի կողմը բարձ մը դրին և լաւ մը հանգչեցուցին կառքին մէջ ամէն խնամք շոտայելով անոր:

Շատ չէր հեռաւորութիւնը մենամարտի վայրէն մինչև անոնց երթալիք տեղը, սակայն վտանգ մը չը պատահելու համար, անոնք ձեռք առին ամէն տեսակ կանխազգուշական միջոցներ:

Սըր Արթիւր նստած կառքին մէջ, բռնելով դեռ մտրած վիճակի մէջ էզոզ Ֆէրնանի գլուխը, ըսաւ Բօքանսպոլին.

— Դուն վար իջիր կառքէն, և ձիուն գլուխէն բռնելով, կամաց կամաց քալեցուր, և յետոյ խնդալով աւելցուց.

— Ժամանակը ուշ է և փողոցներն ալ ամայի, ոչ ոք պիտի տեսնէ քեզ, նամանաւանդ գերկոմս Գամպոլն տեղի չունի երկնչելու և ամչնալու:

Քանի մը վայրկեան վերջ, կառքը կանգ առաւ Մօնսէյ փողոցի մեզի ծանօթ փոքր տան առջև:

Այս տունը շինել տուած էր Պ. աը Օ... զոր Պաքարա ծախած էր Սըր Ուրլենմսի տարբեր ստորագրութիւնով: Հոն կը բնակէր Թիւրգուազ՝ այլ անունով Ժաննի, որ երբ լսեց զբան զանգակի ձայնը, գիշերազգեստով և գլուխը գտակ մը դրած, եկաւ ու բացաւ դուռը: Ձեռքը բռնած փոքրիկ լամբարովը ան ուշադրութեամբ դիտեց ուշ գիշերուան այս հիւրերը: Անոր կոնակը կանգնած էր կապոյտ ակնոցով և ճաղատ գլուխով գէր մարդ մը: Ան հագած էր սև հոգուս մը, վիզը դրած էր ճերմակ փողկոպ մը: Ա-

նոր արտաքինը ցոյց կուտար թէ՛ փաստաբան է կամ բժիշկ:

Սըր Արթիւր անգլիական առօգանութիւնով մը ըսաւ. — Աղջիկս, բերինք տատրակիր:

Թիւրգուազ վայրենի ու բախուցիւնով մը աչքերը փայլեցնելով ըսաւ. Շատ գո՛հ եմ ձեր այս լուրէն և ձեռք բերած յաջողութենէն:

— Պատրաստ՞ծ ես ամէն բան:

— Այո՛, պատրաստ է:

Սըր Արթիւր կեղծ կառապանին նշան մը ընելով, օգնեց վերաւորը վար իջեցնելու համար կառքէն: Ֆէրնանը սանելով տուն, ժամանակին Պաքարայի բնակած շտրնայարկի սենեակներէն մէկուն մէջ անկողինի մը վրայ հանգչեցուցին զայն:

Սըր Արթիւր զարմանելու համար անոր ստացած վէրքը, Ռօքանսպոլին և Թիւրգուազի օժանդակութեամբ հանեց Ֆէրնանի զգեստները ու անոր վէրքերը լուսալէ ու լաւ մը կապելէ վերջ ըսաւ.

— Ութը առաւ օրէն կը բժշկուի և յետոյ դառնալով Բօքանսպոլին, ըսաւ. Գիտե՞ս, եթէ սուրդ բթամաթի մը չափ ալ խորը մխրճած ըլլայիր, պատճառ պիտի ըլլայիր անոր մահուան:

— Մինչդեռ ես ըսաւ Թիւրքուազ, որ կ'ուզէի զայն ճանկերուս մէջ անցնել, անոր մահը ճշմարիտ ցաւ մը պիտի ըլլար ինծի համար:

— Այո՛, այո՛, աղջիկս, յարեց Սըր Արթիւր, գունայս վերաւորը պիտի կրնան անցոննել քու ճանկերուդ մէջ և անոր ուսերը շոյելով աւելցուց.

— Աղջիկս, գիտե՞ս պարտականութիւնդ,

— Այո՛, շատ լաւ գիտեմ, հայրիկ:

— Դուն ալ գիտե՞ս քու պարտականութիւնդ, ըսաւ յետոյ, դառնալով կեղծ բժիշկին:

— Ես մանրամասնօրէն զբազելով ամիսէ մը ի վեր, ծանօթանալու համար վիրաբուժական նախնական ծանօթութիւններու, բուական հմտութիւն ձեռք բերի, կրնամ հիմա, Էսկիւլայի պէս դարմանել ձեր վիրաւորը:

Յէրնան տակաւին մտրած և զգայազիրկ ըլլալուն, Թիւրքուազ և կեղծ բժիշկը նստան անոր անկողինին գլխուն կողմը:

Սըր Արթիւր դառնալով Բօքանպոլին.

— Այլևս մենք հոս գործ չունինք, ըսաւ անոր. երթանք յետոյ ծոռիով Թիւրքուազի տկանջին ըսաւ ցած ձայնով:

— Վիրաւորին առողջութեանը մասին, երկու օրը անգամ մը պէտք է ինծի տեղեկագիր ղրկես:

Ժաննի ըստ այնմ վարուելու հաւաստիքներ տալով մտաւ անոր թեք և զայն առաջնորդեց մինչև պարտէզին դուռը, ուր անոնց կ'սպասէր կ'առքը:

Թիւրքուազ նոյն առաւօտ փոխադրուած ըլլալով այս նոր բնակարանը, գեռ լաւ մը չէր տեղաւորուած: Ծառայ մը միայն ունէր, որ Սըր Արթիւրի հրամանին վրայ գնաց պառկելու:

Պառօնը և Բօքանպոլ երբ մեկնեցան հոնկէ, գացին ուղղակի Վան-Հօբի կազմակերպած երեկոյթը: Այդ ժամուն, ամենէն զեռուն պահն էր երեկոյթին, հազարավետ Գարտէն իր փորը ճաշարանին մէջ լաւ մը կշտացնելէ վերջ եկած էր նորէն երեկոյթին:

Սըր Արթիւր և Բօքանպոլ առանց նկատուելու բազմութենէն զացին և նստեցան պարապ տեղ մը. Հոն, սրահին մէջ, Շաթօ Մային կը պարէր Հէրմինին հետ, քիչ անդին, Տիկին Վան-Հօբ և Շէրիւպէն, գլուխ դարձնելու աստիճան ուժգին վալս մը կը պարէին իրարու հետ:

Սըր Արթիւր, Բօքանպոլի ականջն ի վար ծոռիով և ցոյց տալով անոր Մարքիզուհին ըսաւ.

— Կը տեսնե՞ս:

— Այո՛ կը հասկնամ որ սկսած է ցոյց տալ ինքզինքը:

— Գիտե՞ս թէ ի՞նչ կը նշանակէ այս. Շէրիւպէնի հետ վալս խաղացող Մարքիզուհին, կը նմանի այն մարդոն, որ միտքը դրած է մօտերս տապարով մէկուն գլուխը կտրել:

— Հօրեղբայր, նմանութիւնը կատարեալ է:

— Բայց այդ տապարը սուր մըն է, և այդ սուրն ալ յատկացուած է իրեն համար:

— Շէրիւպէնը պիտի ըլլայ դաշոյնը:

— Ո՛չ, այդ սուրը Շէրիւպէնն է որ պիտի տայ:

Այս պահուն, սատանաներն իսկ դողացնելու աստիճան ծիծաղով մը, Պառօնին դէմքին վրայէն երկար ժպիտ մը անցաւ:



է.

### ՖԷՐՆԱՆ ՌՕՇԷ ԿԸ ԴԱՐՄԱՆՈՒԻ

Ֆէրնան Ռօշէ, վիրաւորուելէն վերջ Րօքանպոլի կողմէ, բոլորովին զգայազիրկ եղած էր: Երբ սթափեցաւ, իր շուրջը տեսաւ որ ոչ մենամարտի հրապարակ կայ, ոչ սուրեր և ոչ վկաներ, այլ ինք մինակը սենեակի մը մէջ պառկած է անկողինին վրայ ընկեր ունենալով փոքրիկ լամբարի մը տփզոյն լոյսը:

Ֆէրնան չկրցաւ գիտնալ թէ ի՞նչ պարագաներու տակ և ի՞նչպէս հոն ինկած էր ինքը. պատասխան մը գտնելու համար այս հարցումներուն, երբ ճիգով մը կը դառնար իր անկողինին մէջ, վէրքերուն ազդած ցաւէն սուր ճիչ մը արձակեց. Յաւի այս զգացումէն անմիջապէս յիշեց որ ինք մենամարտած է, որուն ներկայ եղած են վկաներ, և ինք յաղթուած ըլլալով վիրաւոր վիճակի մէջ ինկած է գետին:

Ֆէրնանի արձակած ցաւի աղաղակը արձագանգելով տան մէջ, սև հագուստով, ճերմակ փողկապ մը անցուցած վիզը և կապոյտ սկիւնցով մէկը, զգուշութեամբ իր ոտքերուն վրայ կոխելով անոր պառկած սենեակին դուռը բանալով ներս մտաւ. Այս անձանօթ մարդը, առանց բառ մը ըսելու, անկողինէն դուրս ին-

կած վիրաւորին ձեռքը բռնելով սկսաւ անոր երակը քննել, Յետոյ դառնալով անոր ըսաւ.

— Դեռ տենդ ունիք և այս լաւ երեւոյթ մըն է. ինչպէ՞ս, տակաւին ցաւ կ'զգա՞ք:

Ֆէրնան Ռօշէ, հասկնալով որ այս մարդը բժիշկ մըն է, պատասխանեց.

— Ո՛չ, միայն յանկարծ շարժեցայ անկողնիս մէջ. անոր համար...

Բժիշկը, բանալով վիրաւորին ուսը, լաւ մը կապեց տեղէն ելնող վիրակապը, զայն կրկին վէրքին վերայ դնելով, յետոյ,

— Պարո՛ն, դուք պէտք է լաւ ուշադրութիւն ընէք և բնաւ չշարժիք տեղերնէդ, ըսաւ անոր:

— Ուրեմն պարոն, այնպէս կը թուի թէ վտանգաւոր կերպով վիրաւորուած եմ.

— Ո՛չ, թէև վտանգաւոր չէ, բայց ծանրապէս վիրաւորուած էք. Այնպէս կը կարծեմ թէ, լաւ մը բժշկուելու համար, անհրաժեշտ է որ ութը օր պառկիք անկողինին մէջ: Փառք Տիրոջ, ձմրան եղանակին մէջ կը գտնուինք, որովհետև, վէրքերու համար ձմեռը միշտ ամառուընէ աւելի նպաստաւոր ազդեցութիւն մը ունի:

— Պարո՛ն, թոյլ կուտա՞ք որ ձեզի բան մը հարցնեմ:

— Խնդրեմ, հարցուցէ՛ք:

— Արդեօք հիւանդանոցի մը մէջ կը գտնուիմ:

— Ո՛չ:

— Ուրեմն, կամ վկայիս և կամ հակառակորդիս տան մէջ կը գտնուիմ:

— Պարո՛ն, այս մասին չեմ կրնար ձեզի ուրէ տեղեկութիւն հաղորդել: Երբ երկու ժամ առաջ ձեր մօտ կանչուեցայ, շատ արիւն կը վազէր ձեր վէրքէն: Բասն տարեկանի մօտ կ'ին մըն ուլ...

— Կի՛նս է, կի՛նս:

— Չեմ գիտեր, կարճահասակ, դեղին մազերով  
չափազանց հաճելի կի՛ն մը...

— Հէ՛մինը չէ ան, յարեց վիրաւորը զարմանալով,  
սակայն ես որո՞ւ տունը կը գտնուիմ:

— Չեմ գիտեր, միայն թէ երբ արիւն կը հոսէր  
ձենէ, այդ երիտասարդ կի՛նն ալ զոյն կը սրբէր. ծա-  
ռայ մըն ալ ունէր հետը, որուն կ'օգնէր ան:

— Սակայն, պարոն, հոս երբեք այր մարդ չի կա՞յ,  
ըսաւ Ֆէրնան աւելի զարմացած:

— Ո՛չ:

— Չէ՞ք գիտեր այն կինը անունը՝ որուն տունը կը  
գտնուիմ:

— Ի՞մ ներկայութեանս տիկին կը կոչէին զայն,  
սակէ զատ ուրիշ բան մը չեմ գիտեր:

— Չարմանալի հանելուկ մըն է ասիկա, ըսաւ  
Ֆէրնան ինքնիրեն:

Ֆէրնան երբ այս խորհրդածութիւնները կ'ընէր,  
բժիշկին ետեւը գտնուող վերադարձը բացուեցաւ. վի-  
րաւորը թեթեւ ոտքի ձայն մը լսեց գորգերուն վրայ,  
և արդարեւ երիտասարդ կին մը ոտքին մատներուն վը-  
րայ կոխելով ներս մտաւ և վիրաւորին մօտ գալով,  
անոր այս վիճակէն չափազանց գէշ ազդուածի մը երե-  
ւոյթը տուաւ իր դէմքին:

Այս զարմանալի դէպքը ծածկող գաղտնիքը, վի-  
րաւորին ենթարկուած բարոյական վիճակը և վերջապէս  
անձանօթ կինը վերին աստիճան գեղեցկութիւնը տեսակ  
մը ազդեցութիւն ներգործեցին հիւանդին վրայ:

Այցելող անձանօթ կինը, չափազանց գեղեցիկ և  
գրաւիչ, դէմքը յար և նման Ռաֆայէլին զծած կոյսի  
պատկերներուն, ծովուն նման ջինջ կապոյտ աչքեր,

հասակը ուղիղ և բարեձև, ոտքերը և ձեռքերը աղու  
մը նման փոքր, հագած էր սև թաւիչ շրջագրեատ մը:  
Անոր շրթներուն վրայ տխուր ժպիտ մը կ'երեւար և  
աչքերուն մէջ ալ ցաւի արտայայտութիւններ:

Սենեակ մասնէ վերջ Ֆէրնանը գննելով և զայն  
բարեւելէ վերջ հարցուց.

— Ինչպէ՞ս էք, պարոն:

Անոր ձայնին մէջ այնպիսի անուշութիւն մը կար  
որ Ֆէրնանի ուղեղը պղտորեցաւ: Ան երբ բերանը բա-  
նալու վրայ էր շնորհակալութիւն յայտնելու և կարգ  
մը տեղեկութիւններ ստանալու համար անկէ, կինը շա-  
րունակեց.

— Մի՛ խօսիք պարոն, բժիշկը յանձնարարած է որ,  
սրչափ կարելի է քիչ խօսիք:

Այս ըսելէ վերջ, մօտեցաւ սեղանի մը, առաւ անոր  
վրայ դրուած դեղի սրուակը, և առանց նշմարուելու  
բժի կին կ'ըմէ, երբ ձեռքը բերանը կը դնէր, Ֆէրնան  
հասկցաւ որ երրորդ անձի ներկայութեան հարցաքն-  
նուելի չէր ուզեր:

Յետոյ, ան մօտեցաւ Ֆէրնանի սնկողինին, ու երբ  
անոր գեղը կը խմցնէր, Ֆէրնան չկրնալով զսպել այդ  
կինը գեղեցկութեան իր վրայ ազդած զգացումները,  
զերագրագուռեցաւ:

Այդ պահուն բժիշկը յայտարարեց.

— Տիկին, ես այլեւս հոս գործ չունիմ, հիւանդին  
դէմքը լաւ և առողջ է: Ջերմն ալ գրեթէ անհետացած  
է. ես քանի մը ժամ վերջը կրկին կը վերագառնամ  
փոխելու համար անոր վէրքերը:

Երիտասարդ կինը լամբալը առնելով և ճամբան  
ըռսաւորելով, բժիշկին հետ մէկտեղ գուրս ելաւ սն-  
եակէն:



Ֆէրնան վերջին աստիճան հիացումի մը մասնը  
լած էր:

Ո՛ւր կը գտնուէր ինքը: Ինչո՞ւ լուր չէին տուած  
իր կնոջ: Մինչ ենթարկուած էր այսպիս մտածումներու,  
կանչեց անձանօթ կինը, որ անմիջապէս փութաց  
գալ Ֆէրնանի կողմ:

Անձանօթ կինը երբ ներս մտաւ սենեակէն, Ֆէր-  
նան ըսաւ անոր.

— Տիկին, որքան որ լուռ մնալ յանձնարարեցիք  
ինձ, և հասկցուցիք միանգամայն թէ գաղտնիք մըն է  
իմ հոս մնալս, ասոր հետ մէկտեղ, կը խնդրեմ որ շնորհ  
մը ընէք ինձի:

— Ըսէ՛ք, յարեց անձանօթ կինը ծիծաղելով:

— Տիկին, ամուսնացած եմ և կիսս զոր շատ կը  
սիրեմ ես, տարակոյս չկայ որ իմ մասին տեղեկութիւն  
չունենալով, չափազանց մտատանջութեան պիտի են-  
թարկուի:

— Ձեր մասին լուր հաղորդուած է ձեր կնոջ:

Յետոյ, այս կինը ամենամաքուր սրտերն ինկ ալե-  
կոծող նայուածքով մը և անուշ ծիծաղով մը նայեցաւ  
անոր ու ըսաւ

— Ենթադրեցէ՛ք թէ դուք կը գտնուիք ձեր կեան-  
քը ազատող և իր կատարած ծառայութեանը փոխարէն,  
ձենէ բան մը խնդրող ոգիի մը բնակարանին մէջ...

— Ո՛հ, Տիկին, ըսէք շուտով ինձի այն բանը, զոր  
կը պահանջէք դուք, ըսաւ Ֆէրնան շնորհակալութիւն  
յայտնող բացազանչութիւնով մը:

— Շատ պարզ բան մը:

Կինը այս խօսքերը ըսած պահուն կրկին կը ծիծա-  
ղէր:

— Վերջապէս ի՞նչ է, տիկին, հարցուց Ֆէր-  
նան:

Երիտասարդ կինը մատներէն մին շրթներուն տա-  
նելով:

— Լուր չի՛ւն, իմ ըսելիքս ձեզի լուր չիւն յանձ-  
նարարելէ զատ ուրիշ բան մը չէ:

Եւ այս խօսքերէն վերջ մեկնեցաւ սենեակէն ա-  
րագ քայլերով:

Ֆէրնան ենթարկուելով զարմանքի և ազդուած  
այդ կնոջ գեղեցկութենէն, նորանոր մտատանջութիւն-  
ներու մատնուելով առանձին մնաց:

Ան կը յուսար որ քանի մը վայրկեան վերջ կրկին  
կուգայ այդ հրեշտակատիպ ու էմքը, ու այս ցնորքներով  
ոգևորուած անհամբերութիւն ցոյց կուտար:

Վայրկեաններ, ժամեր սահեցան սակայն և տա-  
կաւին չէր երևնար անհետացող գեղեցկուհին:

Վիրաւորներու յաճախ պատահող ջերմը, կրկին  
Ֆէրնանի ալ պատահեցաւ, և ան այս անգամ զառան-  
ցել սկսաւ:

Բաւական ժամանակ անցաւ այդ վայրկեանէն  
վերջ, երբ սենեակին մէջ գտնուող և հազիւ պլպլացող  
ձրագն ալ մարեցաւ:

Մութին մէջ ալ աւելի աւելցաւ իր մտատանջու-  
թիւնն ու զառանցանքը: Զարմանալի և տարօրինակ  
կէտը հո՛ն էր որ, Ֆէրնան կը խորհէր թէ իր կնոջ, և  
թէ իրեն այցելութեան եկող կնոջ մասին, երբեմն շը-  
փոթելով զանոնք իրարու հետ:

Այսպէս զառանցելով ան, վերջապէս նետուեցաւ  
Մորփէոսի գիրկը:

Երբ արթնցաւ քունէն, արեւը արդէն ներս կը  
թափանցէր պատուհանին փեղկերէն, լուսաւորելով  
սենեակին տխուր մթութիւնը:

Ֆէրնան, շնորհիւ իր հանդիստ քունին, վերստացաւ  
իր նախկին յիշողութիւնը:

Ջերմը արդէն մեղմացած էր, և ան կրցաւ լաւ մը յիշել թէ՛ ինք նախորդ իրիկուն գտնուած էր Վան-Հօբի երեկոյթին, հոն նախատուած և այդ պատճառով մե- նամարտած ըլլալով վիրաւորուած էր իր ստացած սուրբի հարուածէն:

Իր կեցած տան մէջ կին մը միայն կը գտնուէր: Բայց ո՛ւր էին իր վկաները, անոնց մասին բան մը չէր գիտեր:

Ո՛ւր փոխադրած էին զինքը, ինչո՞ւ համար իր կինը չէր գար այցելութեան, ո՞վ էր այն գեղեցիկ կինը՝ որ կը դարձանէր իր վէրքը:

Այս բոլոր հարցումները անպատասխանի կը մնային սակայն:

Ֆէրնան, ձգնելով պատասխան մը տալ այս հար- ցումներուն, աւելի իր միտքը կը տանջէր, երեկոյթին մէջ ձգած իր կնոջ մասին: Կինը, Ֆէրնան այսպէս կը խորհէր, երեկոյթէն մեկնելով տուն գացած ու հոն զինքը գտած չըլլալուն, արդեօք ո՞ր աստիճան մը- տահողութիւններու ենթարկուած պէտք է եղած ըլ- լար:

Մէկ խօսքով չկրցաւ համարձակիլ մէկը կանչելու, և հարկադրուեցաւ սպասել:

Բանի մը վայրկեան վերջ դուռը բացուելով դեղին մազերով այն գեղեցիկ ու անծանօթ կինը կրկին տեսնու- ւեցաւ:

Ֆէրնանի սիրտը ուժով մը բարձրացել սկսաւ, այս անծանօթ կնոջ և Հէրմինի զիմագծութեան միջև մեծ նմանութիւններ կը տեսնէր:

Երիտասարդ կինը, սենեակին սեմին վրայ կանգնե- լով, կէս տխուր կէս ուրախ հարցուց անոր.

— Ինչպէ՞ս էք պարոն, քիչ մը վերջ բժիշկը պի-

տի գայ ձեր վէրքը նայելու, շատ ցաւ կ'զգա՞ք: Կրցա՞ք այս գիշեր քնանալ:

Երիտասարդ կինը այս հարցումները ըրած ժամա- նակ, իր բառերուն վրայ այնպիսի շեշտ մը կը դնէր որ, կարծես թէ կը սիրէր Ֆէրնանը և վերջին ծայր կը համակրէր անոր:

Ֆէրնան պատասխանելով անոր հարցումներուն ը- սաւ.

— Բաւական լաւ եմ, սակայն...

— Սակայն ի՞նչ...

— Կինս...

— Հաղորդուած ըլլալով կնոջդ այս դէպքին մա- սին, ան հանգիստ է հիմա՞, կը բաւէ որ գիտնաք այս- քանը:

Երիտասարդ կինը՝ հասկնալու համար թէ Ֆէրնան տակաւին ջերմ ունի, ձեռքերովը բռնեց վիրաւորին ձեռքերը, որ չքաշուեցաւ զանոնք համբուրելէ: Կինը սակայն, ձեռքերը ետ քաշելով, ըսաւ անոր քիչ մը տօգունած դէմքով.

— Ի՞նչ կ'ընէք պարոն:

— Տիկին շնորհակալութիւններս կը յայտնեմ ձե- ղի, երախտագիտական զգացումներս արտայայտելով այսպէս, անձիս նկատմամ ձեր շնայլած խնամքներուն համար:

— Դուք շնորհակալութեան պարտք մը չունիք ինձի:

— Սակայն...

— Կը հասկնամ ձեր միտքը, ձեր ո՛ւր գտնուիլը, հոս գալը, իմ ո՞վ ըլլալս, այս բոլորը հասկնալ կ'ու- ղէք:

— Այո՛:

— Ուրեմն, գիտցած եղէք որ անկարելի է որ հաս-  
կընաք այս բաները:

— Անկարելի՞ է:

— Այո՛, անկարելի ըլլալով յայտնել ձեզի իմ ով  
ըլլալս, կարելի չէ նաև ըսել ձեզի թէ՛ ուր կը գըտ-  
նուիք... միայն այսքանը կը բաւէ ըսել որ, դուք Բա-  
րիզ կը գտնուիք, և ձեր ստացած վէրքը դարմանուե-  
լու համար տանս մէջ կը պառկիք:

Յետոյ իր վարդազոյն շրթունքներուն վրայ ժպիտ  
մը թրթռացնելով կիներ աւելցուց.

— Մնացածը գաղտնիք մըն է...

Ֆէրնան համրի մը նման և հիացած երեւոյթով  
զայն կը դիտէր. իսկ երիտասարդ կինը շարունակեց  
խօսիլ:

— Ձեր վէրքը վտանգաւոր չէ թէև, սակայն ար-  
գիլուած է ձեզի ոտքի ելնել ու քալել, բժիշկին տուած  
պատուէրին համաձայն պարտաւորուած էք խիստ ծո-  
մապահութիւն ը ունենալ:

Կինը այս խօսքերը խօսած ժամանակ կը շարու-  
նակէր ժպտիլ տակաւին:

— Հազիւ թէ դո՛ւք, կրնաք ութը օրէն փոխադ-  
րուիլ ձեր տունը, ձեր կնոջ մօտ:

Այս խօսքերը ըսելէ վերջ դուրս ելաւ սենեա-  
կէն:

Այդ իրիկունը, Ֆէրնանի ջերմը և տենդը աւելի  
սաստկանալով դառացանքներու մէջ ընկղմեցաւ:

Ան այնպէս կը կարծէր թէ իր կինն ու այդ ան-  
ծանօթ գեղեցիկուհին իր մօտ եկած իր ձեռքերը կը շը-  
փէին:

Շատ նիհարցած էր, և պղտիկ յուզումէ մը կը  
դողար անոր մարմինը: Ան չէր կրնար բանի մը ուշա-

դըութեամբ նայիլ, դիտել պատկեր մը և կամ կար-  
գալ գիրք մը:

Երիտասարդ կինը յաջորդ առաւօտուն, կրկին մըտ-  
նելով հիւանդին սենեակը, մօտեցաւ անոր անկողինին  
և վերստին առողջական վիճակը լաւ մը հասկնալէ վերջ  
ըսաւ անոր.

— Բարի լո՛յս, բարեկամս, այսօր լաւ էք և շա-  
լաւ էք, փոքր Աստուծոյ, վտանգաւոր կարծուած նո-  
պաները անցուցիք:

— Ի՞նչ, կը մտահոգուէի՞ք ունեցած տենդերու  
մասին:

— Այո՛, և այդ պատճառաւ սախտեցայ ձեզի  
սուտ մը խօսիլ:

— Ո՛հ, ինչպիսի սուտ:

— Սուտ էր այն թէ, իբր թէ, դէպքին մասին  
յուր սուտը ենք ձեր կնոջ:

— Ուրեմն ան լուր չունի՞, ըսաւ Ֆէրնան:

— Ո՛չ, միայն նամակով մը յայտնած ենք անոր  
թէ՛ կարեւոր գործի մը համար կը բացակայիք Բարի-  
զէն: Ես կը մտահոգուէի թէ այս գիշեր նորէն տենդ  
կ'ունենաք. ուրիս եմ որ այդ չպատահեցաւ. Հիմա  
կրնաք նամակ գրել ձեր կնոջ և ստորագրել, այսպէսով  
տիկին Ռօշէն ալ կը հանգստանայ:

— Տարօրինակ բան, ուրկէ՞ դիտէք անունս:

— Անտարակոյս գիտեմ, եթէ ես ձեր անունը  
չգիտնայի, ինչպէս պիտի կրնայիք դուք հոս գալ:

Ֆէրնան այս պատասխանին ճշտութիւնը հաստա-  
տելով ըսաւ.

— Ճիշդ կը խօսիք, բայց ինչո՞ւ համար գոնէ նա-  
մակով մը չտեղեկացուցիք կնւջս, այս դէպքին մա-  
սին:

— Չայն մատանջութեան չենթարկելու համար,



հիմա ներեցէք որ անգամ մըն ալ կրկնեմ. որքան որ պիտի նեղուիք ձեր թեւերը շարժելու ժամանակ, կրնաք քանի մը տող գիր գրել և կամ թէ նամակը ես կը գրեմ և դուք դայն կ'ստորագրէք միայն:

Յետոյ մօտեցուց Ֆէրնանին փոքրիկ սեղան մը և անկողինին քով լաւ մը անդաւորեց: Անոր գզբոցէն դուրս հանեց դրիչ մելան և թուղթ, ու դառնալով անոր ըսաւ, գրեցէք:

Ֆէրնան թէև ուզեց քանի մը տող գիր գրել, բայց թեւերուն շարժումէն վիրակապը տեղէն ելնելով, ցաւ պատճառեց անոր, և տեսնելով որ դժուարութիւն պիտի քաշէ գրելու ըսաւ,

— Աչքերս լաւ չեն տեսներ:

— Կր հասկնամ որ սխալեր եմ ձեր կարողութեանը մասին: Կ'երևի թէ ես պիտի կատարեմ ձեր գրագրութեան պաշտօնը:

Երիտասարդ կինը այս խօսքերը ըսելէ յետոյ, նըստաւ անկողինին մօտ և հետեւեալ նամակը գրեց:

«Սիրելի Հէրմին»

«Ստացած թեթև վէրքի մը պատճառով, հարկադրուած եմ քեզ գրելու այս տողերը, օտար ձեռքերու միջոցաւ: Այս նամակը ստորագրելու աստիճան միայն կարողութիւն ունիմ...»

Անձանօթ կինը կանգ առնելով, ծիծաղելով Ֆէրնանին նայեցաւ:

— Այո՛, այո՛, ըսաւ Ֆէրնան, որքան ալ ցուերս սաստիկ զգամ, պէտք է ես ստորագրեմ այս նամակը: Իսկ երիտասարդ կինը նորէն ձեռք առնելով գրիչն, ու բարձր ձայնով հնչելով բառերը սկսաւ գրել:

«Սիրելիս, այս վստանգը անցուցի, ազատեցայ այս

վստանգէն. կը սիրեմ քեզի: Ութը օրէն մօտդ պիտի ըլլամ:

«Մի՛ աճապարեր, մի՛ շուարիր, ես ուր որ ալ ըլլամ, վստան եղիր թէ ամէն ժամ, ամէն վայրկեան քու հետդ եմ, քու կողք եմ, քու պատկերդ փորագրուած է սրտիս վնայ:

«Բեզի սիրող Ֆէրնան»

«Այս ցաւալի դէպքին մանրամասնութեանը մէջ մտնալ աւելորդ կը նկատեմ»:

Կինը վստան էր թէ Ֆէրնան իր տկարութեանը և աչքերուն կարճատեսութեանը պատճառաւ, չպիտի կըրնար կարգալ այս նամակը: Վերի երկու տողերը գրած չըլլալով, անոր տեղ հետեւեալ պարբերութիւնը աւելցուց:

«Ոչինչ բանի մը համար մենամարտելով վիրաւորուեցայ: Մենամարտի պատճառ եղող անձը, իր գեղեցիկ ձեռքերովը կը գրէ այս նամակը, ինձի տրամադրելով իր ծառայութիւնը անձնուիրաբար: Ցտեսութիւն, ձեռքերդ կը համբուրեմ»:

Կինը նամակը ներկայացուց Ֆէրնանի որուն վրայ աչք մը պտտցնելէ վերջ ըսաւ ան.

— Թէև չեմ կրնամ կարդալ, բայց կ'ստորագրեմ:

Ձեռք առաւ գրիչը և դողդղալով, Հէրմինի կողմէ կասկած չհրաւիրելու աստիճան ընթեռնելի կերպով ստորագրեց նամակը:

Երիտասարդ կինը նամակը առնելով, ներփակեց դայն պահարանին մէջ և իր մատանիովը կնքելով զբաւ դրպանը:

Ֆէրնան շատ հիացաւ անոր քաղաքավարական ձե-

ւերէն, ու հասցէն գրած ժամանակ, անոր ցոյց տուած ճկուն շարժումներէն:

Ինքնիրեն կ'ըսէր.

-- Այս նամակը ու կնիքը, տիկին Ռօշէի յիշողութեանը մէջ անջնջելի պիտի մնան.

Երիտասարդ կինը պարտականութիւնը լրացած համարելով, ժպտուն ծիծաղով մը հեռացաւ Ֆէրնանի քովէն, և նամակը շուտով փութացնելու համար իր հասցէին անմիջապէս յանձնեց զայն ծառային տիկին Ռօշէի ղրկելու համար:

Ժամը տասին բոլորէն աչքերէն Ֆէրնանի վէրքը ուշադրութեամբ մը նայեցաւ: Բաւական աղէկցած ըլլալով Ֆէրնանի առողջութիւնը, արտօնեց անոր կերակուր ուտել ու կարգ մը հրահանգներ տալէ վերջ դուրս ելաւ սենեակէն.

Բժիշկը մեկնելէն վերջ, կրկին այցելութեան եկաւ երիտասարդ կինը և ժօտնալով հիւանդին անկողնին, յայտնեց անոր թէ՛ կրնար մինչև սպասուհիին սենեակը երթալ, թեթև պտոյտներ կատարել, ու եթէ ուզէր, պարտէզ իջնալ: Կինը ի գործ դնելով կնոջական բոլոր ճարտարութիւնները, հաճելի ժամանց մը պարգեւեց Ֆէրնանի, մինչև իրիկուն խօսելով անոր թափոնի կեանքէն, արուեստներէն և բոլոր հետաքրքիր դէպքերէն:

Ֆէրնան՝ երբ կ'ուզէր ճանչնալ այս կինը, որ այնքան խոր ազդեցութիւն մը ներգործած էր իր վրայ, ու անունը կը հարցնէր անոր, կրկին յօնքերը պուստելով կը պատասխանէր.

- Իսկապէս դուք ապերախտ էք:

Այն ատեն շուարելով Ֆէրնան, աչքերը վար խոնարհեցնելով ներողութիւն կը խնդրէր անկէ, Իսկ կինը

սրտին խորէն, ծածկելով իր արտաքին տհաճութիւնը, կ'ըսէր անոր.

— Պարոն, վստահ եղէք որ, եթէ այս բանին մէջ կայ գաղտնիք մը զոր չեմ յայտնէր ձեզի, ան ալ ուրիշ բան չէ, բայց եթէ ուելի բարձր բաղձանքի մը հնազանդիւս է

Այս պատասխանը տալէ յետոյ, կինը փոխեց իր խօսակցութեան նիւթը.

Իրիկունը ժամը 11-ին, երբ գիշեր բարի ըսելով մեկնեցաւ սենեակէն, Ֆէրնան մինչև լոյս այս անծանօթ կինը երողեց, և երբ հեռեւեալ առաւօտ կրկին եկաւ կինը Ֆէրնանի քով, ան բոլորովին այլևս մոռցած էր իր կինը:

Անծանօթ կինը երբ սենեակ մտաւ, կէս բացատրական ձեւով ըսաւ անոր.

— Ձեզի լուրեր բերի տիկին Ռօշէի կողմէ: Առջի երեկոյ թէև ան չափազանց մտահոգութեան ենթարկուած է, սակայն նամակիս վրայ հանդարտած է, մինչև ութը որ ձեզ տեսնելու համար անհամբերութիւն ցոյց կուտայ:

Այս խօսքերը Ֆէրնանի վրայ տարօրինակ ազդեցութիւն մը ներգործեցին, այնպէս որ ան տեսակ մը շուարում ու վարանում զգալով աչքերը գետին խոնարհեցուց:

Ան իր կեանքին մէջ, առօջին անգամ ըլլալով ըսկըսաւ հարցնել ինքզինքին թէ, կեանքի ամբողջ տեսողութեան տատն կարելի՞ է որ մինչև վերջը սիրէ մարդ մը միայն իր կինը. այդ պահուն, երբ ան ամբողջ ուշադրութիւնը կեդրոնացուցած էր այդ կնոջ վրայ. այս վերջինը յանկարծ վեր վերցնելով իր գլուխը ըսաւ անոր.

— Սիրելի վիրաւորս, հարկադրուած ըլլալով դուրս

ելլել, ձենէ քանի մը ժամուան համար արտօնութիւն կը խնդրեմ: Ձեր քով բժիշկը պիտի մնայ: Ան որքան որ բժշկական լրջութիւն մը ունի, սակայն համակրելի մէկն է, որուն հետ կրնաք համարձակօրէն տեսակցիլ:

Այս խօսքերուն վրայ ներս մտաւ բժիշկը. երիտասարդ կինը վերջին անգամ ժպիտով մը նայելով Ֆէրնանի, հեռացաւ քովէն:

— Շո՛ւտ, հազուստներս բեր, հրամայեց ան իր սպասուհիին, և անմիջապէս կառք մը բերել տուր:

Քիչ յետոյ երբ ան դուրս կ'ելլէր տունէն իր հագուստները կը նմանէին գործաւորուհիի մը հագուստներուն:

— Բլաս տը լա Պասթիլէն գէպի Ֆոպուր Սէնթ Օնօրէ քչէ կառքը, հրամայեց կինը կառապանին, և անմիջապէս նստելով, կառքը սրարշաւ սկսաւ սուրալ գէպի այն կողմը:



Ը.

### ԱՆՇԱՆՕԹ ԿԻՆԸ ԿԱՄ ԷՕԺԷՆ ԿԱՐԷՆ

Հասանք այն տանին երբ հարկ է կրկին տեսնուիլ այն երկու անձերուն հետ, որոնց հանդիպեցանք մենք, մեր այս պատմութեան սկիզբը:

Այդ երկու անձերն են Սըրբիզ և Լէօն Ռօլան:

Ինչպէս կը յիշուի, Սըրբիզ, այն միջոցին երբ Արման ար Քէրկազ կ'ամուսնանար Օր. ար Պալտէրի հետ, ինք ալ կ'ամուսնանար Լէօնի հետ, որուն սիրահարուած էր:

Երբ, Լէօն իր երիտասարդ ամուսին թեւը տուած դուրս կ'ելլէր եկեղեցիէն, Պ. ար Քէրկազ մօտենալով անոր ականջին, հետեւեալ խօսքերը ըսած էր.

— Բարեկամս, ես պահէ մը կը մեկնիմ. քանի մը ժամէն, Բարիզէն բաւական հեռու տեղ մը պիտի գըտնուիմ:

— Գացէ՛ք, ըսաւ անոր Ռօլան, կը հասկնամ որ մտադրած էք ձեր ամուսինին հետ ժամանակ մը առանձինն ապրիլ:

— Թէև կը մեկնիմ, չպիտի մոռնամ այն երջանկութիւնը, զոր ինձ պատճառեցիք դուք և ձեր տիկինը:

Եթէ վերադառնամ նորէն չպիտի մոռնամ ինծի բնծա-  
յած ձեր այս բարեկամական շնորհը:

— Ո՛հ, պարոն կոմս, ըսաւ Սըրիզ, ձեր բարեկա-  
մութիւնը մեզի համար մեծ պատիւ մըն է:

— Ո՛հ, անոնք որոնք իրենց սրտին մէջ ազնիւ զգա-  
ցում մը կը կրեն, պէտք է որ եղբայրանան իրարու  
հետ:

Սրման երբ այս խօսքերը կ'արտասանէր, նամակ  
մը յանձնեց Լէօնին, ըսելով.

— Հաստատելու համար թէ ձեզի բարեկամ կը  
նկատեմ, ձեզի կը վստահիմ պաշտօն մը այն հաւատքով  
թէ դուք, ամէն կերպով արժանի էք անոր:

— Ըսէ՛ք, Պ. կոմս, ըսէ՛ք, յարեց Լէօն զգացուած:

— Հրահանգներս ամբողջութեամբ գրուած է այս  
նամակին մէջ... առ այժմ ցտեսութիւն, հարկաւ կըր-  
կին տեսնուելու բախա՞ց կ'ունենանք:

Յետոյ կոմսը բռնելով երիտասարդ ամուսնոյն թե-  
ւէն, եկեղեցիին դուռը սպասող կառքին մէջ նստեցուց,  
և ինքն ալ անոր քով նստելով ճամբայ ելան:

Լէօն Ռօլան պատուեց այն պահարանը, որուն մէջ կը  
գտնուէր կոմսին տուած նամակը: Այս պահարանին մէջ  
երկու նամակ կար, մին ուղղուած էր Սըրիզի, գրուած  
ժամնի կողմէ, միւսն ալ կը վերաբերէր Լէօն Ռօլանի  
որ գրած էր կոմսը:

Լէօն իրեն ուղղուած նամակը բանալով հետեւեալ  
տողերը կարդաց անոր մէջ.

«Բարեկա՛մ,

«Հարկադրուած ըլլալով քանի մը ամսուան համար  
ձգել ստանձնած պաշտօնս, ինձ նման հաւատարիմ սիրտ  
ունեցող կարգ մը անձինք կը թողում Բարիզի մէջ, այս  
բարի գործը հետապնդելու համար:

«Ի՞նչ ալ կրելով ձեր մէջ այդ սիրտը, վստահ եմ

որ ձեր զգացումներուն համեմատ պիտի օգնէք ինծի:  
Հետեւաբար թոյլ տուէք բարեկամս, որ յանձնեմ ձեզի  
կտրուոր պաշտօն մը:

«Բարիզի մէջ ամիսներ տեւող ձմրան եղանակին,  
չառ սուղ կը վաճառուին փայտերը, այնպէս որ չառ  
մը ընտանիքներ, հակառակ իրենց տէրերուն կողմէ  
վճարուած չնչին թոշակին շատ անգամ օրականեին իսկ  
չեն կրնար հայթայթել:

«Բարեկամս, դուք գործաւոր մըն էք, հետեւաբար  
ծանօթ էք գործաւորներուն կրած տառապանքներուն  
ու չարչարանքներուն: Գիտէք նաև ձեր ընկերներուն  
տառաքինի յատկութիւնները: Այդ պատճառաւ ձեզի  
պաշտօն կը յանձնեմ որ դուք աշխատիք գրգռելու ա-  
նոնց այդ տառքինութիւնները, յուսադրել զանոնք ի-  
րենց զրկանքներուն մէջ, դրգելով որ անոնք ձգտին  
այն անծանօթ տառքինութիւններուն, որ իրենց պիտի  
բերէ բարեկեցութիւն և հանգիստ:

«Ի՞նչ գործաւոր եղած էք, սակայն ես ձեզի կը  
կարգեմ գործի տէր և կը փափաքիմ որ դուք, Սէնթ  
Անթուանի կողմը հիմնէք կահագործութեան և հիւսնու-  
թեան յատուկ գործարան մը, աշխատցնելով հոն երկու  
հարիւր բանւորներ: Ամենէն աւելի ընտանիքի տէր  
հայրերը գործածեցէք և այս բանին ընտրութեան համար  
դիմեցէք ձեր խղճին:

«Հարիւր հազար ֆրանքի հրամանագիր մը կը զըր-  
կեմ ձեր անուան, առ հաշիւ ձեր կատարելիք նախա-  
կան ծախքերուն, բաց աստի տասնձին վարկ մըն ալ  
կը բանամ ձեր անուան սեղանաւորիս մօտ, վստահ ըլ-  
լալով որ դուք զանոնք պիտի գործածէք իր նպատա-  
կին»:

ԱՐՄԱՆ

Ժամն ար Պալտէրի կողմէ Սըրիզի ուղղուած նա-  
մակին պարունակութիւնն ալ հետեւեալն է .

«Սիրելի՛ս Սըրիզ,

«Արման նամակ մը գրեց իմ ներկայութեանս, ո-  
րուն պարունակութան ծանօթ եմ .

«Ես ալ ունենալով բարեգործական մտադրութիւն  
մը, քանի որ Արման իր մտադրութիւնները իրականա-  
ցնելու համար, իրեն փոխանորդ կարգած է Լէօնը, ես  
ալ իրականացնելու համար իմ ծրագիրներս, կը զիմեմ  
ձեր աջակցութեան :

«Քանի որ Լէօն գործարան մը պիտի հիմնէ արա-  
կան սեռին համար, ինչո՞ւ զուք ալ գործարան մը  
չհիմնէք կիներու և որք աղջիկներու համար : Մանա-  
ւանդ այն աղջիկներուն համար, որոնք գործէ և աշ-  
խատանքէ զրկուած ըլլալով . կամ փափաքելով հան-  
գիստ ու հեշտական կեանքի, և կամ ի բնէ գէշ նկա-  
րագրի տէր ըլլալով, զիրենք հեռու կը պահեն ուղիղ  
ճամբաներէ, և կամ կը տառապին այն կեանքին մէջ,  
ուր դուք, ձեր անցեալին մէջ ապրած էք ժամանակին :  
Անոնք չնչին վարձքի մը փոխարէն, ստիպուած են օրը  
12 ժամ և երբեմն ալ ագէլի աշխատիլ :

«Արման իմ հրամանիս վճարելի յիսուն հազար  
Ֆրանքի հրամանագիր մը ստորագրած է, ասկէ զատ  
իր սեղանաւորին մօտ առանձին վարկ մը նշանակած  
է : Ստիպուած ըլլալով մեկնիլ, իմ կողմէ ձեզ փոխա-  
նորդ կը կարգեմ : Ինչպէս շատ անգամ ցոյց տուած էք  
ձեր հաւատարմութեան և գործունէութեան ապացոյց-  
ները, վստահ եմ որ այս անգամ ալ պիտի պահէք մեր  
բարեկամութիւնը հաւատարմօրէն և անկեղծ սրտով :»

ԺԱՆՆ

Լէօն և Սըրիզ այս նամակները կարդալէ վերջ ի-

րարու երես նայեցան : Իրենց այս նայուածքներով, ա-  
նոնք երդում ըրին իրարու, իրակողացնել այս բարե-  
գործներուն ծրագիրները, որոնց գործադրութիւնը կը  
վստահուէր իրենց երկուքին :

Վեց ամիս յետոյ, Ֆօպուր Սէնթ Օնօրէ անուն թա-  
ղամասին մէջ, անոնք տէր եղած էին մէյ մէկ գոր-  
ծարաններու, որոնք կը գործէին կատարեալ կանոնա-  
ւորութեամբ :

Երեք տարի չանցած, արդէն Լէօն Ռօյան հրո-  
չակաւոր և ամենէն շատ բանուոր աշխատցնող գոր-  
ծարանատէրերէն մին եղած էր, Սըրիզ հոն կարուձեի  
խանութ մը բացած ըլլալով բոլոր անոնք, որոնք ան-  
տէր և ընտանիքի տէր թշուառ ու զրկուած անոք այ-  
րիներ ու աղջիկներ էին, հոն կը գտնուէին :

Այն գեղեցիկ բայց անծանօթ կիներ, որ բաժնուած  
էր Ֆէրնանի քովէն, գործաւորուհի տարագով ծըպ-  
տուած, երբ բլաս տը լա Պասթիլյ կ'երթար, կահա-  
գործարանին տէրը, առաւօտեան ժամը հազիւ տասն  
և մէկին կը գտնուէր գործարանին մէջ, և զբա-  
ղած էր գանձապետին հետ մասնաւոր յարկաբաժինի  
մը մէջ :

Աշակերտ մը՝ որ երբեմն գործարանատիրոջ անային  
կարգ մը գործերը կը տեսնէր, զարնելով անոր յար-  
կաբաժինին դուռը, Լէօնի տուած հրամանին վրայ ներս  
մտաւ :

— Ի՞նչ կ'ուզես, ըսաւ անոր Ռօյան :

— Երիտասարդ աղջիկ մը եկած է և կ'ուզէ ձեզի  
հետ տեսակցիլ :

Լէօն կարծեց որ եկող աղջիկը, իր կնոջ կող-  
մէ զրկուած գործաւորուհի մըն է, ուստի դառնալով  
ըսաւ .

— Ներս տաջնորդէ զայն. ես ալ անմիջապէս կուգամ:

Երբ քիչ յետոյ ներս մտաւ Լէօն, և տեսաւ Թիւր-  
քուազը, որ գործաւորուհի տարազին տակ աւելի գե-  
ղեցիկ և աւելի առինքնող դարձած էր, իր աչքերը ըս-  
կսան մթննայ:

Այցելուհին իր գեղեցկութեամբը կը նմանէր Շէ-  
րիւպէնի, որ նայողին վրայ կը ձգէր այնպիսի խոր ազ-  
դեցութիւն մը, որու տպաւորութեան տակ մարդուս  
ուղեղը կը դառնայ. Լէօն երբ զայն տեսաւ, զգաց այն  
տպաւորութիւնը, զոր ունեցած էր Ֆէրնան Ռօչէ, և  
հակառակ անոր ժպտուն նայուածքին, աչքերը գետին  
խոնարհեցուց:

Արդարեւ, անոր նայուածքին մէջ այնպիսի առինք-  
նող ուժ մը կար որ, ինչպէս հարստութեան մէջ լո-  
ղացող Ֆէրնան Ռօչէի ուղեղը արեկոծեց, Լէօն Ռօլանի  
սրտին և գէմքին վրայ ալ թողուց այն տպաւորութիւնը,  
որուն ազդեցութեանը տակ անկարելի է չայլարիտի-  
ուիլ:

Լէօն երբ տեսաւ այս երիտասարդ աղջիկը, իր  
կամքէն անկարեաբար դողալ սկսաւ և մեքենարար ա-  
նոր աթոռ մը ներկայացուց:

Երիտասարդ կինը նուրբ ձայնով մը ըսաւ.

— Պարո՛ն... Ռօլան... դո՛ւք էք:

— Այո՛, օրիորդ ես եմ:

Երիտասարդուհին կասկածելի նայուածքներ ուղղեց  
հոն գանուող երկու անձերուն:

Լէօն հասկնալով որ ան չուղեր խօսիլ անոնց ներ-  
կայութեանը, նշանով մը հեռացուց զանոնք սենեակէն,  
և յետոյ դառնալով ըսաւ անոր.

— Օրիորդ, ձեզի մտիկ կ'ընեմ:

Աղջիկը աչքերը խոնարհեցնելով այնպէս ցոյց  
տուաւ որ իբր թէ կը դողայ: Վերջապէս սկսաւ խօ-  
սիլ.

— Պարո՛ն, երկու տարի առաջ ձեր քով աշխա-  
տած է Ֆիլիբ Կարէն անուն գործաւոր մը:

— Այո՛, օրիորդ, կարելի է, նոյն իսկ տոյգպիսի ա-  
նուն մը կը յիշեմ: Կարծեմ ան 56 տարեկան մէկը պի-  
տի ըլլայ:

— Այո՛, ըսաւ ան, գլուխը օրօրելով և այնպիսի  
նայուածք մը ուղղեց Լէօնի որ ամբողջ մարմնովը դո-  
ղաց:

Լէօն լաւ ը մտածելով յիշուած անունը ըսաւ ա-  
նոր.

— Այդ գործաւորը նահանգային բնակիչներէն է,  
անգործ մնացած ըլլալուն, զայն վեց ամիսի չափ աշ-  
խատեցուցի գործարանիս մէջ:

— Այո՛, պարոն, նոյն ինքն է:

— Յետոյ հայրենիք մեկնեցաւ ուր աղջիկ մը ու-  
նէր:

— Ես եմ այդ աղջիկը, պարոն, ըսաւ երիտասար-  
դուհին զգայացունց ձայնով մը:

— Դո՛ւք էք, ըսաւ Լէօն զարմացմամբ:

— Էօժէն Կարէն է անունս, ըսաւ աղջիկը տըխ-  
րօրէն:

— Հայրերնի՞դ:

— Հայրս զրկեց զիս հոս:

— Կը հասկնամ, յանկարծակի կերպով զիս լքած  
ըլլալուն ցաւած ըլլալուս համար կը մտահոգ-  
ուի Սակայն, ըսէք իրեն աւելցուց ժպտելով, թէ ամէն  
ժամանակ գործ ունիմ անոր համար, եթէ նիւթական  
անձկութեան ենթարկուած է, կրնամ անոր գումար մը  
տրամաբրել:

— Սիրելի պարոն, կը ցաւիմ որ ասկէ վերջ չպիտի կրնայ աշխատիլ ան: Թշուառ հայրս հիմա հր'ուած է իր կրկու աչքերէն:

— Ի՞նչ կ'ըսէք, ըսաւ Լէօն վշտակրած:

Երիտասարդ կինը իր անուշ նայուածքը նորէն անոր վրայ ուղղելով, աւելցուց,

— Այո՛, պարոն, վեց ամիսէ ի վեր կորսնցուցած է իր տեսողութիւնը:

— Ո՛հ, օրիորդ կը հասկնամ թէ որքա՞ն իրաւունք ունի զիս յիշելու:

Երիտասարդուհին շիկնեցաւ և ազդուած վիճակ մը ցոյց տալով անոր.

— Գուցէ կը սխալիք պարոն, ես եկած չեմ ձեռն նպաստ խնդրելու: Հայրս ինձի ըսաւ թէ՛ արկին Ռօլան չափազանց բարեսիրտ և բարեգործ կին մը ըլլալով, երբեք չպիտի մերժէր ինձի աշխատանք և գործ տալու:

— Ատոր տարակոյս չիկայ:

Երիտասարդ կինը ամօթահար ձեւով մը աչքերը գետին խոնարհեցուց:

— Միայն թէ, ըսաւ ան, կը ցաւիմ որ, հօրս քովէն բաժնուրով, չպիտի կրնամ աշխատիլ ձեր գործարանին մէջ, որովհետեւ, հայրս ոչ միայն իր տեսողութիւնը կորսնցուցած է, այլ և վերաւորուած ալ է:

Վնաս չունի, Սըրիզ՝ տան մէջ աշխատելու համար ձեզի գործ կուտայ:

Յետոյ Լէօն ոտքի ելլելով ըսաւ.

— Այս պահուս կինս դուրս ելած և Տիկին տը Բէրկազի տունը այցելութեան գացած է: Քիչ մը վերջ կը վերադառնայ, կ'ողզէ՞ք անոր սպասել:

— Այո՛, պարոն, կ'սպասեմ, ըսաւ ան ճնշուած երեւոյթով:

Լէօն, երբ կը խօսակցէր, ուշադրութեամբ կը նայէր աղջկան հագած խեղճ բայց վերջին ծայր մտքուր հազուաաներուն և անոր նկատմամբ տեղակ մը համակրական զգացում տածել սկսաւ, որ թէև կը թուէր թէ սրղիւնք էր իր արգանատանքին, սակայն իրականութեան մէջ տարբեր ազդեցութեան մը հետեւանքն էր ան:

Վերջապէս Լէօն յարեց.

— Եկէք, ձեզի տանիմ վարի յարկը՝ ուր կ'աշխատին բանուորուհիները: Կինս պահ մը վերջ կուգայ:

Երիտասարդ կինը միշտ խոնարհ երեւոյթով քալելով, հետեւեցաւ անոր, և երբ Լէօն սանդուխներէն վեր կ'ելնէր կ'ըսէր ինքնիրեն.

— Տարօրինակը հո՛ն է որ, սա Յրամսուա կարէնը, երբ դործարանին մէջ կը գտնուէր, զարմանալի մտրդ մըն էր: Հիմա անոր հանդէպ ստիպուած եմ յարգանքով վերաբերուիլ:

Յետոյ դառնալով իրեն հետեւող կնոջ ըսաւ.

— Ո՞ւր կը բնակի ձեր հայրը:

— Ասկէ քիչ մը հեռու, Շաբօն փողոց, թիւ 23 տան մէջ:

— Շատ լաւ, քիչ մը վերջը զայն տեսնելու պիտի երթամ: Ձեր հոս եկած ժամանակ, այդ փողոցին մէջ իմ ունեցած փայտի մթերանոցէս դուրս ելնելու վրայ էի:

Յետոյ Լէօն, իր յարկաբաժինին դրան կոճակը սեղմեց:

Լէօն Ռօլանի յարկաբաժինը կը գտնուէր առաջին յարկը, կարի յատկացուած աշխատանոցին դրան գէմ:

Այս յարկաբաժինը կը բաղկանար չորս սենեակէ,

մէկ ճաշարանէ, փոքր նախասենեակէ մը և երկու նընջասենեակներէ:

Երբ ներս մտաւ Լէօն, մօրը դառնալով հարցուց անոր.

— Սըրիզը վերադարձա՞ւ մայրիկ:

— Ո՛չ, դեռ չվերադարձաւ:

— Այո երիտասարդ օրիորդը հոս պիտի սպասէ անոր, ես ալ յատկապէս կը յանձնարարեմ այս օրիորդը անոր. հին գործաւորներէս մէկուն աղջիկն է.

Յետոյ դառնալով աղջկան աւելցուց.

— Օրիորդ, կ'ուզէ՞ք մեզի հետ ճաշել, ժամէ մը կը վերադառնայ Սըրիզ:

— Շնորհակալ եմ, ըսաւ աղջիկը տխրութեամբ, և կը խնդրեմ որ ներողամիտ ըլլաք ինձի, երբ կը յանդերձնիմ մերժել ձեր այսքան պատուական հրաւերը, որովհետև... հայրս...

Լէօն արտասուելու աստիճան ազդուեցաւ անոր այս խօսքերէն. Ան մտքէն անցուց թէ գուցէ տունը ուտելիք բան մը չկայ, կերակրելու համար հիւանդ ծերունին, և աղջկան ճաշի հրաւերը մերժելուն պատճառը այս բանին կը վերագրէր:

— Շատ լաւ, սակայն սպասեցէք ինձի և Սըրիզին, քանի մը վայրկեանի համար դուրս պիտի ելնեմ, շուտով կը վերադառնամ:

Այսպէս Լէօն, երիտասարդը աղջիկը ձգելով մօրը քովը, ինքը փութով գրասենեակ երթալով, հագնելէ վերջ վերադուռն դուրս ելաւ և ուղղակի երթալով Շարօն փողոց կանգ առաւ թիւ 23 տան առջև, որու դռնապանին հարցուց թէ՛ Փրանսուա Կարէն անուն մէկը կը բնակէ՞ր հոն.

Դռնապանը պատասխանեց.

— Վեցերորդ յարկ, սրահին վրայ, ձախակողմի երրորդ դուռը:

Լէօն աղտոտ սանդուխներէն վեր բարձրանալով, կը պանքը վրան առկախ դրան զարկաւ:

— Մտէք, ձայնեց ներսէն մէկը, որուն վրայ Լէօն դուռը բացաւ և այնքան խղճալի գտաւ սենեակին ներքին վիճակը, որ չկրցաւ պահել իր զգացած տխուր բայց կարեկից զգացումները:

Սենեակը կը գտնուէր ձեղնայարկին վրայ, Կարապիները կը բազկանային պարզ փայտէ շինուած մահճակալէ մը, աղտոտ և հին անկողինէ մը, սեղանէ մը և երկու աթոռներէ:

Անկողինին վրայ եղանակին յարմար վերմակի մը մէջ փաթթուած ծերունի մը պառկած էր: Անոր քով գտնուող անկողինն ալ անտարտկոյս աղջկանը պէտք էր եղած ըլլար:

Վառարանը չէր վարուած և անկիւն մը, ամանի մը մէջ կը տեսնուէր պատառ մը չոր հաց, կարգ մը աղտոտ ցնցոտիներ և հին փայտէ շինուած մաշած սընտուկ մը:

Լէօն երբ տեսաւ այդ հիւանդ ծերունին, յիշեց այն Փրանսուա Կարէնը որ ժամանակին իր գործաւորը եղած էր: Այդ պահուն կոյրը դառնալով անոր խղճալի ձայնով մը հարցուց անկողինին մէջէն.

— Ո՞վ է ան:

— Ես եմ, Լէօն Ռուանը:

— Ա՛հ, սիրելի պարոն, կարելի՞ է այսքան մեծաբանք ցոյց տալ ինձի նման թշուառ մէկուն.

— Հայր Կարէն, ձեր աղջիկը զի՞ տեսնելու եկաւ:

— Սիրելի պարոն, ըսաւ հիւանդը ցաւազին հը-

որնգումները կարծես հաղիւ զսպելով, այդ աղջիկը  
Ստոււծոյ զարմանալի և հրաշագործ արտաքանքէն մին  
է: Եթէ ան չըլլար, ևս վաղուց յաւիտենականութիւն  
ճամբորդած է պիտի ըլլայի:

Մերունին շտուկելով անկողինին մէջ և արտասու-  
ուելով բացատրեց թէ ինչպէս իր աղջիկը օրը 12 ժամ  
աշխատելով, օրական 15 - 20 սու շահելով սնուցած և  
խնամած է զինքը:

— Կը ցաւիմ որ, աւելցուց ծերունին, երիզագոր-  
ծութեան ժամանակը անցած է, այդ պատճառաւ աս-  
գործ մնաց աղջիկս: Ահա այդ պարագային է որ յիշեցի  
ձեզ և ձեր ազնիւ տիկինը:

— Իրաւունք ունիք բարեկամս: Շատ շիտակ է.  
ձեր աղջիկը հիմա մեր տունն է և կինս գործ պիտի  
տայ անոր: Միայն թէ մի վիրաւակուրիք եթէ ձեզի հի-  
մա քիչ մը դրամական օգնութիւն ընեմ:

Հիւանդը ձեռքերը ծալելով.

— Ո՛հ, քանի կը յիշեմ թէ՛ աղջկանս աշխատանք-  
ին կարօտ եմ մնացեր, կ'ամչնամ և չեմ ուզեր իմ վը-  
րայ կրել «հայր» անունը:

Լէօն՝ գրեթէ ստիպելով երկու Լուի ոսկի սահեցուց  
անոր ձեռքերուն մէջ:

— Ես վաղը նորէն պիտի գամ ձեզ տեսնելու, ը-  
սաւ անոր Լէօն, ցտեսութիւն, հայր Կարէն, աղջիկդ ալ  
քիչ ժամանակէն կը զրկեմ:

Լէօն Ռօլան երբ վար կ'իջնէր սանդուխներէն, գը-  
լուխը շալ մը կապած կ'ին մը, ձեր և կորաքամակ,  
խեղդուկ ձայնով մը հարցումներ ուղղեց անոր, որուն  
ի պատասխան Ռօլան տասը ֆրանք սահեցուց անոր  
ձեռքը ըսելով.

— Ելէք հայր Կարէնի սենեակը, և քիչ մը փայտ

ու ածուխ առնելով վառեցէք անոր սենեակին վառա-  
րանը: Յետոյ միս առէք և լաւ տրգանակ մը շինեցէք  
անոր համար: Ասկէ դատ ամէն խնամք շտայլեցէք ա-  
նոր, ևս ձեզ կը վարձատրեմ. նորէն պիտի գամ այցե-  
լութեան:

Իննապանուհին վարժուած չըլլալով այսպիսի ա-  
ռատաձեռնութեան, մինչև գետին ձեռքաւ, և մինչդեռ  
Լէօն Ռօլան իր գործատեղին կը մեկնէր, կ'ինը շտապեց  
կատարելու իրեն եղած յանձնարարութիւնները, գո՛հ  
ձգելու համար այդ առատաձեռն պարոնը:

Երբ Լէօն կ'անցնէր Բլաս տը Պասթիլլէն, Սլրիզ  
ալ դուրս կ'եկնէր Բէրկաղի բակարանէն, և ճամբան  
ճանչնալով ամուսինը, քայլերը արագացուց և անոր  
ետեւէն հասնելով մտաւ անոր թեւը:

Սըրիզ, նախապէս, մեր ճանչցած ուշիմ, գեղեցիկ  
և ուրախութիւններու սիրահար կ'ինն էր: Ամուսնու-  
թենէն վերջ ան ստացած էր ուրիշ գեղեցկութիւն մը,  
ան ինքզինքը ցոյց կուտար արտաքնապէս հաղիւ 21  
տարեկան, և հակառակ որ ան շատ անգամ զերծ չէր  
մնացած թշուառութենէ, դէմքին վրայ ոչ մէկ հետք  
մնացած էր իր տառապանքի օրերէն: Ամբողջ թաղեցի-  
ները զարմանքով կը դիտէին զայն, և դնահատելով ա-  
նոր գրաւչութիւնը «գեղեցիկ Տիկին Ռօլան» կը կոչէին  
զայն:

Վերջապէս Սըրիզ, կուպուելով իրեն համակրած մէկ  
երիտասարդին հետ, զայն պաշտելու աստիճան կը սի-  
րէր ու կը սիրուէր փոխադարձաբար: Կ'իններուն մէջ չէ  
կարելի երեւակայել մէկը՝ որ բախտը ժակով, առաա-  
օրէն շտայլէ անոնց սէր, բարօրութիւն, սիրտ ու նիւ-  
թական յաջողութիւն:

Լէօն՝ երբ կ'երթային միատեղ, ճամբան ըսաւ Սը-  
րիզին.

— Սիրելիս, քայլերնիս արագացնենք, և ժամ առաջ տուն հասնինք:

— Սակայն ի՞նչ հարկ կայ, աճապարելու, ճաշի ժամանակ չէ:

— Խնդրանքս այդ բանին համար չէ, այլ տունը մեզի անհամբեր սպասող մէկը կայ:

— Զարմանալի բան, ո՞վ կ'սպասէ:

— Գործ գտնելու համար խեղճ կին մը կ'սպասէ:

Յետոյ Լէօն պատմեց անոր հայր Կարէնի հետ ունեցած իր տեսակցութիւնը, նկարագրեց ծերուկին հիւանդութիւնն սւ անոր ենթարկուած թշուառ վիճակը:

Կարճես թէ՛ այս պատմութիւնը թե տուաւ Սըրբիզին թռչելու: Այո կհոջ մէջ թշուառներուն օգնելու համար այնպիսի ուժեղ տրամադրութիւն մը գոյութիւն ունէր որ բոլորովին թեթեւալով, թռչունի նման սուրբաց զէպի տուն, ոստոստելով սանդուխներուն աստիճաններուն վրայէն:

Էօժէնի Կարէն, կամ այլ անունով երիտասարդ կինը՝ կ'սպասէր զեռ, նստած ճաշարանին մէջ:

Երբ տեսաւ որ Սըրբիզ և Լէօն Ռօլան միատեղ են, աչքերը մէյ մը Լէօնին և մէյ մըն ալ Սըրբիզին դարձուց արգահատանդ հրաւիրելու ձեւով:

Այս երկու նայուածքներուն հետեւանքը միեւնոյն ժամանակ տարօրինակ եղաւ:

Սըրբիզ երբ տեսաւ այդ անձանօթ կինը գործաւորի խեղճուկ տարազին մէջ, անոր նայուածքէն, անոր կեցուածքէն, կարծես թէ ինք կը գտնուէր թունաւոր օձի մը առջև, սարսափեցաւ:

Իր տան մէջ աղէտ մը պատահածի նման, ցընցուեցաւ:

Լէօն ալ զգաց իր մէջ անձանօթ զգացում մը, այնպէս որ արիւնը տակն ու վրայ եղաւ:

Այս զգացումը չվրիպեցաւ հայր Կարէնի աղջկան ուշադրութենէն և աչքերը գետին ծռելով ըսաւ ինքնիրեն:

— Շատ լաւ կ'ըմբռնեմ և բացայայտ կերպով կը տեսնեմ որ, ութ օրէն այս մարդը զիւահարի մը պէս պիտի սիրահարուի ինձի, այնպէս որ իր կինը պիտի սկսի նախանձիլ ինձմէ:



ազդուելով և զգացուելով դրութենէս, իր անձն ու  
քսակը մեզի տրամադրելու և ամէն կերպ աջակցու-  
թիւն ցոյց տալու խոստումներով մենեցաւ սենեա-  
կէս:

Յետոյ ծիծաղելով և բարձրաձայն խնդալով աւել-  
ցուց.

— Պարոնը քառասուն ֆրանքի գումար մը ձգեց:  
Գոնապան Ֆիբարն ալ դրկելով, կերակուր պատրաստել  
տուաւ ինծի համար:

Երիտասարդ աղջիկը, Սըրիզի իրեն տուած գործի  
կապոցը անկիւն մը զետեղելով, ըսաւ ծիծաղելով.

— Կը տեսնեմ որ ախորժակնիդ բաւական լաւ  
է:

— Հօ՛, հօ՛, ախորժակս լաւ է թէեւ, սակայն չա-  
փազանց ծարաւ եմ, եթէ քիչ մը զինի տաս ինծի, սի-  
րելի տիկին, վերջին ծայր շնորհապարտ պիտի թողուս  
զիս:

Երիտասարդ կինը խնդալով պատասխանեց.

— Ո՛չ, ծերունի գինով, եթէ ոգելից ըմպելի խմես,  
քառերդ կը չփոթես, իսկ ես կ'ուզեմ որ կարգ մը յի-  
մարութիւններու մէջ չգտնուիս:

Ծերունին տխուր ձայնով մը պատասխանեց.

— Ուրեմն, միայն ջո՛ւր պիտի խմեմ:

— Մինչև որ քեզ գինի խմելու արտօնեմ, ջուր  
պիտի խմես: Այն օրը՝ երբ գինի խմելու արտօնեմ քեզ,  
կրնաս նոյն իսկ գինետունը պառկել:

Յետոյ երիտասարդ աղջիկը փոխելով իր խօսակցու-  
թեան նիւթը, շարունակեց.

— Ես ժամանակ չունիմ երկտր ատեն սա աղտոտ  
սենեակդ մնալու: Հիմա մեր գործին նայինք: Բեզի  
ամսական տասը լուրի ոսկի վճարել խոստացած էի, կա-  
տարելու համար հիւսնդ հօր մը դերը:

Թ.

### ԿԵՂԾ ՇՕՐ ԿԵՂԾ ԱՂՋԻԿԸ

Մէկ ժամ վերջ, հայր Կարէնի կեղծ աղջիկը վեր  
կ'ելլէր Շարօն փողոցի թիւ 23 տան աղտոտ սանդուխ-  
ներէն՝ ուր ձեղնայարկին մէջ պառկած էր հիւանդը:

Գոնապանը, Լէօն Ռօլանի յանձնարարութեան հա-  
մաձայն կերակուր պատրաստած էր հայր Կարէնի հա-  
մար, զոր ախորժակով կը լափէր, երբ երիտասարդ  
աղջիկը, փոխելով իր արտաքին ձեւը, ներս կը մտնէր  
անոր սենեակէն:

Է՛հ, պարոն, հարցուց աղջիկը, կրցա՞ք ձեր  
դերը լաւ կերպով խաղալ:

Հայր Կարէն՝ որուն հիւանդութիւնը կարեւորու-  
թենէ զուրկ բան մըն էր, վառարանին բոցերէն կաս  
կարմիր կտրած երիտասարդ աղջկան երեսը դիտելով,  
գոհունակութեամբ մը պատասխանեց անոր.

— Եթէ հոս գտնուած ըլլայիք, պիտի տեսնէիք  
թէ ինչ կերպով կատարեցի պարտականութիւնս: Ան-  
յուսակի ըլլալու աստիճան, հայրական զգացումներս  
այնպիսի բնականօրէն արտայայտեցի որ, սկսայ նոյն  
իսկ արտասուել և հառաչել: Ձեզի անոր ներկայացու-  
ցի իբրև հրեշտակ մը, և ան, այն աստիճան հաւատք  
ընծայեց խօսքերուս որ, այդ յիմար մարդը չափազանց



— Այո՛, պարծանք է ինձ վիճակուած դելը կտտարեալ կերպով կատարած ըլլալս :

— Եթէ դերդ այսպէս շարունակեց մինչև վերջը, կը խոստանամ քեզի վճարել նաև հազար Փրանք : Մերունին ուրախութենէն վեր կը ցատկէր :

— Մնաս բարով, ըսաւ երիտասարդ աղջիկը, ես կ'երթամ և վաղը նորէն կուգամ. շատ լաւ գիտեմ որ Պ. Ռօլան չպիտի գայ կրկին քեզ տեսնելու, ո՛ր առաւօտուն և ո՛չ երեկոյեան : Սակայն, եթէ պատահի որ իրիկուն մը գայ, կ'ըսես անոր որ ես գործի համար դուրս ելած եմ :

Սենեակէն ելնելէն վերջ, վար իջաւ և մտաւ դըռնապանին սենեակը :

Գունապանը, ասկէ առաջ մեզի ծանօթ Ֆիրտր անուն կ'ինն էր : Ան բաւական հարստութեան մը տիրացած էր, և միայն դործ մը, զբաղուած մը ունենալու համար էր որ դռնապանութիւն կը կատարէր : Ան՝ նախ Նիքօլօն խաբած էր, անկէ շորթելով բաւական խոշոր գումար մը : Յետոյ Պուժիվալի գինետան մէջ թաղուած գանձին տիրացած էր, առանց գիտցնելու Բօքանպոլին, վերջապէս երբ իր որդին վերադարձաւ Ամերիկայէն, ըսաւ մօրը .

— Մայր, պէտք չէ որ ձէնթըլմէնի մը մայրը ապրի դրկանքի մէջ : Քեզի տարեկան հազար երկու հարիւր Փրանք կենսաթոշակ կը նշանակեմ : Քաշուէ Մօմարթը կամ Պաթինեօլ ու ապրէ հոն կատարեալ հանգստութեան մէջ :

— Ստանալով հազար երկու հարիւր Փրանքը, մաքուր տան մը մէջ նորէն դռնապանութիւն կ'ընես :

Հեռեւաբար, Աըր Ուիլերմո Շարօն փողոցի մէջ ունեցած իր ասան համար դռնապանի մը պէտք ունեցած ըլլալուն, այս կ'ինը կոչած էր այդ պաշտօնին :

Ֆիրտր, թափանցելով հայր կարէնի կեղծ աղջկան գազանիքներուն, և նոյն իսկ այդ բանին համար կարգ մը հրահանգներ ստացած ըլլալով, երիտասարդ աղջիկը անոր սենեակը մտնելով ըսաւ .

— Վերը մեծ ծրար մը ձգած եմ, այդ ծրարը կը տանիս : Լար փողոցի սնկիւնը ինձ համար վարձուած սենեակը . այդ գործերը շուտով լրանալու համար, աշխատէ կար կարել գիտցող աղջիկ մը վարձել :

— Շատ լաւ տիկին :

— Առ այժմ ց. հասութիւն, վաղը նորէն պիտի գամ : Երիտասարդ աղջիկը վերջացնելէ վերջ իր խօսքերը դուրս ելաւ սենեակէն և կառք մը նստելով գնաց իր տունը :

Աղախինը կ'սպասէր անոր յատկացուած յարգարանքի սենեակին մէջ :

— Հանէ սա ցնցոտիները, գործին ծայրը միլիոն մը պէտք էր ըլլար . . . և անմիջապէս հանուելով, վայելուչ կերպով հազաւ ուրիշ զգեստ մը :

Յետոյ կրկին դառնալով աղախինին .

— Ինչպէ՞ս է վերաւորը, հարցուց անոր :

— Բժիշկը եկաւ և նայեցաւ վէրքը : Հաւու թե մը կերաւ և քիչ մըն ալ պօրտօի գինի խմեց, երկու անգամ սենեակ գացի հասկնալու համար թէ քանի մը պէտք ունէ՞ր : Բանի մը պէտք չունենալը ըսելէ վերջ, ձեր ուշ կամ կանուխ գալուն մասին տեղեկութիւններ ուղեց ինձմէ :

Թիւրքուազ ժպտելով .

— Խեղճը . . . ըսաւ :

— Կը կարծեմ որ այժմէն ան ձեռք տուած է իր օձիքը :

— Քեզի բան մը չհարցօ՞ւց :

— Ո՛չ :

— Երկու լուրի ոսկի չդրա՞ւ ձեռքդ :

— Ո՛չ :

Երիտասարդ աղջիկը ծիծաղելով ըստաւ .

— Շատ լաւ, ինք լուրջ կը վարուի թէև, սակայն մինչև երեք ամիս պիտի յաջողիմ զայն ենթարկել ինծի :

Յետոյ թիւրգուազ թեթև զգեստ մը հագնելով, բոլորովին հոլանի, առանց գլխարկի, բայց մտքերը փռնջի ձեւով դիզած գլխուն վերև, դնաց Յէրնան Ռոշէի սենեակը՝ ուր ան իր անկողինին մէջ կ'սպասէր անոր անհամբեր :

Երբ ան ներս մտաւ սենեակէն, գունաթափ հիւանդը երեսը յանկարծ փոփոխութիւն մը ստանալով շառագունեցաւ :

— Փա՛ռք քեզ Տէր, վերջապէս եկաք, ըսաւ գող-ղըղալով :

Երիտասարդ աղջիկը ժպտելով, մինչև մարդուն սրտին խորերը թափանցող ահնարկ մը նետելով անոր պատասխանեց .

— Տարօրինակ բան, այսքա՞ն անհամբերութիւն ցոյց կուտաք զիս տեսնելու համար :

Յէրնան կարմրելով .

— Եթէ անպատշաճ ընթացքի մը մէջ գտնուած եմ, կը ներէք ըսաւ անոր :

Երիտասարդ աղջիկը նորէն ժպտեցաւ, և այնպիսի ձեւով մը նստաւ ու կրթնեցաւ անոր անկողինին ոտքին կողմը գտնուող թիկնաթոռին վրայ, ուրկէ ահնախտիկ կերպով կը փայլէր բազուկներուն վրայ անցուցած զոյգ մը ապարանջանները : Յետոյ խիստ զրաւիչ ու շանթահարող նայուածք մը նետելով Յէրնանի ըսաւ .

— Կը հասկնամ ձեր անհամբերութիւնը, և այս

մասին, չեմ դատապարտեր ձեզ, որովհետև ես ալ միևնոյն զգացումները զգացի իմ մէջս :

Յէրնան, անտարակոյս, չկրնալով լաւ մը թափանցել այս խօսքերուն իմաստին, ըսաւ .

— Դո՞ւք ալ :

Երիտասարդ աղջիկը ժպտելով ըսաւ .

— Այ՛, ես ալ :

— Հիւանդները բանտարկեալներու կը նմանին, երբ առանձին կը մնան, կը տա ջուրին :

— Նմանապէս հիւանդապահներն ալ...

— Ո՛չ, տիկին...

— Լռեցէք և թողէք որ լրացնեմ բացատրութիւններս, ըսաւ ժպտելով . ինչպէս բանտարկեալները անհամբեր կ'սպասեն իրենց պահապաններուն վերադարձին, հիւանդներն ալ զիրենք ինամող, կամ սովորաբար իրենց միշտ տեսած միեւնոյն անձը սիրելու կ'ըսկըսին :

Յէրնան տառապազին ձայնով մը .

— Տիկին, տիկին, իմ մէջ գոյութիւն ունեցող զգացումը տարբեր բան է, ուրիշ զգացում մըն է, ըսաւ :

Երիտասարդ աղջիկը ժպտելով յարեց .

— Կը հասկնամ, կ'ուզէք տեղեկութիւններ ստանալ տիկին Ռոշէի մասին :

Ինչպէս որ փողահարը յանկարծ իրենց քուներէն կ'արթնցնէ զինուորները, այս խօսքերն ալ ազդելով Յէրնանի վրայ, դող պատճառեցին անոր. դէմքը գունահեցաւ . կտկազեց և որքան որ Հէրմինի մասին խորտեցաւ, սակայն թիւրգուազի գլխէ հանող աչքերը, բաղդատելով Հէրմինի մաքուր դէմքին հետ, տակնուվրայ ըրաւ անոր սիրտը : Այդ վայրկեանէն սկսեալ Յէրնան, կարծես երազներու մէջ կ'սպրէր, երբեմն

տենդ կ'ունենար, և մերթ խոր լուծեան մը մէջ կը  
թաղուէր: Յանկարծ, բարձր ձայնով իր կիներ կանչէր,  
երբեմն ալ ուշադրութիւնը այս անձանօթ կնոջ վրայ  
կեղրոնացիելով, անով կ'զբաղէր միայն:

Սակայն, այս կինը ցարդ չձանօթացնելով ինքզին-  
քը Ֆէրնանի, երբ այս մասին հարցում ուղղուէր իրեն,  
յօնքերը պոստելով և ժպտելով կը պատասխանէր անոր:

— Շատ ապերախտ էք, չըսի՞ ձեզի թէ այս գաղտ-  
նիքը ինձի միայն չվերաբերիր:

Ատոր վրայ լռելով, Ֆէրնան կը բուսկանանար  
դիտելով այս գեղեցիկ և հմայիչ երիտասարդ կինը:

Այս վիճակը ութ օր շարունակեց, և այս ժամա-  
նակամիջոցին, հիւանդին դրութիւնն ալ արագօրէն  
գէտի լաւը փոխուեցաւ: Միայն անոր միտքը, անոր  
ուշադրութիւնը անձանօթ կնոջ վրայ կեղրոնացած,  
ինչպէս երեխայ մը, որ սիրոյ և դուրսդուրանքի առար-  
կայ կը դառնայ իր մանկական խաղերով զինքը շր-  
ջապատողներուն, Ֆէրնան այնպէս կ'զգար և կը հաւա-  
տար թէ ինք կը սիրուէր և առարկայ դարձած էր ա-  
նոնց, մանաւանդ երիտասարդ կնոջ մասնաւոր հոգա-  
ծութեանը:

Երիտասարդ կինը շատ քիչ կը բաժնուէր Ֆէրնանի  
քովէն: Ան ժամը երկուքին կը մեկնէր և ութին կը  
վերադառնար անոր մօտ: Կը նստէր անոր անկողինին  
քով, ու երբ Ֆէրնան մտիկ կ'ընէր ու կը դիտէր անոր  
դէմքը, կը մոռնար այդ ժամուն իր բոլոր հոգերը, կը  
մոռնար ժամերուն սահիլը, մտքէ հանելով ամբողջ  
աշխարհը:

Առաւօտ մը, արեւը երբ ներս կը մտնէր կիսաբաց  
պատուհաններէն, ու դուրսը պարտէզին մէջ կը տեսնը-  
ւէին ծառերը, որոնց տերեւները սկսած էին վար թա-  
փիլ, բոխկը, այցելութեան դալով անոր, յանձնարա-

րեց հիւանդին որ ելնէ անկողինէն ու քիչ մը պտտի  
պարտէզին մէջ:

Ֆէրնան գոհ այս յանձնարարութենէն երբ շնորհա-  
կալութիւն կը յայտնէր բժիշկին, անձանօթ կինը դառ-  
նալով անոր բաւ:

— Այսօր օդը չափազանց գեղեցիկ է և արեւն ալ  
տաք: Եթէ խօսք կուտաք որ այս արտօնութիւնը չա-  
փազանց շարաշար չլիտի գործածէք, ձեզի կը արամադ-  
րեմ թեւս, և կ'առըջարկեմ որ միատեղ պտոյտ ընենք  
պարտէզին մէջ:

Գլխու շարժում մը ընելէ վերջ, Ֆէրնան մտաւ և-  
րատասարդ կնոջ թեք, և դուրս պարտէզ ելան պտը-  
տելու:

Ֆէրնան Ռօշէ, ինչպէս կը յիշուի, չորս տարի ա-  
ռաջ ընտկած ըլլալով Մօնսէյ փողոցի այս փոքրիկ  
տունը ուր գիշեր մը միայն անցուցած էր, պէտք էր  
գոնէ ձանչնար պարտէզը: Սակայն, այս կէտն ալ պէտք  
չէ մոռնուլ թէ՛ Պաքարա, զայն մարած վիճակի մէջ  
հոն փոխադրած ըլլալով, ան տեսած չէր ընտկարանին  
ոչ արտաքին և ոչ ալ ներքին մասերը: Հետեւալ օրը,  
երկու ոստիկանապետներու և զինուորներու միջոցաւ  
դուրս հանուած, իր յիշողութեանը մէջ հետք մը իսկ  
մնացած չէր անցեալէն:

Յետոյ ծառերը մեծցած էին և Սըր Ուիլեմս, ըն-  
դունակ արդէն ամէն բան կանխատեսելու, պարտէզը  
չըջապատած էր բարձր ու հաստ պատերով, բոլորովին  
բաժնելով զայն փողոցէն:

Աս ալ պէտք է յիշել որ, Ֆէրնան իր խելքն ու  
միտքը տուած ըլլալով բոլորովին, իրեն ընկերացող  
գեղեցիկ կնոջ, ի վիճակի չէր այդպիսի բաներու վրայ  
մտածելու:

Երեք օր այսպէս հիւանդը ելնելով անկողինէն,

կէսօրուան մօտերը քանի մը ժամ կը պտտէր պարտէ-  
զին մէջերը վերջապէս վէրքը բուժուեցաւ բոլորովին,  
իրիկուն մը անձանօթ կինը ըսաւ անոր .

— Գիշ օրէն բոլորովին բուժուած ըլլալով, պիտի  
կրնամ ձեզի զրկել ձեր կնոջ մօտ .

Ֆէրնան ցնցուեցաւ և ներկան ու անցեալը աչ-  
քերուն առջև պատկերացնելով ըսաւ անոր տխրօրէն .

— Փա՛ռք Աստուծոյ, ես կին ունիմ . զաւակ ու-  
նիմ... կը սիրեմ կինս, ան հոս պէտք էր եղած ըլլար .

Թիւրգուազ պահ մը բացակայելով վերադարձաւ  
նորէն, բռնեց Ֆէրնանի ձեռքը և զիմացիները գլխէ  
հանելու աստիճան ծիծաղով մը ըրաւ .

— Բարեկամս, ձեռք մեծ ծառայութիւն մը պիտի  
խնդրեմ .

Ֆէրնան երջանիկ բացագանչութիւնով մը ըսաւ .

— Ո՛հ, արդեօ՞ք կարող եմ ձեզի ծառայութիւն մը  
ընել, փոխարինելու և ապացուցանելու համար ձեզ իմ  
չ'որհակալութիւններս :

— Հիմա ժամանակը չէ այդպիսի խօսքերու, միայն  
թէ զիս լաւ մը մտիկ ըրէք :

Ան, այս խօսքերը ըսելէ վերջ նստաւ թիկնաթոռին  
վրայ, և կրկնեց .

— Ինձի մտիկ ըրէք :

— Պատրաստ եմ, հրամայեցէք :

— Գիտէք որ, չեմ կրնար ձեզի յայտնել ոչ իմ ա-  
նունս և ոչ ալ ձեր ուր գնուիլը :

Ֆէրնան տխրութեամբ մը ըսաւ .

— Թող այդպէս ըլլայ :

— Այժմ, երգում ըրէք ձեր պատիւին վրայ թէ՛  
կուրօրէն մտիկ պիտի ընէք իմ խօսքերուս :

— Լա՛ւ, տիկին :

— Կուրօրէն կ'ըսեմ, որովհետև աչքերնիդ պիտի  
կապեմ :

Ֆէրնան զարմացման ենթարկուեցաւ, մինչ երի-  
տասարդ կինը կը շարունակէր խօսիլ .

— Ձեր աչքերը կապելէ վերջ, դուք կառք մը  
պիտի նստիք, բայց նախ քան այդ նամակ մը պիտի  
տամ ձեզի, ուրկէ, դուք գրած հրահանգիս համաձայն,  
պիտի հասկնաք թէ ինչ տեսակ ծառայութիւն է որ  
կ'սպասեմ ձեզմէ :

— Տէր Աստուած, հազար ու մէկ գիշերներու հէ-  
քիաթներուն կը նմանի այս :

— Գրեթէ այդպէս :

— Եւ այդ կառքը զիս ո՞ւր պիտի տանի :

Երիտասարդ կինը նշանակալից ժպտէ մը վերջ  
աւելցուց .

— Ի՛նչ գեղեցիկ հարցում, եթէ այդ բանը ձեզի  
ըսել ուզէի, հարկ չպիտի տեսնէի կապել ձեր աչ-  
քերը :

— Իրաւունք ունիք :


— Հիմա կառք պիտի նստիք և մէկ կամ երկու  
ժամ երթալէ վերջ վար պիտի իջնէք կառքէն, և քա-  
կելով ձեր աչքին կապերը պիտի կարգաք այս նամակը :  
Ահա այն ատեն պիտի հասկնաք թէ՛ ինչ ծառայութիւն  
կ'սպասեմ ձեզմէ :

— Շատ լաւ, ե՞րբ պիտի մեկնիմ :

— Գիշ մը վերջ :

Այն ատեն Թիւրգուազ նստելով գրասեղանին առ-  
ջև նամակ մը գրեց և լաւ մը կնքեց զայն : Յետոյ  
հագուեցուց անոր հագուստները, ու իր վզէն հանելով  
վզկապը անոր տուաւ ըսելով .

— Առէ՛ք աս, ու ամէն ատեն որ զայն կապէք  
ձեր վզին, յիշեցէ՛ք զիս :



Յետոյ, երիտասարդ կինը լաւ մը կապեց Ֆէրնանի տղքերը ու ձեռքերէն բռնելով, «եկէք» ըսաւ անոր, Հիւրանոցէն դուրս հանեց զայն և պարտէզին մէջէն անցնելով տարաւ դրան առջև սպասող կառքին քով: Հոն, կառապանին ընկերակցութեամբը նստեցուց զայն կառքին մէջ: Եւ երբ կառքին դուռը կը գոցէր, ըսաւ անոր.

— Հաւատարիմ գտնուեցէ՛ք ձեր խոստումին մէջ: Կառքը ճամբոյ ելաւ, ու երբ Թիւրքուազ տուն կը վերադառնար, կ'ըսէր ինքնիրեն.

— Այս մարդը, դրամապանակը ձեռքը բռնած իմ մօտս դալով ծունկի պիտի գայտոջևս.

Կառը երկու ժամ քալելէ վերջ, կառապանը կառքին դուռը բանալով ըսաւ Ֆէրնանի.

Հոս է մեր գալիք տեղը:

Ֆէրնան կառքէն իջաւ, և մինչդեռ զբաղած էր տղքին կապերը քակելու, կառքը արդէն անհետացած էր սրարչաւ սուրալով օձապտոյտ փողոցներուն մէջ, Միայն հասկնալով իր թաղամասին մէջ գտնուելը, մօտեցաւ լապտերի մը ու նամակը բանալով հետևեալ տողերը կարդաց հոն.

«Բարեկամ,

«Ի՞նչ վերստանալով ձեր առողջութիւնը ի վիճակի էք վերադառնալու ձեր ընտանիքին մօտ: Չեղի հոն անհամբեր կ'սպասէ այն կ'ինը՝ զոր ձեզ կը սիրէ և կը պաշտէ միանգամայն:

«Երթաք բարով դարեկամս, անգամ մըն ալ չմեռնամարտիք:

«Եթէ պատահի որ յիշէք զիս, խորհեցէք որ կեանքը իր անհասկնալի գաղտնիքը ունի և միտջխատիք զիս տեսնելու:

«Նախ ես ազատ և անկախ չեմ, ես իմ անձիս տէրը չեմ, և եթէ դուք հետապնդէք զիս սիրելիս, ձեր անձը վտանգի մէջ պիտի դնէք:

«Յետոյ, խորհեցէք որ, դուք ունիք գեղեցիկ և բարի կին մը, զոր եթէ սիրէք, ան ալ ձեզ պիտի սիրէ:

«Վերջապէս բարեկամ, առանց անապարձութեան և գոռոզութեան, վեհանձն եղէք... որովհետև, հաւանական է որ վտանգի մը ենթարկուէի հիւանդապահութեան պարտականութիւնս կատարած ժամանակս:

«Մնաք բարով, բարեկամ, երբեք մի վշտանաք ինձմէ, և բուականացէք երազ մը նկատել ձեր ենթարկուած այս կեանքը:

«Երազը մարդկային կեանքի ամենէն անուշ բաներէն մէկն է:»

Երբ այս նամակը կարդաց ու լրացուց ընթերցումը, Ֆէրնան, անոր ազդեցութենէն շանթահարուած, գետին չիյնալու համար, սախուկեցաւ կրթնիլ պատին, և յետոյ ինքնիրեն խօսելով ըսաւ.

— Ամէն պարագայի մէջ զոյն կրկին տեսնելու եմ, և եթէ հարկ տեսնուի, ամբողջ Բարիզը աակնուվրայ պիտի ընեմ զայն գտնելու համար:



Ժ.

### ԳԱՂՏՆԻ ՏԵՂԵԿՈՒԹԻՒՆՆԵՐ

Ֆէրնան Րօշէի անծանօթ կնոջ կողմէ Մօնսէյ փողոցի բնակարանէն տարօրինակ կերպով ճամբուելէն վերջը, հետեւեալ օրը Սըր Ուիլերմս, կէս գիշերուն մօտերը, նստած Րօքսնպոլի՝ Ծօպուր Սէնթ Օնօրէի փողոցը գտնուող տան ոննեակներէն մէկուն էջ, Քէրկազի ապարանքին մէջ ունեցած անօթութիւնը անցնելու համար, ձուկ և խմորեղէն կուտէր, մինչ Րօքսնպոլ, գիշերազգեստին փաթթուած սիկար կը ծխէր:

Այս միջոցին, Րօքսնպոլ դառնալով անոր:

— Հօրեղբայր, ըսաւ երեք օրէ ի վեր տեսած չունիմ ձեզի, մինչդեռ ձեզի հաղորդելիք կարգ մը լուրեր ունիմ: Ուստի մինչդեռ դուք կը ճաշէք, ես ալ հաղորդեմ ձեզի տալիք լուրերս:

Այս ըսելէ յետոյ ռաքի ելաւ և գրասեղանին գըզրոցը բանալով տոմար մը հանեց անոր մէջէն: Այս տոմարին մէջ, Վալէ տը Քէօրի ահուժքին տոմարին նման, կարգ մը գաղտնիք պարունակող թուղթեր և նշանակալից սեղեկագիրներ:

Այս թուղթերը ընկերութեան անգամներուն կը պատկանէին, որոնք կը կրէին այդ անգամներուն իւրաքանչիւրին ստորագրութիւնները, Րօքսնպոլ զանոնք

կը քննէր, կը դասաւորէր և մաքուրը գրել արձանագրելէ վերջ, կոչնչացնէր զանոնք:

Սըր Ուիլերմս սուր ախորժակով մը ուտելը շարունակելով ըսաւ.

— Սկսէ նայինք:

— Ամենէն հին տեղեկագիրներէն սկսինք: Ամենէն հինը Շէրիւպէնի տեղեկագիրն է:

— Ինծի համար ալ ամենէն կարեւորը ան է:

Րօքսնպոլ կարգաց այդ տեղեկագիրը, որ հետեւեալ պարունակութիւնը ունէր:

«Շէրիւպէն՝ Մարքիզ Վան-Հօրի կողմէ արուած երկրորդին մէջ, մարքիզուհիին հետ երկու անգամ պարած է: Մարքիզը թէև վշտացած է անկէ աստիճան մը, սակայն, առանց զգացնել տալու անոր այդ վիշտը՝ սղեղ ընթացք մը բռնած է անոր նկատմամբ:

«Շէրիւպէն՝ ասուօտեան ժամը երեքին ատենները երկկոյթը ձգելով հեռացած է հոնկէ: Հետեւեալ օրը ժամը երկուքին, Մարքիզուհին իր անձնական կառքով երբ կ'անցնէր Շանդ էլիզէն, երբ թուրքիկ խումբի մը պատահելով, յարգանքի արժանացած է, Այս խումբին ղեկավարը Շէրիւպէնն էր՝ որ զինքը տեսնողները հետապնդելու աստիճան գեղեցկութիւն մը ունենալով, կրցած է ազդել Մարքիզուհիին վրայ, զայն կարմրցնելու աստիճան:

«Հետեւեալ օրը, հազարապետ Գարաէն՝ Շէրիւպէնը տարած է կոմս Ս . . ի տունը՝ ուր շատ անգամ այցելուութեան կ'երթար անգղիացի մը, երբ ան առանձինն կը գտնուէր իր տան մէջ: Այդ իրիկուն, Հոլանտացի սեղանաւորը իր կնոջ հետ կը գտնուէր:

«Շէրիւպէն, շատ քաղաքավարի ընթացք մը ցոյց տուած է անոր, ան, առանց անոր շատ մօտենալու, բաւական հեռու տեղ մը նստած է անոր դիմացը:

«Թէև մարքիզուհին թոյլ չէ սուած խաղալ իրեն հետ, բայց անոր սւրիչի հետ պարած ժամանակը տեսած է որ Շէրիւպէնի աչքերը դէպի անոր կողմը ուղղուած էին»:

Այս միջոցին պատճնը ըսաւ.

— Շատ լաւ, այս այնպիսի ընթացք մըն է, որ մարդ ցոյց կուտայ այն ատեն, երբ կ'զգայ թէ՛ պէտք է զգուշանալ կիներէ, երբ անոնցմէ յուսալիք բան մը չունի այլեւս. ինչ որ է, շարունակէ ընթերցումը:

Բօքանպոլ շարունակեց կարգալ տեղեկագիրը:

«Շէրիւպէն՝ տակնուվրայութիւն մը տեսաւ Մարքիզուհիին վրայ՝ որ կէս գիշերին մեկնելով անկէ, հետեւալ օրը տեսնուած է Պուլօններ անտառին մէջ, Մարլիի շրջակաները, և զբաղած էր հոն մինչև ժամը 2-4 պտտելով:

«Օղբ՝ հակառակ նպատակոր չըլլալուն՝ Մարքիզուհին զանազան պատրուակներով դուրս ելած է օդափոխութեան համար, իր մէջ զգալով այդ օրը տեսակ մը անհանդատութիւն:

«Մարքիզը այդ օրը տունը առանձինն դանուած ատեն իրեն այցելութեան եկած է հազարապետ Գարտէնը:

«Ան անհանգիստ կ'զգար ինքզինքը և աչքերն ալ այդ բանը կը մատնէին: Այսուհանդերձ ան վերջին աստիճան անտարբեր գտնուած և կարգ մը զանազան հարցումներ ուղղած է այլ և այլ խնդիրներու մասին:»

Հոս կը վերջանայ այն տեղեկութիւնները՝ զոր կը տեղեկագրեն հազարապետ Գարտէն և Շէրիւպէն: Երբ Բօքանպոլ վերջացուց անոնց ընթերցումը, Պառօնը ըսաւ.

— Թէև այնքան մանրամասն չէ տրուած տեղեկութիւնները, սակայն, դեռ սկիզբն ենք:

— Գիւրաւ ձեռք չի բերուիր «Նինաով» ներկուած աղջկան հինգ միլիանները:

— Բայց ձեռք պիտի բերուի:

— Կրնամ ըսել թէ՛ Մարքիզուհին նոյն ինքն իմաստութեան ամբողջ մըն է:

— Ատ ճիշդ է, սակայն Շէրիւպէն՝ հակառակ իր զգլխիչ գեղեցկութեանը, չէ կրցած զերծ մնալ հակասութիւններէ:

Բօքանպոլ վերստին թուղթերը պրպակելով.

— Մալասիին տեղեկագիրն է, ըսաւ, որուն ընթերցումը կարեւոր կը նկատեմ. նամանաւանդ, Վանթիւրի նման գործակատարի մը մասին ալ խօսուած է անոր մէջ: Յետոյ սկսաւ կարգալ այդ տեղեկագիրը:

«Տիկին Մալասի երեկոյթէն մեկնեցաւ չորեքշաբթի օր. իր բնակարանը հասնելէն քիչ յետոյ օտքի ձայներ առնելով, ան կարծեց թէ եկողը դուքս Շաթօ Մալին է: Սակայն փոխանակ դուքսին, ան տեսաւ որ իրեն այցելութեան եկողը, Վալէ աը Բէօրի ընկերութեան պատկանող վեցերորդ անդամներէն Պ. Արթիւր Շամբին է. Երբ ան ներս մտաւ սենեակէն խոր լուսութիւն մը տիրեց սենեակին մէջ:

«Ոչ ոք գիտէ իր և երիտասարդին միջև տեղի ունեցող խօսակցութիւնը: Միայն սա ստոյգ է որ, դեռ չլուսցած Պ. Շամբի մեկնեցաւ անկէ և այլեւս չտեսնուեցաւ: Սակայն, աիկին Մալասի ամէն օր ժամը երկուքին կը մեկնէր և ժամը չորսին կը վերադառնար:

«Հինգշաբթի առաւօտ ժամը եօթին երբ օրը բաւական յառաջացած էր, դուքսը եկաւ: Անոր զէմքը գունաթափ և հազուսան ալ անխնամ էր: Այդ գիշեր ան երբեք չքնացաւ:

«Դուքսը Բէրլինիէր փողոցէն ներս մտաւ: Այդ ժամանակ աիկինը օտքի վրայ կանգնած էր և անոր աղախինն ալ կ'զբաղէր անտակները պատրաստելու:

«Տիկինը չափազանց մտատանջութեան մը մատնը-  
լած կ'երեւէր: Երբ ներս մտաւ դուքսը, գոյնը նետեց,  
ու չկրցաւ զսպել իր զգացած վիշտը: Արդէն ան կը  
կտակածէր անոր վերադառնալուն մասին: Ասոր հետ  
մէկտեղ, ան իր դերը շատ լաւ կատարեց. Խիստ ըն-  
թացք մը ցոյց տուաւ և նոյնիսկ սրատառեց, այնպէս  
որ դուքսը, անոր առջև ծունկի գալով աղաչել սկսաւ:

«Գալով Լէօն Ռօլանի, ծերունիին ամողջական վի-  
ճակը պատրուակելով, ամէն օր կ'երթար և երկար ժա-  
մանակ կը անսակցէր դեռատի կնոջ հետ:

«Երէկ ան խօսեցաւ ծերունիին հիւանդանոց լիտ-  
խաղրելու մասին:

«Երբ ան մեկնեցաւ, երիտասարդ կինը, փոխելով  
իր հագուստները, զիս կառքի մը ետեւէն ղրկեց:

«Երկու օրէ ի վեր Պ. Լէօն շատ մտատանջ վիճակ  
մը ցոյց կուտայ, և օր. էօփէնին ալ, ամէն ատեն երբ  
հօրը մասին տեղեկութիւններ կ'ուզէ, կ'սկսի դողալ:

«Հակառակ որ ան երէկ կանուխ վերադարձաւ,  
դեռ չէր եկած երիտասարդ կինը: Թէև ես անոր դուրս  
ելլելը իմացուցի, բայց ան նորէն, գունաթափ երեւոյ-  
թով մը վեր ելաւ:

— Հասկցուեցաւ, ըսաւ Սըր Ուիլիերմա, թռչունը  
վանդակին մէջ դնել յաջողեցանք:

Յետոյ, հանեց իր գրպանէն կնոջական մասներով  
զրուած այն նամակը, որ ղրկուած էր Թիւրգուազէ և  
հետեւեալ պարունակութիւնը ունէր.

«Սիրելի պաշտպանս,

«Կը կարծեմ որ, մօտ ատենէն տիկին Սըրիզ Ռօլան  
պիտի ենթարկուի կարգ մը տանջանքներու:

«Ապուշ ամուսինը բոլորովին օծիքը ձեռք տուած  
ըլլալով, որքան որ ամէն վայրկեան ծունկի կուզայ

առջեւ, կեղծ հօրս ներկայութիւնը արգելք կ'ըլլայ  
այդ բանին:

«Ինչպէ՞ս, արդեօք մէջտեղէն վերցնելու է այս  
տխմարը:

«Վաղը ձեզի կ'սպասեմ որոշուած ատեղը, միատեղ  
խորհրդակցելու համար այս խնդիրներուն շուրջը:

«Կապոյտ աչուի ձեր փոքր եղնիկը»:

Սըր Ուիլիերմա կարգալէ յետոյ այս նամակը մօտե-  
ցուց զայն մոմի բացերուն և վառեց:

Յետոյ խօսք տուաւ Բօքանպոլ.

— Թոյլ կուտամք, հօրեղբայր, հարցում մը ուղղե-  
լու ձեզ:

Սըր Ուիլիերմա գլխու շարժումներով հաւանութիւն  
յայտնեց:

— Թիւրգուազ միեւնոյն ժամանակ պիտի սիրօ՞ւի  
թէ Ռօլանի և թէ Ֆէրնանի կողմէն:

— Տարակոյս չկայ:

— Բայց ի՞նչ նպատակ ունի այս երկու նմանօրի-  
նակ դերերը: Աւելի յարմար չէ՞ զատ զատ երկու կի-  
ներ տրամադրել այդ բանին: Ըստ իս աւելի նախընտ-  
րելի է այս միջոցը:

Սըր Ուիլիերմա ուսերը թօթուելով ըսաւ.

— Անպատճառ, ինչպէս կը կարծեմ տկար ուղեղ  
մը ունիս դուն:

Բօքանպոլ ազդուեցաւ այս արհամարհական խօս-  
քերէն, իսկ Սըր Ուիլիերմա շարունակեց.

— Տարօրինակ բան, չե՞ս գուշակեր որ օր մը, այդ  
երկու անձերը պիտի հասնին իրենց սիրոյ ծայրագոյն  
կէտերուն:

— Ի՞նչ օգուտ այդ բանէն:

— Ի՞նչ օգուտ, գործը այնպէս մը պիտի կարգադ-  
րենք որ, անոնք երկուքնին ալ, մսագործի գինով ա-

չակերտներուն նման իրարու կոկորդ պատռելու պիտի ելլեն:

Բօքանպոլ այս խօսքերուն վրայ զարմանալով:

— Հօրեղբայր, դուք սատանայէ մը տեւի խորամանկ էք: Այնպէս կը կտրծեմ որ սատանան իր մորթը ձեզի փոխ տուած է:

Սըր Ուիլերմս ըսաւ:

— Ենորհակալ եմ բացատրութիւններէդ:

Յետոյ, Սըր Ուիլերմս մէկ կողմ հրելով սեղանը սիկառ մը վառեց ու երկնցաւ թիկնաթողին վրայ Պահ մը խոր մտածումներու մէջ ընկղմելէ վերջ գլուխը վեր վերցուց և յանկարծ հարցուց Բօքանպոլին:

— Ըո՛նէ՛ ինձի, որն է ամենէն զիւրին միջոցը, կընսջ մը սիրտը գրաւելու համար:

Բօքանպոլ ըսաւ:

— Կտրծեմ թէ այս մասին շատ միջոցներ կան:

— Մէկը, հարկաւ ձեռնտու է այդ նպատակին հասնելու: Գուցէ Մարքիզուհին գաղտնաբար կը սիրէ Շէրիւպէնը:

— Կարելի է:

— Սակայն Մարքիզուհին ուշիմ մէկն է:

— Ի՞նչ կ'ըսէք:

— Այո՛, ուշիմ կ'ըն մը, այո կամ այն սիրտը չարչարելով, մինչև որ սրտին գաղտնիքներուն չձանօթանայ, այդ սիրտը անդիմադրելի բերդի մը հանգամանքը կ'ստանայ:

— Հօրեղբայր, այս կէտին մէջ իրաւունք ունիք:

— Հիմա, Մարքիզուհին պէտք է օր մը յայտարարէ թէ կը սիրէ Շէրիւպէնը:

— Կարելի՞ բան է այդ:

— Այս աշխարհիս մէջ ամէն բան կարելի է:

— Հօրեղբայր, մտիկ կ'ընեմ քեզի:

— Վաղը չէ միւս օր օրէրային օրն է:

— Այո՛, Հիւկնոյի խաղը պիտի ներկայացուի:

— Մարքիզուհին կանոնաւորաբար օրէրա կ'երթայ:

— Ես ալ գիտեմ որ ամէն ատեն ան օրերա կ'երթայ:

— Եստ լաւ, հիմա ինձի մտիկ ըրէ: Շէրիւպէնը կը գտնես և կ'ըսես անոր թէ՛ երբեմն, թե՛ին վրայ ստացած սուրի աննշան մէկ վէրքն իսկ, կ'ինքու վրայ մեծ ազդեցութիւն կը ներգործէ: Հիմա դուք սուրի այգ հարուածը պէտք է ստանաք իմ ձեռքէս ձեր ձերմակ թե՛ին վրայ: Գուցէ Մարքիզուհին, մինչև մենամարտի նախօրեակը, ոչսի ձեր մասին տեղեկութիւններ քաղելու:

— Արդարև, հօրեղբայր, աս ալ գեղեցիկ միտք մըն է:

— Սպասէ որ ըսեմ: Շէրիւպէնը ուրեմն կը զրկես օրերս, իսկ Մարքիզին քովի օթեակն ալ դուն կը վարձես:

— Եստ լաւ:

— Գործը այնպէս մը կը կազմակերպես որ, այն պարագային երբ վարագոյրը կ'իջնայ, Շէրիւպէնի հետ բանավէճի մը կը բռնուիս, և երկուքնիդ ալ այն աստիճան բարձր ձայնով կը խօսիք որ, Մարքիզուհին ձեր բանավէճին բոլոր բառերը, մենամարտի ժամը, որոշուած գէնքերը, և Շէրիւպէնի բնական թաղը, անոր տան թիւը աղէկ մը իմանայ:

— Եստ լաւ, կը հասկնամ:

— Միայն, վաղը առաւօտ Շէրիւպէն կրթալով Բէրլինիէր փողոց 40 թիւ տունը, պէտք է վարձէ պարապ սենեակ մը:

— Տիկին Մալասիլ՞ տան մէջ:

— Այո՛:

— Այդ յարկաբաժինին պատուհանները պարտէզին վրայ կը նային: Տիկին Մարասիի սենեակի պատուհաններէն ամէն ինչ կը տեսնուի:

— Շատ լա՛ւ, շատ լա՛ւ:

— Մարքիզուհին երբեմն այցելութեան կ'երթայ իր բարեկամուհիին, Այժմ կը վստահեցնեմ թէ՛ մենամտորտը տեղի ունեցած ժամանակ, Մարքիզուհին պիտի գըտնուի տիկին Մարասիի մօտ, կէս օրէն առաջ: Վանթիւր տեղի ունեցող դէպքերը պէտք է տեղեկացնէ մեզի: Ի՞նչպէս կը գտնես գաղտնիարտ:

— Անթերի կը գտնեմ և կատարեալ կերպով ալ պէտք է գործադրել, սակայն...

— Զարմանալի բան, սակայնը որն է:

— Եթէ Շէրիւպէնը չհաւանի թուրի հարուածին...

— Խենդ ես գունդերկոմս, մեզի պատկանող անձ մը, ամէն կերպով պէտք է մեզի նենթարկուի: Եթէ հարկ ըլլայ կտրել Շէրիւպէնի քիթն ու սկանջը, թէև այդ բանը անոր գեղեցկութեանը պիտի վնասէ, սակայն վստահ եմ որ ան չպիտի զլանայ ցոյց տալու նոյն իսկ այս աստիճան անձնուիրութիւն մը:

— Ատոր ըսելիք չունիմ:

Պառոնը այս խօսքերէն վերջ ոտքի ելաւ, կոճկեց իր վերարկուն, ձեռնոցները անցուց և ձեռքը Ռօքանպուլի երկարելով ըսաւ.

— Առ այժմ մնաս բարով, վաղը իրիկուն կրկին կը տեսնուինք:

— Կեղծ Շուէթացին ըսաւ.

— Կ'ուզէք կառքս տրամադրեմ ձեզի:

— Մինչև Պլանչ փողոցի վարի ծայրը կ'ուզեմ որ կառքով երթամ:

Այդ Ուիլերմա նստելով Ռօքանպուլի անձնակաւ կառքը, նշանակուած փողոցը հասաւ, ուր վար իջնելով

կառքէն, հետիտան ուղղուեցաւ դէպի Մօնսէյ փողոցի կողմերը:

Այդ Ուիլերմա հնարագէտ և խոհական միտք մը ըլլալուն, Թիւրքուազն ու Պաքարան բնակեցնել արւած էր փոքր բնակարանի մը մէջ, գաղտնի տէրը ինք մնալով այդ շէնքին: Ան կրնար ուզած ժամանակ իր մօտ գտնուած բանալիներովը բանալ տան դուռը, ու մանել հոն քննութիւններ և հետազոտութիւններ կատարելու համար, իր ծրագրած գործերուն մասին:

Այսպէս ան առանց գանգակը հնչեցնելու առանց աղմուկի և ոտքի ձայն հանելու մտաւ ներս ու ելաւ առաջին յարկը. պարտէզին կողմէն լոյս մը նշմարած ըլլալով, ննջասենեակին դրան մօտեցաւ ու ձայն արւաւ:

Թիւրքուազ դիշերազգեստը հագած ու անկողին մտած էր թէև, սակայն, մտէ՛ք, ըսաւ և երբ տեսաւ Այդ Ուիլերմայի ներս մտնելը.

— Դ՞ուք էք, ըսաւ անոր, կը գոչակէի որ պիտի գաք այս իրիկուն:

— Առաւօտ ըսէք աւելի լաւ կ'ըլլայ, որովհետև ժամը երեքն է հիմա:

— Այդպէս թող ըլլաւ, սակայն թոյլ կուտա՞ք որ պառկիմ:

— Այդ մասին չեմ խանդարեր ձեզի:

Թիւրքուազ անկողինին մէջ պառկելով, գլուխը քաղաքավարօրէն դրաւ բարձին վրայ և յետոյ դառնալով Այդ Ուիլերմայի.

— Պարոն, ես ձեր ծառան եմ, հետեաբար պատրաստ եմ հնազանգիլ ձեզի:

— Ի՞նչի մասիկ ըրէ, վաղը առաւօտ կ'երթաս Շարոն փողոց և կեղծ հայրդ կառքի մը մէջ զննելով կը փո-

խաղրեա Տիւպուռն հիւանդանոցը Ալ' անկէ յետոյ սղատ  
կ'ըլլաս:

— Շատ լաւ, Ֆէրնանի մասին ինչ ընթացք բըռ-  
նեմ:

— Դեռ անոր ժամանակ կայ, 12 միլիոնի հարըս-  
տութիւնը ձեռք բերելու համար պէտք է համբերու-  
թիւն ունենալ:

— Կը վստահեցնեմ ձեզի համբերութեանս մասին,  
սակայն եթէ Ֆէրնան անգամ մըն ալ հոս գայ, իր ու-  
նեցած վերջին սանթիմը, վստահ եմ որ հոս պիտի ձգէ:

— Նոյն իսկ իր կնոջ պատիւն ալ հոս պիտի ձգէ  
անիկա:



ԺԱ.

### ՄԵՆԱՄԱՐՏԸ ՈՐՊԷՍ ԾՈՒՂԱԿԻ ՄԻՋՈՑ

Արը Ուիլերմսի և Բօքանպոլի միջև տեղի ունեցող  
խորհրդակցութիւններէն երկու օր վերջ, ժամը եօթնին  
առնաները, տիկին Մարքիզ Վան-Հօբ, երբ զբաղած  
էր նախասենակին մէջ իր արդուզարդովը, ամուսինը  
ներկայ ըլլալով հոն, նստած էր թիկնաթոռի մը վրայ:

Պ. Վան-Հօբ մեզրալուսնի ամիսներուն չափ և ալ  
աւելի կը սիրէր կինը, հիանալով այն գեղեցկութեանը  
վրայ, զոր ան այնքան թարմ և անաղարտ կերպով կը  
պահէր: Սակայն Մարքիզը տառապած և գունաթափ  
եղած ըլլալով նամանաւանդ քանի մը օրէ ի վեր են-  
թարկուած իր մտահանջութիւններէն նիւարցած, ա-  
ռանց պատճառը իրեն ալ ծանօթ ըլլալու, տեսակ մը  
տառապանդին զգացումներով կը տուայաէր:

Մարքիզ Վան-Հօբ քառասուն տարեկան էր: Ան  
պտնելով հանդերձ իր առնական գեղեցկութիւնը, հիւ-  
սիսային ընակիչներուն նման պաղ արատյայտութիւն  
մը ունէր: Ինք երկայնահասակ և զէր, ամենափոքր  
դէպքէ մը ազդուելով, դէմքը յանկարծական փոփոխու-  
թիւններու կ'ենթարկուէր: Բնութեամբ լուռ, բարեսիրտ  
և հեզ ըլլալով հանդերձ նախանձու էր, այնպէս որ

կարելի էր անոր արտաքինէն հասկնալ իր մէջ արթն-  
ցած կրքին աստիճանը:

Սըր Ուիլիեմս կարող կ'զգար ինքզինքը ոչնչացը-  
նելու այդ մտորդը: Վան-Հօբ կրթուած ու քաղաքավար  
մէկն էր, ու շատ լաւ կրնար զսպել իր կիրքերը և  
զայրոյթները և իշխել անոնց վրայ: Ան կրնոր բացար-  
ձակապէս աղատ ձգել իր կինը, իր քայլերուն մէջ:

Մարքիզ Վան-Հօբ, այդ իրիկուն պիտի մասնակցէր  
թղթախաղի: Ան չէր ուզեր որ բացակայի ու ետ մնայ  
այդ թղթախաղէն, և անպատեհութիւն մը չտեսնելով  
կնոջ օքերս երթալուն մէջ, անոր դառնալով ըսաւ.

— Սիրելիս, ես ժամը տասնըմէկին, այսինքն վեր-  
ջին արարուածը լրանալուն կուգամ օքերս քեզ առնե-  
լու:

Այդ պահուն լուր տրուեցաւ իրեն թէ հազարապեա  
Քարտէնը եկած է այցելութեան: Մարքիզը երբ դուրս  
կ'ելլէր զայն առաջնորդելու սալօն, կինը ըսաւ.

— Ո՛չ, ո՛չ սիրելիս, արգէն հազուած էք և հա-  
զարապետը մեր ամենօրեայ բարեկամներէն ըլլալուն,  
անպատեհութիւն մը չիկայ զայն հոս ընդունելուն մէջ:

Հետեաբար հազարապետը ընդունուելով թուալէթի  
սենեակին մէջ, ըսաւ Մարքիզը.

— Լաւ ատեն եկար, սիրելի բարեկամս, միտքիս  
մէջ խորհուրդ մը յղացայ, հիմա պիտի յայտնեմ զայն  
քեզի:

Հազարապետը՝ Մարքիզուհիին ձեռքը համբուրելէ  
վերջ երբ հիացումով կը դիտէր զայն, Մարքիզը հար-  
ցուց.

— Սիրելի հազարապետ, դուք կը սիրէ՞ք օքերան:

— Շատ կը սիրեմ:

— Այդ պարագային, տիկինը ուրախութեամբ  
պիտի ընդունի ձեզ իր օթեակին մէջ:

Այս միջոցին Մարքիզը դիտեց իր կինը՝ որուն  
չրթներուն վրայ ժպիտ մը գոյացած էր:

— Հազարապետ, ամառինս չսփողանց անգութ  
է, ան թղթախաղը իր կնոջմէն կը նսխընտրէ: Եւ կա-  
տարելու համար իր նախասիրութիւնները, իր կինը կը  
յանձնէ այս կամ այն բարեկամին պաշտպանութեանը:

Յետոյ տիկին Վան-Հօբ, անուշ նայուածք մը ուղ-  
ղելով ամուսինին, իր յանդիմանութիւնը սրբազրեց ը-  
սելով.

— Գացէ՛ք բարեկամս, խաղացէ՛ք, սակայն մի  
մոռնաք որ չորրորդ արարուածին ձեզի կ'սպասեմ:

Տասը վայրկեան վերջ, հազարապետը նստելով  
Մարքիզին կողքը, անոր կնոջ հետ մեկնեցան օքերս:


Ուրբաթ ըլլալուն պատճառով, այդ օրը չսփողանց  
բազմութիւն կար թատրոնին մէջ:

Մարքիզուհին զինքը տեսնողները հիացնելու աս-  
տիճան գեղեցիկ էր այդ իրիկուն: Երբ մտաւ իր օթեա-  
կը, ամէնուն ուշադրութիւնը անոր վրայ կեդրոնա-  
ցաւ:

Բօքոսնպոլ կէտ առ կէտ կը գործադրէր Սըր Ուիլ-  
եմսի տուած հրահանգները:

Մարքիզուհին հազիւ նստած էր, երբ քովի օթեա-  
կը բացուելով ներս մտաւ Շէրիլպէնը կամ բուն ա-  
նունով Օսկար տը Վէրնին: Օսկար՝ արմուկը կրթնցը-  
նելով օթեակին առջև, այն աստիճան ծռեցաւ որ, Մար-  
քիզուհին որ զբաղած էր հեռադիտակով դիտելու, Շէ-  
րիլպէնին հանդիպեցան իր աչքերը: Եթէ՝ Տիկին Վան-  
Հօբ, գուշակած ըլլար թէ վտանգի մը պիտի հանդի-  
պէր, թերեւս այնքան չի սոսկար, որքան ան այլայլմէ  
եղաւ Շէրիլպէնը նշմարած պահուն:

Սակայն, կրցաւ անտարբերութեան քողին տակ



ծածկել իր զգացած երկիւղն ու յազումները, այնպէս որ իր դէմքը ցոյց չէր տար ոեւէ խռովքի արտայայտութիւնս:

Իսկ հազարապետ Գարտէն, իր նստած տեղէն չէր տեսներ Շէրիւպէնը: Ան լուր և հանդարտ կը դիտէր հետզհետէ թատրոն եկող հանդիսականները:

Երբ վարագոյրը պիտի բացուէր, Մարքիզուհիին օթեակին դիմացը դանուող օթեակը բացուելով, ներս մտաւ Պ. դերկոմս աը Գամպօլն, աչքին կապոյտ ակնոց դրած և շրթունքներովը ծիծաղելով:

Այդ միջոցին հազարապետը ծռելով Մարքիզուհիին կողմը ըսաւ անոր.

— Պ. դերկոմս աը Գամպօլն է:

— Այո՛, պատասխանեց ան: Կարծեմ թէ զայն ձեր տունը տեսած պիտի ըլլամ:

— Այո՛, արձանագործութեան արուեստը ինծի սովորեցնող արձանագործ մը զայն ներկայացուց ինծի:

Մարքիզուհին, ծածկելով իր զգացած յազումները և պատանդիքին մասին բոլորովին անգիտակ, սկսաւ ընկերոջը հետ խօսակցիլ, իր զգացած դառն զգացումները մոռնալու համար:

— Պ. աը Գամպօլն կիրթ ու փափկանկատ ազնււական մըն է, ըսաւ հազարապետը:

— Շուէտացի է կ'ըսեն անոր համար:

— Թէև ծագումով Շուէտացի է, բայց ինք Յրանսաս կը բնակի մանկութենէն ի վեր: Շատ ժամանակ աշխատած եմ անոր հօրը հետ: Ընտանիքը մեծ դիրք մը գրուած է Շուէտի պալատական շրջանակներուն մէջ:

— Հարձուտ է:

— Ո՛չ, ամենէն շատ 30—40 հազար Ֆրանքի և կամուտ մը ունի Սակայն, հաւանական է որ օր մը արժանանայ փայլուն ու բախտաւոր ամուսնութեան մը,

որովհետև ինք գեղեցիկ, զեռատի և խելացի երիտասարդ մըն է: Սա ալ աւելցնեմ որ հակառակ իր ունեցած այս առաւելութիւններուն, ունի նաև պակասութիւններ ալ:

Մարքիզուհիին ուշադրութիւնը թէև ուրիշ բաներու վրայ էր, բայց ինք այնպէս կը կեղծէր թէ մտիկ կ'ընէ հազարապետը:

— Ճիշդ կ'ըսէք:

— Եթէ չեմ սխալիր, ան մինչև հիմա երեսունէն քառասուն անգամ մենամարտած է: Լաւ նշանառու մըն է և մենամարտի ժամանակ իր պաղարիւնութիւնը պահելու յատկութիւնը ունեցած ըլլալուն, յաջողած է շատ անգամ վիրուտրել և պարտութեան մատնել իր հակառակորդները:

— Ի՛նչ սոսկալի բան...

Մարքիզուհին բեմին դարձած այնպէն ցոյց կուտար ինքզինքը թէ կը դիտէ ներկայացումները, սակայն, իրականութեան մէջ, Շէրիւպէնը անսնելէն ի վեր կը ջանար իր սիրտը մանող լուռ տանջանքներուն ու մտատանջութիւններուն իմաստը հասկնալ:

Միւս կողմէն Մարքիզուհին կարծելով որ դերկոմս Գամպօլն, հեռադիտակով զինքը կը դիտէ, այն ժամանակ ցնցուեցաւ հազարապետին խօսքերէն:

Առաջին արարուածը վերջացած ըլլալով, դերկոմսը դուրս ելաւ օթեակէն, երբ արդէն իջած էր վարագոյրը:

Տիկին Վան-Հօր, վաանդէ մը ազատողի նման շունչ մը քաշելով, երբ կը վերագտնէր իր անդորրութիւնը, իր քովի օթեակին մէջ տեղի ունեցող խօսակցութենէն հետեւեալները դպան ականջին, որոնք կը փոխանակուէին երկու անձերու միջև:

— Դ՞ուք էք, Պ. Օսկար աը Վէրնին:

— Այո՛, ես եմ, պարո՛ն:

— Պարո՛ն, կը փափաքի՞ք վայրկեան մը ինծի հետ տեսակցութիւն մը ունենալ:

— Ամենայն սիրով, պարոն:

— Ես դերկոմս Գամպոլէն եմ:

— Գիտեմ պարոն, ութ օր առաջ հանդիպեցայ ձեզի, Մարքիզ Վան-Հօբի կազմակերպած երեկոյթին մէջ:

Մարքիզուհին գողաց և երբ սկսաւ աւելի ուշադրութեամբ ականջ դնել անոնց հետեւեալ խօսակցութիւնները լսեց.

— Պարոն, ութ օր ժամանակ կորսնցուցի հասկընալու համար ձեր անունը և ձեր բնակավայրը: Քիչ մը առաջ միայն կրցայ հասկնալ ծանօթէ՛ մը ձեր անունը:

— Կրնամ երկրորդ կէտին մասին գոհացնել ձեզ: Ես կը բնակիմ Բէքինիէր փողոց 40 թիւ տան ստորնայարկին մէջ:

Այս խօսքերուն վրայ տիկին Վան-Հօբ սարօռւմ մը զգաց իր վրան:

Իսկ Պ. տը Վէրնի շարունակեց.

— Սակայն, պարոն, կը զարմանամ ձեր այն հետաքրքրութեանը մասին որ կ'ունենաք հասկնալու համար անունս և բնակավայրս: Կը կարծեմ որ դուք ալ իրաւունք պիտի տաք ինծի, այս խնդրին մասին:

— Որովհետեւ ձեզ հանդիպել ուզելուս պատճառները կան: Ձէի գիտեր ձեր անունը, երբ Մարքիզին տունը միատեղ կը գտնուէինք, և սակայն կ'ուզէի անպատճառ հասկնալ ձեր ինքնութիւնը:

Պ. տը Վէրնի ըսաւ.

— Տարօրինակ բան, արդեօք զաղտնի պաշտօն մը ունիք:

— Ո՛չ, ես միայն իմ գործերովս կ'զբաղիմ և եթէ թոյլ կուտաք կրնամ ձեզի բացատրել զանոնք:

— Շատ լաւ, պարոն, ձեր տրամադրութեան տակ եմ:

Աթոռներուն ձայներէն Մարքիզուհին հասկցաւ որ նստաւ Պ. տը Գամպոլէ՛ որուն խօսակցութիւններէն բառ մը իսկ չվրիպեցնելու համար, ուշադիր ականջ դրաւ անոնց:

Իերկոմսը ցած ձայնով մը այսպէս շարունակեց խօսիլ.

— Պ. Վան-Հօբի տան մէջ լանսգինէ խաղացին:

— Կը յիշեմ:

— Խաղը բաւական նպաստաւոր էր, կարգ մը բախտաւոր խաղացողներ ալ կային հոն:

Օսկար բացատրողական ձեւով մը ըսաւ.

— Այո՛, շատ մը բախտաւորներ ալ կային:

— Օրինակի համար՝ կարեւոր ըսելու աստիճան գումար մըն ալ ես շահեցայ:

— Այո՛, այո՛, շատ լաւ կը յիշեմ:

— Սակայն, խաղի ընթացքին մէկու մը կողմէ նախատուելով, մենամարտելու համար ձգեցի երեկոյթը և հեռացայ: Միայն նախատեսելով ամէն ինչ, պայմաններս յայտարարած էի դեռ չի մեկնած: Հակառակորդս համաձայնելով մենամարտիլ իմ պուրերովս, զանոնք բերելու համար տուն գացի, և շնորհիւ կառքիս լծած ձիերուն սրնթացութեանը, Մօնսօի դաշտին մէջ մենամարտելով յաղթեցի հակառակորդիս: Կարծելով որ նորէն պիտի կրնամ վերադառնալ ներկայ գտնուելու համար երեկոյթի խաղերուն:

— Ուրեմն տակաւին կը խորհէիք խաղալու վրայ:

— Ո՛չ, մտադիր էի երթալ հոն և գտնել այն անձը:

որ իր բերնէն փախցուցած էր անպատշաճ խօսքեր, ծաղրելով և արհամարիելով զիս:

Մինչգեռ Մարքիզուհին կը լսէր այս խօսքերը, հեազհետէ կ'աւելնար իր անհամբերութիւնն ու մտա-տանջութիւնը:

— Այո՛, երբ խաղասեղանէն մեկնելու վրայ էի, սա խօսքերը լսեցի. «այս ձեռով լանսզընէ խաղացող երբեք տեսնուած չէ:»

— Ի՞նչ, միթէ լսեցի՞ք այս խօսքերը:

— Այո՛:

— Գիտէ՞ք թէ ո՛վ ըսաւ այդ խօսքերը:

— Այո՛, պարոն, դուք ըսիք:

— Թերևս...

— Ինչ որ է Պարոն, մենամարտէն վերջ վերադար-ձայ ու ձեզի փնտռեցի, սակայն, ձեր մեկնումին պատ-ճառով չկրցայ գտնել ձեզ:

— Սովորութեանս համեմատ շատ կ'սնուիս մեկնե-ցայ:

— Ուրախ եմ որ, այս երեկոյ կրձայ ձեզ հոս գըտ-նել, կը յուսամ որ հարկ տեսնուած բացատրութիւնները կուտաք ձեր ըրած խօսքերուն մասին:

— Պարոն, այնպիսի նկարագիր մը ունիմ որ երբեք ետ չեմ առներ ըրած խօսքս:

— Ի՞նչ...

— Ես երբեք չեմ զղջար այն ընթացքիս և խօս-քերուս մասին որոնց ժամանակը անցած է:

— Այսպէս սւրեմն խօսքերնիդ ետ չէք առներ:

— Բառ մը, գիր մը իսկ չեմ փոխեր:

— Այս պարագային, պարոն, ձենէ կը խնդրեմ վերջին ծանօթութիւն մը, ո՛ւր կրնաք ընդունիլ վկա-ներս:

— Կը կրկնեմ նորէն, ես Բէրինիէր փողոցը թիւ 40 տան ստորնայտրկը կը բնակիմ:

— Հիմա ժամանակը ուշ է, վաղը կը վերջացնենք այս գործը:

— Հիմակ ալ անոր դիւրութիւնը կայ:

— Ի՞նչպէս:

— Հաղարապետ Գարտէնը բարեկամս է, զայն քիչ մը առաջ տեսայ նրբանցքներուն մէջ:

— Այո՛, Տիկին Վան-Հօրի օթեակն է:

— Ա՛հ, ի՞նչ կ'ըսէք:

Մարքիզուհին երբ լսեց Շէրիւպէնի «ա՛հ» բացազան-չութիւնը, մտատանջութեան մասնուեցաւ յանկարծ, և յետոյ ուշադիր ու դողդալով, հետաքրքրութիւնէ մըղ-ուած ականջ դրաւ անոնց խօսակցութիւններուն:

— Կէս գիշերին, Բիշլիէօ փողոցը, Գարտինալ սըը-ճարանին մէջ, հաղարապետին ներկայ ըլլալուն մասին կ'երաշխաւորեմ: Իուք ձեր վկաներով հոն պիտի գըտ-նուիք:

— Եւ վաղը կրնանք Պուլժները անտառին մէջ մե-նամարտիլ:

— Միայն թէ ինձ պարտականութիւն կը համարեմ յայտնել ձեզի լուր մը:

— Ձեր տրամադրութեան տակ եմ պարոն:

— Ես երբեք խեղկատակութիւն կամ կատակ նը-կատած չեմ մենամարտը: Հոգիով կը մենամարտիմ ու այնպէս կը կարծեմ թէ՛ չպիտի կրնանք երկուքնիս մի-ատեղ մեկնիլ Պուլժների անտառէն:

— Ես ալ այդպէս կը կարծեմ պարոն:

Մարքիզուհին սիրտը խռովքի մը մասնուեցաւ. Աւբողջ արիւնը կարծես սիրտը խուժեց: Աթոռներուն

տեղափոխութիւններէն ան հասկցաւ թէ զերկումը մեկ-  
նելու կը պատրաստուէր:

Իսկ հազարապետը օգտուելով դեռ վարագոյրի  
փակումէն, բան մը չլսել ձեանալով շուրջը կը զիտէր  
հեռագիտակով, բալորովին անտարբեր երևոյթով:

Անկարելի է բացատրել այն վիճակը, որուն են-  
թարկուած էր երիտասարդ կինը, այս կարճ ժամանա-  
կամիջոցին մէջ:

Ան, մտահոգութեան ենթարկուած ըլլալով, հետե-  
ւալ օրը մենամարտող անձերէն միոյն նկատմամբ ու-  
նեցած համակրութեանը մասին չէր կրնար իմաստ մը  
տալ: Որովհետեւ, Մարքիզուհին այն կիներէն էր՝ որոնք  
կը ցանկան վոյելել աշխարհը, ուժեղ անհատականու-  
թիւններու հովանիին տակ, ինչպէս փոքրիկ թուփերը  
զերծ կը մնան փոթորիկներու ցնցումներէն, երբ անոնք  
անկուած են ծառերու առընթեր, անոնց շուքին տակ:

Մարքիզուհիին վիշտ պատճառող կէտը այն էր որ,  
մենամարտի մասնակցող Պ. աը Վէրնի, որուն հանդէպ  
դաղտնի համակրութիւններ կը տածէր, հաւանական  
կը նկատէր որ պարտուի, ու այս մտածումներէն յուզ-  
ուած, կը տառապէր ինք իր մէջ խեղդելով իր ցաւերը,  
առանց զանոնք բացայայտօրէն արտայայտելու:

Ուստի խորհեցաւ ամէն բանէ առաջ արգելք հան-  
դիսանալ այս մենամարտին տարուած այն զգացումնե-  
րէն, որ յատուկ է կիներուն, երբ անոնք հաստատ են  
իրենց սիրոյն և համակրութեանը մէջ:

Սակայն ընչպէ՞ս և ի՞նչ ձևով արգելել: Կարելի՞ էր  
միջամտել այդ երկու անձերու վէճերուն, երբ անձնա-  
պէս ծանօթ չէր անոնց:

Այս կէտը ալ աւելի մտահոգեց զինքը:

Աւելի յարմար կը նկատէր. ցարդ խօսք մը չըրած  
իր զգացած սիրոյն մասին յայտնութիւններ ընել Պ. Շէ-  
րիւպէնի, և յետոյ սկսիլ միջամտութեան:

Արդեօք հազարապետը՝ որ իր ամբողջ կեանքը  
կիներու մէջ անցուցած ըլլալով, շատ լաւ գիտէր ա-  
նոնց ներքին զրգումներն ու միտումները, չպիտի հաս-  
կընար իր սէրը, որ կը տառապեցնէր զինքը:

Գերկոմս Գամպօլէ, դուրս ելնելով Շէրիւպէնի օթ-  
եակէն, մտաւ իր օթեակը. տասը վայրկեան տեւած էր  
իրենց խօսակցութիւնը:

Կնոջ յուզումը գագաթնակէտին հասաւ: Երբ վեր-  
ջին պահուն լսեց այն խօսակցութիւնները՝ որոնք տե-  
ղի ունեցան զերկոմսին և Շէրիւպէնի միջև:

Բարեկամս, ձենէ ծառայութիւն մը պիտի խընդ-  
րեմ: Ես կին մը կը սիրեմ, իսկ այդ կինը, ծանօթ չէ  
այն զգացումներու, որոնք կը տածեմ անոր նկատմամբ,  
այնպէս որ ան իմ մահէս վերջ պիտի կրնայ հասկնալ  
դայն: Կեանքը ինծի համար ոչինչ կ'արժէ. ու երբ  
մահը իր սե թեւերը տարածէ, յօժարութեամբ պիտի  
նետուիմ անոր ցուրտ գիրկը:

— Զեր այս միտքը ըստ իս յիմարութիւն է:

— Ըլլայ կամ չըլլայ, ինծի համար այդ բոնը ի-  
րականութիւն է: Ես շատ լաւ գիտնալով հանդերձ ա-  
ռաջարկուած մենամարտին ինծի համար միտարբեր ու  
վտանգաւոր ըլլալը, ուրախութեամբ է որ կը մասնակ-  
ցիմ անոր:

— Օսկար, յիմար մըն էք դուք:

— Ո՛չ, յիմար չեմ, զգուած եմ կեանքէն ապրելէն  
ալ, որովհետեւ անյոյս կերպով կը սիրեմ մէկը, և քա-  
նի ապրիմ, ոչ ոք պիտի գիտնայ սէրս ու տառապանք-  
ներս:

— Հոպոս եթէ մեռնի՞ք:

— Այն ժամանակ, բարեկամս, վստահ եմ որ ինձի հանդէպ բարի պիտի ըլլաք:

— Ի՞նչ կ'ուզէք որ ընեմ:

— Վաղը, նախ քան մենա արտիլս, նամակ մը պիտի յանձնեմ ձեզի:

Շէրիւպէն ընդհատեց իր խօսքը, իսկ Մարքիզուհին գրեթէ մարելու աստիճանին հասած էր:

— Է՛հ, ի՞նչ պիտի ըլլայ այդ նամակը:

— Երկու պահարանի մէջ պիտի ըլլայ այդ նամակը: Վրայի պահարանը առանց գրի պիտի ըլլայ, միայն ներքին պահարանին վրայ գրուած պիտի ըլլայ անոր հասցէն: Եթէ մենամարտի մէջ մեռնիմ դուք այս նամակը առնելով թղթատարին պիտի յանձնէք, սակայն պայմանաւ որ, այդ պարագային՝ կապէք ձեր աչքերը, պատռէք վրայի պահարանը, ու յանձնէք թղթատարին: Այս մասին կը փափաքիմ որ խոստուժ տաք ինձի:

— Կը խոստանամ:

— Այդ նամակը սիրականիս ուղղուած է: Միակ փափաքս այն է որ, ան ալ թող հասկնայ իմ մահէս յետոյ թէ՛ որքան կը սիրեմ զինքը:

Մարքիզուհին այս վերջին բառերը լսած ժամանակը, իր յուզման զագաթնակէտին հասաւ, ասոր հետ մէկտեղ յոյս մըն ալ ծագեցաւ իր մէջ, յոյս մը, որ կրնայ միայն յառաջ դալ, նմանօրինակ վիճակի ենթարկուած կիներուն մէջ:

Մարքիզուհին, մինչդեռ ընկղմած էր այս խորհուրդներուն մէջ, օթեակին դուռը զարուեցաւ: Յանկարծ ան դողալ սկսաւ, որովհետեւ կարծեց թէ եկողը Շէրիւպէնն է:



ժի.

### ՄԵՆԱՄԱՐՏ ԹԷ ՈՐՈԳԱՅԹ

Ի՞նչու զարնողը սակայն, ոչ թէ Շէրիւպէնն էր այս այն պոչտօնեայ կիներ՝ որ սպասելով օթեակներու դրան առջև, հանդիսականներուն յանձնարարութիւններն ու հրամանները կը կատարէր վճարումի փոխարէն: Այդ կիներ՝ տոմսակ մը կը բերէր հազարապետ Գարտէնի՝ զոր կ'ուղղարկէր իրեն Շէրիւպէն իր օթեակէն:

Մարքիզուհին երբ տեսաւ այդ կիներ՝ քիչ մը հանդարտեցաւ: Մակայն, այդ նամակը գրուած ըլլալով Շէրիւպէնի կողմէ, անհամբերութեան ենթարկուած էր, պարունակութիւնը հասկնալու հետաքրքրութենէ մղուած:

Տոմսակը բերող կիներ հազարապետին դառնալով ըսաւ.

— Դ՞ուք էք պարոն Գարտէնը:

— Այո՛, ես եմ:

Գարտէն նամակը առնելէ յետոյ, դարձաւ տիկին Վան-Հօբի և ըսաւ անոր.

— Տիկին, կ'արտօնէ՞ք նամակը բանալու: Մարքիզուհին բռնի ծիծաղով մը ըսաւ.

— Բացէ՛ք, պարոն:

Հազարապետը բացաւ նամակը և կատարեալ լու-

թեամբ կարդալէ վերջ, զայն ճմով կելով զբաւ գրպա-  
նը: Յետոյ դառնալով դռնապանուհին ըսաւ .

— Ըսէ՛ք այս նամակը գրող պարոնին թէ՛ նշա-  
նակուած տեղը պիտի գտնուիմ իր ժամանակին:

Օթեակներուն ծառայող կիներ զուրս ելաւ .

Տիկին Վան-Հօբ, անտարբեր ձև մը տալով իրեն  
բռնի ծիծաղներու մէջ կ'աշխատէր խեղդել իր զգացած  
մտահոգութիւնները:

Յետոյ, բացատրողական ձայնով մը և մատներովը  
զայն յանդիմանելով աւելցուց .

— Ձերբակալեցի ձեզի, հաղարապետ .

— Ի՞նչ բանի մէջ, տիկին .

— Դուք, հասարակութեան առջև և իմ օթեակիս  
մէջ սիրահարական թղթակցութիւններով կ'զբաղիք,  
այնպէս չէ՞:

— Ո՛չ, տիկին, սիրահարական թղթակցութիւն չէ  
այս .

— Օ՛հ, կը ճանչնամ ձեզ, ամուսինս գաղտնիք չի  
պահեր ինձմէ .

— Տիկին սխալ է ձեր կարծիքը, արդէն ինձի պէս  
մտղերը ձերմկած մէկը . . .

Յետոյ, փոխելով խօսելու իր ձեւը, ըսաւ .

— Տիկին, այս իրիկուն ընթրիքի հրաւիրուած եմ:

Մարքիզուհին՝ հասկնալով որ հաղարապետը բան  
մը չպիտի ըսէ հետեւեալ օրուան մենամարտի մասին,  
անբացատրելի ձայնով մը ըսաւ .

— Տարօրինակ բան . . .

Հաղարապետը շարունակելով իր խօսքերը .

— Մէզօն Տօրի մէջ պիտիսպասեն ինձի մինչև կէս  
գիշեր:

Տիկին Վան-Հօբ համոզում գոյացնելով թէ՛  
բան մը չպիտի իմանայ մենամարտի մասին, և նկատի

առնելով որ, իր ընտանեկան յարկին պատիւը պաշտ-  
պանել հարկադրուած ըլլալուն, չպիտի կրնայ միջամ-  
տել, արգելելու համար մենամարտը, պարզապէս հի-  
ւանդի մը նման, խռովայոյզ վիճակ մը ստացաւ:

Կնոջական բոլոր նազանքները թէև ի գործ դրաւ,  
ծանօթութիւն մը ստանալու համար մենամարտի մա-  
սին, սակայն հաղարապետը, հակառակ որ կռահած էր  
անոր ներքին յուզումները, անգիտակ ձեւանալով, խոր  
լռութիւն մը կը պահէր զայն շահագրգռող խնդրին  
չուրջ:

Միջոց մը ըսաւ տիկինը .

— Պ. ար Գրամպօլն դեռ չվերագարձաւ իր օթեա-  
կը, արդեօք ո՛ւր գացած կրնայ ըլլալ:

— Թերեւս ծխարանը գացած ըլլայ, պատասխանեց  
հաղարապետը անտարբերօրէն:

— Ծի՛շտ է որ այդ գեղեցիկ պարոնը կուռզան  
և խռովարար մէկն է:

— Կը ցուիմ որ այդպէս է, և այդ անունով ալ  
կ'որակուի ան:

Տիկին Վան-Հօբ, պահ մը խորհեցաւ յայտնել հա-  
ղարապետին թէ՛ ինք լսած է անոնց օթեակին մէջ տե-  
ղի ունեցած խօսակցութիւնը, և թէ չափազանց վր-  
դովուած է անոնց միջև փոխանակուած խօսակցու-  
թիւններէն:

Երբ ան վարանումներու մէջ կը խարխարէր, կնո-  
ջական արժանապատուութիւնը բարձր բռնելու պայ-  
քարը մղելով ինքն իր մէջ, Մարքիզը մտաւ անոնց  
օթեակը, այնպէս վերջ գնելով տիկին Վան-Հօբի մտա-  
հոգութիւններուն:

Սովորաբար տխուր և սակաւախօս Մարքիզ Վան-  
Հօբ, շատ ռւբսիս էր այդ միջոցին: Ան, այդ իրիկուն  
շահած և յաղթած էր ճատրակի խաղին մէջ, բաւական

գումար մը ստանալով, Երբ ներս մտաւ արտասովոր իր ժպիտովը, չկրցաւ իմաստ մը տալ իր կնոջ կնիթարկուած այն վիճակին, որ գունաթափ և խռովայոյզ երեւոյթ մը ունէր:

Մարքիզ Վան-Հօբ, մինչ ուշադրութեամբ կը հետեւէր չորրորդ արարուածի խողերուն, տիկին Մարքիզուհին, դեռ կ'երեւակայէր այն երկու սուրերու չրկահիւնները՝ որոնք մենամարտի ժամանակ պիտի բազխէին իրարու հակառակորդութեան յատուկ կատաղի զայրոյթով:

Միջոց մը տիկին Վան-Հօբ տկար ձայնով մը ըսաւ.

— Հազարապետ, մի մոռնաք ձեր խոստմնապահութիւնը:

Պ. Վան-Հօբ ժպտագին դառնալով հազարապետին,

— Օ՛, օ՛... ձերունի ըլլալով հանդերձ, երջանիկ կիսաշխարհիկ մըն ես դուն, ի՞նչ, ժամադրութի՞ն տուած ես:

— Այո, ամուրիի մը ընթրիքին հրաւիրուած եմ:

— Առանց կնոջ, ըսաւ Պ. Վան-Հօբ կամաց ձայնով մը:

— Այո՛, կ'երդնում պատիւիս վրայ որ առանց կնոջ պիտի երթամ:

— Այդ պարագային կրնա՞ք երթալ... յարեց տիկին Վան-Հօբ:

— Դեռ ժամանակ ունիմ տիկին, անոնք կէս գիշերէն առաջ չեն ճաշեր:

Տիկինը բռնի խնդալով ըսաւ.

— Կը յայտնեմ ձեզի որ, ազատ էք ձեր գազուլիէի պարտականութենէն քանի որ ամուսինս մօտս է:

Ան, այս խօսքերը ըրած ժամանակ, անուշ նայուածք մը ուզղեց այն մարդուն, որ տասն և հինգ տարիներէ ի վեր կը սիրէր և փոխադարձաբար կը սիրուէր անկէ:

Այս միջոցին ոտքի ելաւ հազարապետը և երբ կը պատրաստուէր մեկնելու, Մարքիզուհին դառնալով անոր ըսաւ.

— Բարեկամս, երկու խօսք եւս ունիմ ձեզի ըսելիք:

— Խնդրեմ, տիկին, ձեզ մտիկ կ'ընեմ:

— Շատ երիտասարդներ պիտի գտնուի՞ն ձեր ընթրիքին:

— Այո՛:

— Դերկոման ալ ներկայ պիտի գտնուի, ո՞ւր է այն գերկոմսը... ի՞նչպէս կը կոչէիք զայն, միշտ այդ անունը կը մոռնամ:

Տիկին Վան-Հօբի դերկոմսի անունը չի կրնար յիշելը, պարզ պատրուակ մըն էր, հազարապետին անգամ մըն ալ կրկնել տալու համար անոր անունը:

— Եթէ այո՛, կը խնդրեմ որ ինծի խոստում մը տաք, ըսաւ մարքիզուհին:

— Սիրայօժար կը խոստանամ, ինչ որ պարտադրէք ինձ:

— Կուուզան այդ գերկոմսը, եթէ մէկու մը հետ կուուի և կամ նոյնիսկ մենամարտի, միջամտելով, կըրնա՞ք զայն ետ կեցնել տալ իր որոշումէն:

Տիկին Վան-Հօբ, հակառակ որ այս խօսքերը տեսակ մը մտահոգութեամբ կ'արտասանէր, սակայն Մարքիզը բան մը չկրցաւ կուահել:

Հազարապետը ծիծաղելով ըսաւ.

— Հանդիստ եղէ՛ք, տիկին, ամուրիներուն այս ընթրիքը կատարեալ խողադութեամբ կը վերջանայ: Եւ ձգելով տիկին Վան-Հօբը սարսափի և յոյսերու մէջ մեկնեցաւ օթեակէն:

Պ. Վան-Հօբ, կինը մոռն տանելէ վերջ, երբ տեսաւ անոր դէմքին այլայլութիւնը և գունաթափութիւնը, հարցուց.

- Ի՞նչ ունիք սիրունիկս:
- Բան մը չունիմ, միայն թէ գլուխս կը ցաւի:
- Ուրեմն սենեակս առանձնանամ:

Պ. Վան-Հօբ իր սենեակը քաշուեցաւ և տիկին Վան-Հօբ յայտնելով որ իր զգեստները ինք պիտի հանէ, հեռացող սենեակէն ազախինն ու ծառան:

Ան, կը փափաքէր արդէն առանձնութիւն և մենութիւն:

Ութ օրուան մէջ, առաջին անգամ ըլլալով տիկին Վան-Հօբ ակտաւ քննել իր սրտին խորերը, և իր ձեռք բերած արդիւնքներն ու հետեւանքները աչքի ունենանալով սոսկալի նոպաներու ենթարկուեցաւ:

Ան, իր առանձնարանին մէջ երեւակայելով այն սուրերը, որոնք մենամարտի դաշտին վրայ, իրարու պիտի բաղխէին, և պահ մը մոռնալով իր ամուսինին հանդէպ ունեցած սէրն ու համակրանքը, երազներու աշխարհին մէջ, վիշտէ վիշտ կը թեւածէր:

Իր սենեակը պատշգամ մը ունէր, որ կը նայէր պարտէզին վեայ: Չսփազանց ճնշուած ու սրանեղած, օդ առնելու համար պարտէզ իջաւ, և առանց իր միտքը կեդրոնացնելու խնդրի մը չուրջ, անորոշ քայլերով սկսաւ դառնալ պարտէզին բոլորափքը:

Ան աչքի առջև կը բէրէր մենամարտը՝ ուր Շէրիւպէն, այլ անունով Պ. սը Վէրնի, պիտի վտանգուէր կռուի ժամանակ: Իր զգացումներն ու համակրանքը անոր մասին զօրաւոր ըլլալուն ու անոր անհետացումը չի կրնար հաշտեցնելով իր սրտին հետ, սոսկալի մըղձաւանդներու ենթարկուած, շուարածի մը պէս կը չափ-չըփէր պարտէզին լայնքն ու երկայնքը:

Ան գերի եղած այս խորհրդածութիւններուն, մոռցած էր իր շրջապատը:

Բայց ի՞նչ կրնար ընել, Կրնա՞ր գաղտնապէս մեկ-

նելով տունէն, ամէն ինչ խոստովա՞րի հաղարապետ Գարտէնի:

— Ո՛չ,

Կէս գիշերին, ինկած նկարագրի տէր կիներ կամ թափառաչրջիկներ միայն փողօց կը գտնուին: Կրնա՞ր այս ագեղ անուները իր վրան առնելով երթալ հոն, ըսելու համար, «կ'արգիլեմ որ մենամարտիք»:

Այս ալ կարելի չէր: Սենեակ վերադառնալով և աւելորդ համարելով այս մտածումները, անկողինին գըլխուն վերև կախուած խաչին առջև ծուկի եկած, բաւականացաւ աղօթելով:

Խորհուրդի և աղօթքի նուիրուած, չզգաց ան թէ՛ արդէն առաւօտ եղած էր:

Չմտն տխրաշունչ այդ առաւօտուն, բախտին մէկ տխուր դարձումքովը, կեանքի ճատրակը խաղալու համար երկու երիտասարդներ կառքի մը մէջ նստած, սրարշաւ կ'երթային հեն, աւր պիտի վճռուէր իրենց ճակատադիրը: Տիկին Վան-Հօբ կարծեց տեսնել կառքը որ կը սուրար դէպի Պուլօնբըի անտառը:

Այդ վայրկեանէն սկսեալ, հակառակ որ ան աղօթքի նուիրուած մի քիչ թեթեւցած կ'զգար ինքզինքը, կառքի այդ գնացքը անոր մէջ արթնացուց նոր յուզումներ ու խռովքներ, այնպէս որ ան իր զգացած վիշտէն հարկադրուեցաւ փակել աչքերը: Ան կ'երեւակայէր որ երկու հակառակորդներ ուրերնին մերկացուցած կը ճակատէին իրարու հետ. ան կարծես կը լսէր վիրաւորին հառաչները, ցաւալից հոնդիւնները, որոնք իր հոգին կ'ալեկոծէին: Ան, այն աստիճան տարուեցաւ այս գաղափարներէն որ, ուժաթափ գետին ինկաւ և առանց ուէ մէկը օգնութեան կանչելու ստիտակամա՞ծին վրայ փոռեցաւ:

Տիկին Վան-Հօբ սովորաբար ուշ կ'իջնէր անկողի-

նէն, և երբ արթննար, զանգակը կը հնչեցնէր և նոյն հետայն ծառաները կ'շտապէին անոր շուրջը:

Մինչև ժամը տասն և մէկը. զգայազիրկ գետինը փռուած մնաց սն, և երբ սթափեցաւ մեծ դասն զանգակի ձայնէն, վայրկեանապէս յիշեց բոլոր անցուդարձերը:

Ան, բանալով սենեակին պատուհանը նամակատան ցրուիչը տեսաւ վարը և յիշեց անմիջապէս ամէն բան: Այս վայրկեանները դարեր տեսցին իրեն համար. մինչև որ նամակը ստացաւ:

Տիկին Վան-Հօբ, ամփոփելով իր ոյժերը բացաւ նամակը, և երբ տեսաւ որ այդ նամակը դրուած է տիկին Մալասի կողմէն, քիչ մը հանդարտեցաւ և բռնալով զայն հետեւալ տողերը կարդաց.

«Սիրելի Մարքիզուհիս,

«Ութ օրէ ի վեր չեմ տեսած ձեզ, ձեզ, որ քրոջս պէս կը սիրեմ: Այս ութը օրուան ընթացքին, ենթարկուած ըլլալով կարգ մը նեղութիւններու և մտահոգութիւններու, անհրաժեշտ կը տեսնեմ սիրաս բանալ ձեր առջև: Որոշած ըլլալով այսօր երբէք տունէն դուրս չելլելու, անպատճառ ձեր գալուն կ'սպասեմ:

«Պատճառը յետոյ կ'ըսեմ»:

«ԱՅՐԻ ՄԱԼԱՍԻ»

Այս նամակը պատճառ պիտի ըլլար հասկնալունոյն օրը տեղի ունեցող մենամարտի արդիւնքը: Մարքիզուհին այս մտածումով թէ հանգստացաւ, թէ վախցաւ թէ՛ յոյսերով պաշարուած կէս այսահարի մը վիճակին մատնուեցաւ, և մտնալով իր գրութիւնը, փաթթուեցաւ խոշոր շալի մը մէջ ու հրահայեց որ լծեն կառքը:

Իսկ Մարքիզը Պուլօների անտառներուն մէջ զբօս-

նելու համար այդ առաւօտ ձի հեծնելով հոն գացած էր:

Տիկին Վան-Հօբ հրամայեց կառապանին որ, կառքը ուղղէ Բէքլինիէր փողոց, 40 թիւ տան տոջև:

Պահ մը վերջ տիկին Վան-Հօբ հասած էր տիկին Մալասի տունը՝ որու առջև կանգ առաւ կառքը:

Աւրիշ անգամներ, ան պարտէզէն անցնելով կը մտնէր տունէն ներս, բայց այս անգամ մարդիկն ու պատերը քննելու աստիճան հետազօտութիւն մը կատարելով ամէն կողմ զննեց:

Արդեօք ան եկած էր, անօր համար որ միաքը զբաղեցնող անձը ողջ առողջ էր, և կամ վիրաւորուած ու մեռած: Սակայն, ան ամէն կողմ պարապ ու լուռ տեսաւ:

Վերջապէս առաջնորդուեցաւ տիկին Մալասի սենեակը, հոն սպասող ծառայի մը առաջնորդութեամբ:

Տիկին Մալասի զիմուորելով զայն հարցուց.

— Ո՞ր, սիրելիս, դուք շատ բարի և համակրելի կին մըն էք: Սակայն, ի՞նչ է պատահած ձեզ... անհագիւսա էք... ի՞նչ ունիք ըսէք սիրելիս:

— Բան մըն ալ չունիմ, այս գիշեր չկրցայ հանգիստ քնանալ:

— Ես ալ այնպէս: Ա՛խ, եթէ գիտնայիք:

Տիկին Վան-Հօբ ցնցուեցաւ թէև, սակայն չկրցաւ համարձակիլ օարցում մը ընելու:

Տիկին Մալասի, երիտասարդ կնոջ քովը նստելէ վերջ շարունակեց.

— Քանի մը օրէ ի վեր այն տասիճան վշտերու ենթարկուած եմ որ չեմ կրնալ քնանալ: Երէկ գիշեր, ժամը հինգին քնանալու վրայ էի, երբ պարէզին մէջ լսեցի պոռուլու, հայոյելու և ոտքերու ձայներ:

Տիկին Վան-Հօբ դողաց, և երբ ապուշ ապուշ կը նայէր Տիկին Մալասիի, ան ըսաւ.

— Ա՛ն, չէք գիտեր ի՞նչ սոսկալի վիճակ էր :

— Տէ՛ր Աստուած, ի՞նչ պատահեցաւ, հարցուց տիկին Վան-Հօբ խեղդուկ ձայնով մը :

— Սոսկալի վտանգ մը, այս տան մէջ երիտասարդ մը կը բնակէր...

— Լրացուցէ՛ք խօսքերնիդ, ըսէ՛ք, յարեց տիկին Վան-Հօբ մահամերձի մը նման խօսելով :

— Ահա՛, այդ երիտասարդը այս առուտ, Պուլօ-նեբի անտառին մէջ մենամարտելով, մահամերձ վիճակի մը մէջ բերին տուն :

Տիկին Վան-Հօբ աղաղակ մը արձակելով գետին ինկաւ . այսպէսով ան դուրս տուաւ իր գաղտնիքը առանց գիտնալու :

Տիկին Մալասի անմիջապէս զանգակը հնչեցնելով, Վանթիւր ներս մտաւ և նայելէ վերջ խորհրդաւոր կերպով տիկին Մալասիի, ըսաւ .

— Հա՛, հա՛ ... ձերբակալեցինք տիկինը :

Արդեօք՝ տիկին Մալասի, Վալէ տը Գէօրի ակումբի անդամակցողներէ՛ն կամ Սըր Ուիլեմմի գործիքներէ՞ն էր :

Այս կէտը պիտի լուսաբանենք :

ԺԳ .

## ՏԻԿԻՆ ՄԱԼԱՍԻ ԵՒ ՎԱՆԹԻՒՐ

Ապականեալ բարքերը անհասկնալի գաղտնիքներ ունին : Անգամ մը այս ճամբան մանողները, ինչ որ ալ ընեն չեն կրնար հոնկից ելլել :

Հաստատամտութեամբ քալելով պարտականութեան ճամբէն շեղած կին մը, արգարե կրնայ վերադառնալ նոյն ճամբան, բայց իր դէմը փոքր դժուարութիւն կամ արգելք մը երբ ելլէ, կրկին անդու՛ղին մինչև յատակը իյնալը որոշ է :

Տիկին Մալասիի զարմանալի դիրքին բացատրութիւնը այսչափ մը խորհրդածութեան պէտք ըլլալուն համար, այդ կնոջ կենսագրութեանը մասին ալ քանի մը օտք ըսելը յարմար կը դատենք :

Տիկին Մալասի տասնըֆինգ տարեկանին Բարիզի Բէ փողոցը կանանց հագուստեղէնի մեծ վաճառատան մը մէջ կարուհի էր, բայց տասնըվեց տարիքին թողլով այդ հաստատութիւնը, խելքը կուտայ ծեր անգաւակ և հարուստ կնամուլի մը, և 18—23 տարիքը, բոլոր մեղաւոր կիներուն պէտ, ազմկալից կեանք մը կ'անցնէ :

Միջոց մը անոր դէմը կ'ելլէ բաւական հարուստ մարդ մը, որ իրեն կուտայ մաս մը դրամագլուխ, որով Պուլվար տէ գ'իթալիէնի մէջ կը բանայ մանրավաճառի

խանութ մը ուր կ'սկսի բաւական դործ ընել ,  
Ահա այդ միջոցին Պ. Մալասի անուն յիսուանոց մէ-  
կը , չտարով կարեւորութիւն այդ մանրովածառ կ'նոջ  
անցեալ կեանքին , ամուսնութիւն կ'առաջարկէ անոր և  
կ'ընդունուի :

Պ. Մալասի եօթը ութը տարուան մէջ երկու հա-  
րիւր հազար ֆրանքի հարստութեան մը տիրանալով ,  
փոխ-քաղաքապետ կ'ընտրուի և անգամակցելով շատ  
մը բարեգործական ընկերութեանց , կ'սկսի իր կ'նոջը  
հետ յաճախել նախ պաշտօնական անձերու և յետոյ և-  
լեւմտական մարդոց ընկերակցութիւններուն :

Սակայն , ինչպէս ըսինք վերը , բարքի փոփոխու-  
թիւնը կարելի չըլլալուն համար , տիկին Մալասի թէև  
առ երեսս կը ծածկէր իր ազտոտ նկարագիրը , բայց  
ականջէ ականջ տարածայնութեանց նայելով Պ. Մալա-  
սի շատ անգամներ ենթարկուած էր անոր խարէու-  
թեանց :

Ահա այս կիսն էր , Տիկին Մալասին , որ իր ա-  
մուսնոյն մեռնելէն յետոյ այլի մնացած , կը պատահէր  
Շաթօ-Մալիի դուքսին :

Այն ատեն հազիւ երեսունընէնգ տարեկան , այ-  
սինքն պատուաւոր անուն մը շահելու նախանձախըն-  
գիւր տարիքին մէջ գտնուելուն համար , այլի տիկին  
Մալասի , փայլուն ապագայ ու բարձրաստիճան զիրք  
մը տեսնելով դէմը , անցեւորին մէջ ունեցած յանցանք-  
ները դքսութեան թագին փայլուն մարգարիտներովը  
ծածկելու ջանաց :

Տիկին Մալասի թէև երկու տարիի չափ սուգ կը  
բռնէր երեւութապէս ողբալով ամուսնոյն մահը , և  
սակայն այդ միջոցին յարաբերութիւններ կը հաստա-  
տէր երեւելի մարդոց հետ , Վան Հօբ մարքիզուհիին

հետ սերտ կերպով կը բարեկամանար , և ձեր դուքսին  
խելքը գլուխէն կ'առնէր :

Թէպէտ կը կարծուէր թէ ինքը հասած է առաքի-  
նութեան ամենէն բարձր աստիճանին , բայց այդ հա-  
ւատքը պարզ երեւակայութիւն մըն էր միայն , վասնզի  
մէկ ակնոցով , դուռը մազերով , հրապուրիչ դէմքով և  
ձեռքերուն զեղնորակ ձեւնոցներ անցնելով , ազնուա-  
կան ընտանիքներու զաւակներուն պէս կեանքերնին  
Պուլվար տէ գ'իթալիէնի մէջ անցընող երիտասարդնե-  
րուն պատահելուն , տիկին Մալասի տեսաւ կրկին իր  
անցեալ կեանքին մէջ մուտքը և առջևը անդունդի մը  
բացուիլը :

Այդ կիսը ծնած ըլլալով անբարոյականութեան  
համար , բնական է որ , Պ. աը Շաթօ Մալի դուքսին  
կնւրաբար մինչև իրեն հետ ամուսնութիւնը , պիտի  
մնար այդ կեանքին մէջ :

Մանաւանդ , այն տեսները գրեթէ երեսունըվեց  
տարեկան , այսինքն կիներուն ամենէն աւելի բնական  
ղբացումներ ունեցած տարիքին մէջ գտնուելովը , իր  
վարած կեանքին մասին շատեր ականջէ ականջ բա-  
սեր մը կը փսիսային , միայն ձեր դուքսն էր որ չէր  
տեսներ այդ պարագան :

Սա ալ ըսինք սակայն թէ դուքսը եօթանասուն-  
նոց ձեր մըն էր :

Գիշեր մը Ս. Ր Ուիլիեմսի կարգադրութեամբը պա-  
տահելով քսան տարեկան հորտաի երիտասարդի մը ,  
երբ ան սիրոյ վրայ մեծ յուզմամբ խօսեցաւ , այդ կիսը  
որ արդէն շուտ տղաւորուողներէն էր , անգամ մըն ալ  
յաղթուեցաւ :

Այնպէս որ , երբ ամէն ինչ հաշիւով գործելու և  
վերջապէս պատուաւոր կերպով շարժելու սկսած էր ,  
այս հանդիպումին վրայ ամէն բան մոռնալով յիշեալին

երիտասարդ և թարմ շրթունքներէն ելած խօսքերը մը-  
տիկ ըրաւ:

Սակայն ամէն տեսակ յիմարութիւն ալ իր ժամա-  
նակն ու ժամը ունի: Տիկին Մարտի, սիրել ուղեւուն  
հետ միանգամայն, կը փափաքէր նաև ամուսնանալ  
գուքսին հետ:

Ուստի այն օրէն սկսեալ, տիկին Մարտի իր ժա-  
մանակը ճարտարօրէն բաժնելով, Պ. Շաթօ Մայլին ըն-  
դունելու համար գիշեր չեղած տուն կը վերադառնար  
և ամէն օր ժամը երկուքին միջոցները դուրս կ'ել-  
լէր:

— Ո՞ւր կ'երթար:

Անիկա շրջահայեաց կին մը ըլլալուն համար, իր  
նոր սիրոյն մասին ոչ սպասուհիին և ոչ ալ իր ձեռքին  
տակ գտնուող սեւէ մէկուն իրեն գաղանիքը յայտնած  
չէր. ընդհանրապէս կառք հեծնելով կը մեկնէր տու-  
նէն և մէկ երկու փողոցէ անցնելէ վերջը կը մտնէր  
Նօթր Ծամ աը Լօրէթի եկեղեցին ուր տասը վայրկեանի  
չափ մնալով, կ'երթար Յլիշիէ փողոցը:

Յետոյ մտնելով այդ փողոցին մէջ տուն մը, գըռ-  
նապանին սենեակին տոջեւէն կայծակի արագութեամբ  
անցնելէ վերջը, քողով երեսը ծածկած սանդուխէն  
կ'ելլէր և դուռ մը բացուելով ներս կը մտնէր. երբեմն  
կը մնար հոն երկու ժամ, յետոյ կրկին գալով եկեղե-  
ղեցի, մեծ դրոսն առջև սպասող կառքը հեծնելով,  
գաղանաբար կը վերադառնար Բէբլնիէր փողոցի իր  
տունը:

Երբ ութը օրէ ի վեր կը շարունակէր այդ վիճակը,  
իրիկուն մը ժամը երեքին միջոցները տիկին Մարտի  
Յլէշիէ փողոցէն վար իջած միջոցին, յանկարծ կենա-  
լով, իր դէմը երկիւղալի օձ մը ելածի պէս ընկրկե-  
ցաւ:

Վանթիւր երկու ձեռքերը գրպաններուն մէջ, շր-  
թունքներուն վրայ հաճելի ժպիտով մը և քիթին տա-  
կէն երգ մը մոլտալով սալայատակին վրայ վեր վար  
կը պտակէր:

Տիկին Մարտի, զոյն չափանել ձեւացնելով ուզեց  
ճամբան շարունակել, սակայն Վանթիւր կենալով ճիշդ  
անոր դէմը:

— Բարև, տիկին, բառ:

Տիկին Մարտի այդ շարժումէն զարմացած կենա-  
լուն Վանթիւր շարունակելով:

Բարև, տիկին, կրկնեց:

Կինը տակնուվրայ եղած էր թէև, բայց չփոխելով  
իւր վարմունքը:

— Վարպետ Վանթիւր, դուք ի՞նչ գործ ունիք հոս,  
հարցուց:

— Կը պատիմ, տիկին:

— Բայց ես այդ բանին համար չառի ձեզի ծա-  
ռայութեանս:

Սպասաւորը գլուխը ծռելով ներողութիւն խնդրելու  
պէս քանի մը խօսք ըրաւ:

— Կառք կը գտիր ինձի և վարձքն ալ վճարէ,  
քանզի ամբողջ ունեցածս, ծայրագոյն թշուառութեան և  
կարօտութեան մ'մջ գտնուողներուն բաժնած ըլլալուս  
համար, բնաւ դրամ չունիմ, ըսաւ տիկինը:

Վանթիւր այդ հրամանին կրկնութեանը տեղի չտա-  
լով հնազանգեցաւ, և տիկին Մարտի իր ընակարանը  
վերադարձած միջոցին ըսաւ իւրովին:

— Այս մարդը ժամ առաջ ճամբելու եմ:

Սրդարև իրիկունը, ընթրիքէն վերջ, Վանթիւրը  
իւր մօտ կանչել տալով հարցուց:

— Այս առտու ի՞նչ կ'ընէիք Յլէշիէ փողոցը:

— Տիկնոջս կ'սպասէի:



— Ինծի՞ կ'սպասէիք :

— Տիկինը կը հետապնդէի :

Երբ տիկին Մասասի լսեց այս խօսքերը, բարկութեան և զայրոյթի բոց մը փայլելով անոր աչքերուն մէջ, սրտմտած ձայնով մը հարցուց .

— Ո՞ր թաղէն կը հետապնդէիք զիս :

— Տիկին, ձեզի կը հալածէի, պատասխանեց Վանթիւր անպատկառ հանդարտութեամբ մը :

Տիկին Մալասի այս խօսքերը լսելուն պէս չըրթունքները ձերմկեցան . այս տեսակ լիրբ վարմունքի մը ամէն կերպով անպատելի ըլլալուն համար .

— Վարպետ Վանթիւր, ըսաւ, դուք ալ կ'ընդունիք անշուշտ որ, ձեզի Շարանթօնի յիմարանոցը գնելու պիտի ստիպուիմ, քանզի իրօք յիմարացիք էք :

Վանթիւր պատասխան չտալով, գլխարկը գնելէ վերջը, առանց քաշուելու, կրակին մօտը բազկաթուռի մը վրայ նստաւ .

Դեռ մինչև նոյն առտուն իսկ իր ծառաներուն մէջէն ամենէն աւելի յարգանքի արժանի եղող այդ մարդուն հանդարտ նայուածքը ու հաստատ խօսուածքը, այնքան տակնուվրայ ըրին նորատի կնոջ միտքը որ կարծեց թէ գէշ երազ մը կը տեսնէ :

Սակայն անոր շարժուձևին ու ակնարկին մէջ այնպիսի բան մը կար որ տիկին Մալասի ոչ կրցուէ վերնտել զայն, ոչ ալ սպասուէին կանչելու համար զանգակին լարը քաշել :

Ուստի Վանթիւր նստելով անոր դիմացը ըսաւ .

— Տիկին, մտիկ չըրած սրդողիւք յարմար չէ, Պառպապ աեղը կոտորել թափելը լաւ վարմունք մը չըլլալէն զատ երբեմն ալ վտանգաւոր է :

Այրի կինը զարմանքով մտիկ ընելուն զայն, Վանթիւր սապէս շարունակեց իր խօսքը .

— Տիկին, վայրկեան մը մոռնալով ձեր ծառայութեան մէջ գանուելիս, իբրև բարեկամ մտիկ ըրէք զիս :

Երբ տիկին Մալասի այդ միջոցին զգուանք կ'զգար և Վանթիւր ալ կը ժպտէր, այս վերջինը նորէն շարունակելով խօսքը յարեց .

— Տիկին բացէ ի բաց տեսակցինք : Մինչև երեք շաբաթ պիտի ամուսնանաք ազնուական տոհմէ, ամենէն հին անուններէն եղող և խիստ մեծ հարստութեան տէր Պ. Շաթօ Մայի դուքսին հետ, սակայն գիտէք թէ որչափ դիւրին է ամուսնութիւն մը խանդարելը : Արդէն մէկ զարուհափ կրնայ երեւիլ երեք շաբաթուան ժամանակամիջոցը : Օրինակի համար, ենթադրենք թէ Պ. դուքսը այս իրիկուն, ինծի պէս, փողոցը գլուխուէր :

Տիկին Մալասի գողոց ու սարսփով նայեցաւ Վանթիւրին : Ապաստուորը անպատկառօրէն շարունակելով .

— Եթէ, ըսաւ, Պ. դուքսը գիտնայ ամէն օր Յլիչիէ փողոցը երթալնիդ, առաջին յարկը ելլելնիդ և սանդուխին աջ կողմի դուռը զարնելնիդ, մնացածը ըսել մի՛ տաք ինծի, վերջապէս, եթէ գիտնայ այս բաները ամուսնանալէն առաջ չի՞ մտածեր արդեօք քիչ մը :

Այս խօսքերը արտասանելէն ետքը Վանթիւր կըրկին լրբօրէն նայեցաւ կնոջ, որ աչքերը բարկութեամբ ուղղելով անոր վրայ ըսաւ .

— Ձերին սրիկայ մը ըլլալը ու ինձմէ ինչ ուղեւնիդ կը հասկնամ :

Եւ ոտքի ելլելով պահարանէ մը հանած քսակէն արցակ մը դրամատոմս առնելով նախատական ձեւով մը հարցուց .

— Որչափ կ'ուզէք :

— Տիկին, ըտու Վանթիւր ուսերը թօթուելով, շատ շուտ առաջ կ'երթաք, առարկայ մը չգնած, անոր ինչ ըլլալը հասկնալ պէտք է: Լուսթեանս իբրև փոխարժէք ի՛նչ պահանջելս հարցնելէն առաջ, գոնէ հասկընալու էք որ եթէ ուզեմ ի՛նչ վնաս կրնամ տալ ձեզի: Սիրելի տիկին, դուք խոհեմութիւնն ու զգուշութիւնը ձեռքէ չձգող կիներէն էք. այսինքն դուք նամակ չգրեխուդ, համար, դուքսին առջեւը կրնաք ուրանալ. իմ ստելուս, Պ. Արթիւրը չճանչնախուդ և ինչ որ ըսեմ, տեղեկութիւն չունենալնուդ մասին կըրնաք ապահովցնել դայն:

Տիկին Մալասի իր գտնուած դժուարին դիրքէն աստիճան մը ուժ և քաջութիւն առնելով.

— Արդարև այդ ըսած բաներնիդ չեմ գիտեր, ըսուա:

— Շատ լաւ, բայց, տիկին, կարծեմ թէ պէտք եղած միջոցները առաջուց չընտրած, գործի մը ձեռնարկած ըլլալս չէք ենթադրեր:

— Վերջապէ՛ս:

— Վերջապէս, դուքսը սիրահարած ըլլալուն համար, աչքերը դուրկ են տեսնելու կարողութենէ. Ուստի եթէ քանի մը ապացոյցներ և նշաններ ցոյց չտամ անոր, ձեզի անմեղ և ստորին ծառայի մը զրպարտութեան գոհը կրնայ նկատել:

Տիկին Մալասի այս վերջին խօսքերը լսելուն դողաց և Վանթիւր հետեւեալ կերպով շարունակեց իր խօսքը:

— Տիկին, դուք միշտ երեսունըվեց տարեկան չեղաք, ժամանակին աւելի մատաղատի և անփորձ էիք: Շատ և շատ նամակներ գրեցիք:

Տիկին Մալասի ոտսկուճով այդ մարդուն նայած միջոցին, դժոխքէն վռնաուած մէկու մը նման այդ

անձը սկսու անոր պատմել տարին տարին և օրը օրին, Բէ փողոցի կանանց հագուստեղէնի վաճառատունէն ելլելէն ի վեր անոր անցուցած կեանքը, մինչդեռ իր խօսակցուէին մտիկ կ'ընէր յուզեալ ու անձկոտ սըրտով մը ճակատէն քրտինք վազելով:

Եթէ ընդհանուր դասախազ մը, մարդասպանի մը դէմ իր պնդմանը մէջ անոր անցեալ կեանքին ամենէն մուշտ կողմերը խուզարկէր, թերեւս չպիտի կրնար, Վանթիւրի, Տիկին Մալասիի կեանքը իրեն պատմած միջոցին ցոյց տուած տեղեկութեան չափ բան գիտցած ըլլալ:

Վանթիւր, մանրամասնութիւններէն ոչ մէկը, նոյն իսկ ամենէն պարզը չմոռնալով, բոլոր դէպքերը, մարդոց անուշովը, թուսկանովը, և ուրէ ձեւով իր ձեռքը անցած նամակի մը յիշատակութեամբը, պատմելով, ամենէն անամօթ աւազակներն իսկ սարսափեցնելու ի վիճակի էր:

Տիկին Մալասի քանի մը վայրկեանի չափ լուռ և ախուր մտիկ ըրաւ դայն:

— Տիկին, ըսու Վանթիւր, ինչպէս կը տեսնէք, ես շատ բան կրնամ ընել և Պ. սը Շաթօ Մայի դուքսին հետ ձեր ամուսնութիւնը իմ ձեռքս է:

Տիկին Մալասի դուրսը ծռելով աչքերէն վար երկու կաթիլ արցունք վազեց և միւսնոյն ատեն հարցուց:

— Վերջապէս, ձեր լուսթեան որպէս փոխարժէք ի՛նչ դուժար կը պահանջէք:

— Դուք շատ հարուստ չէք, ըսու, Վանթիւր կէս մը իննգալով:

— Ձեմ, բայց պիտի ըլլամ:

— Ո՛չ, ես զրամ չեմ ուզեր:

Այսպէս, քիչ առաջ տիկին Մալասիի վռնաել ու-

զած այդ մարդը, անոր վրայ հրամայական վարձուքի մը սկսելով, հանդարտօրէն իրեն նայեցաւ և ըսաւ.

Տիկին, եթէ ինքզինքնիդ իմ իշխանութեանս տակ կը կարծէք, կը սխալիք, ես ամէն բան եմ և բան մըն ալ չեմ: Դուք մեծ և ազգեցիկ ընկերութեան մը իշխանութեան տակն էք, և ես ալ այդ ընկերութեան մէկ խեղճ փոխանօրդն եմ:

Տիկին Մալասի կը արունակէր սոսկումով անոր նայիլ, իսկ Վանթիւր այդ միջոցին սա խօսքերը աւելցուց.

— Այն գաղանի ընկերութիւնը որուն փոխանօրդն եմ, քանի մը հարիւր հազար ֆրանքնոց գրամատոմսի փոխարէն Շաթօ Մայիին դաքութեան թագը ձեզի ծախել չընդունիր, միայն ձերին. ձեր հաւատարմութեան և ձեր ազատութեան փոխարժէքովը կրնայ այդ մասին գոհանալ... նայեցէք, մտածեցէք:

Այս խօսքերէն վերջը Վանթիւր ոտքի ելլելով և իր տիրոջը հրամանը կատարելու պատրաստ հնազանդ ծառայի մը վարձուքովը:

— Տիկին, երբ մտածէք զանգակը զարկէք, ըսաւ: Ձեր ընելիք բնորութիւնը տակէ կը բազկանայ, կամ քիչ առաջ իմ յիշած զէպքերուս թուղթերը այս իրիկուն Պ. աը Շաթօ Մայի դուքսին յանձնուելու է, և այն ատեն ձեր ամուսնութեան գաղափարէն հրաժարելու էք, և կամ ձեր կարգ մը փոքր ծառայութիւններուն փոխարէն, ձեր երջանկութեանը փափաքող ընկերութեան մը բացէ ի բաց, վերջնականապէս և աչքերնիդ գոց ըլլալով, մասնակցելիդ պէտք է:

Յետոյ Վանթիւր դուրս ելաւ:

Տիկին Մալասի ժամու մը չափ անցեալ զէպքերուն

յիշատակէն զդածուելով սկսաւ խորհիլ, իր կեանքին ինչպէս տեղեկանալուն և այդ տեղեկութիւններովը իրեն զէմ սոսկալի զէնք մը ընտրած ըլլալուն, իրմէն ինչ սպասուելուն և սպասուելիքին վրայ:

Միեւնոյն ատեն, ինչպէս վերը յիշեցինք, այդ կինը գտնուելով իր անուան նախանձախնդիր տարիքի մը մէջ, այսինքն, իր եսին համար օգտակար համարուած գործի մը մէջ ամէն ինչ ոտքի տակ առնող կիներէն ըլլալուն, զանգակը քաշեց և Վանթիւր երեւցաւ և ըսաւ.

— Խօսեցէք... ձեզի մտիկ ընելու և ձեզի հնազանդելու պատրաստ եմ:

Ահա այդ ըրպէին այդ մեծագոր կինը գլուխը ծըռելով իր սպասուորին առջև խոնարհեցաւ:

Այդ միջոցին ինչ տեղի ունեցաւ երկուքին միջև, ասիկա ոչ ոք գիտէ:

Սակայն, հետեւեալ օրը չրթունքներուն վրայ ժպտիտ և աչքերուն մէջ հանդարտութիւն առաջ դալով, Շաթօ Մայի դուքսին հետ ամուսնանալուն վստահ եղաւ, և Վանթիւր ալ անցաւ ամենէն աւելի յարգելի գործակատարներուն կարգը:

Ամէն առտու աիկին Մալասի ըստ առաջնոյն ելլելով դուրս, Ֆլէշիէ փողոցի տունը կ'երթար, և երբեմն ալ իր գործակատարը, իր տիկնոջը կողմէն գրուած մէկ անուշաճոտ նամակը կը տանէր Պ. Արթիւրին:

Գործերը այս վիճակին մէջն էին, երբ մարքիզուհի Վան-Հօը, աիկին Մալասիի մէկ նենգամիտ հրաւերովը անոր տունը գնաց և Պ. աը Վէրնիին նոյն առտու ծանրապէս վիրաւորուած ըլլալը անորոջ կերպով մը իմանալով, իսկոյն նուազեցաւ:

Մարքիզուհին նուազելուն պէս տիկին Մալասի զանգակը քաշելով վանթիւր եկաւ և իր տիկնոջ օգնելով տիկին վան-Հօբ ատրուեցաւ բազմոցի մը վըրայ:

Այն ատեն տիկին Մալասի անոր ոգի մը հոտոտել տալով ամէն տեսակ դարմանումները բրաւ, և երբ մարքիզուհին վերջապէս աչքերը բացաւ, վանթիւր անշշուկ ելաւ դուրս:

Իր սթափումէն վերջը մարքիզուհին զարմանքով նայեցաւ իր շուրջը և ըսաւ.

— Մեծդ Աստուած, ի՞նչ եղաւ ինձի:

— Բան մըն ալ չեղաք, սիրելիս, միայն ակարութիւն մը զգալով... նուազեցաք, պատասխանեց տիկին Մալասի:


Դէմքը խիստ տոգունած մարքիզուհին, աննկարողութիւն անձկութեան մը մէջ զանուած միջոցին, տիկին Մալասի աւելցուց հետեւեալ խօսքերը.

— Սիրելի Մարքիզուհիս, վստահ եղէք, վէրքը վտանգաւոր չէ, կեանքը պիտի կրնայ պահպանուիլ:

Այն ատեն տիկին վան-Հօբ ուրախութենէն բարձրացուց ձայնը, բայց միեւնոյն ատեն ինքզինքը մտանոտ ըլլալու մտածումով զէմքը կարմրեցաւ և յանցանքը խոստովանող ամբաստանեալի մը պէս գլուխը ծռելով:

— Աստուած իմ, Աստուած իմ, ոչնչացայ ես, ըսաւ:

Սակայն, գործին այս վախճանը ունենալը ատուջուց կռահող տիկին Մալասի, մարքիզուհին առջեւը ծնրադրելով, անոր երկու ձեռքերը իրեն ձեռքերուն մէջ առնելով, և ներողամտութեամբ անոր երեսը նայելով, ըսաւ.



— Մինչև հիմա ձեր բարեկամուհին էի, կ'ուզէ՞ք որ այսուհետև քոյրերնիդ ըլլամ:

Մարքիզուհին չպատասխանեց, բայց տիկին Մալասի ձեռքերը սեղմեց իր ձեռքերուն մէջ, և այդ սեղմումին մէջ տիկին Մալասի, մինչև այն ատեն յանցանք չունեցող այդ խեղճ կնոջ սրտին տակնուվրայ ու անոր դէմը անդունդի մը բացուած ըլլալը կռահեց:



ԺԴ.

### ՖԵՐՆԱՆԻ ԱՆԵՐԵՒՈՒԹԱՅՈՒՄԸ

Այս պատմութիւնն իս որ ընդարձակ է, անոր մէջ այնքան անձինք կան և այն աստիճան խառն զէպքերէ բազկացած է որ, անուններն յիշած անձերն իտ մի առ մի թողելու ստիպուած ենք:

Ուստի, քիչ մը տանն ձգելով մարքիզուհի Վան Հօբին հետ տիկին Մալասիի ու Սըր Ուիլերմսին սատանայական նենգութիւնները, մեր պատմութեան առաջին մասին մէջ անունը և քանի մը գործերը յիշուած և տիկին Ֆէրնան Ռօշէ եղած օրիսրդ Հէրմին տը Պօրէօին վրայ խօսինք:

Անշուշտ կը յիշուի թէ Ֆէրնան իր կինը թողով աներջը Պ. տը Պօրէօի հսկողութեանը տակ, ինքը դնաց մենամաւտելու դերկոմս տը Գամպօլի հետ:

Այդ մենամարտէն յետոյ ութը օրուան մէջ յիշեալին ինչ եղած չեղած ըլլալն ալ ծանօթ է մեր ընթերցողներուն:

Իսկ տիկին Ռօշէ, ամուսինէն առաջ իր բնակարանը գացած ըլլալը կարծուելով հանդերձ, առտուան ժամը չորսին հինգին միջոցները մտած էր իր առունը:

Սակայն Հէրմինին ծառաները երբ իմացուցին անոր Ֆէրնանին տակաւին ապարանք վերագործած չըլ-

լալը, այն ատեն հասկցաւ թէ սխալած էր իր կարծիքին մէջ:

Բայց Պ. Ռօշէ իր կնոջմէն զատուած միջոցին ըստծ էր թէ բարի գործի մը համար կ'երթար:

Այդ պարագան բոլորովին սպասուելով նորատի կինը, պարտհանդէսին պատճառած յոգնութիւնը աստիճան մը անցնելէ վերջը, անկողինը պառկելով քնացաւ:

Առտու ըլլալուն և կէսօրին միջոցները սպասուելին իր սենեակը մտնելուն, Հէրմին տեսնելով առանձին ըլլալը, անպատճառ ամուսինը զինքը արթնցնել չուզելուն համար իր մտանաւոր յարկարածինն մէջ պառկած ըլլալը կարծեց:

Սակայն երբ սպասուելէն իմացաւ անոր եկած չըլլալը, այդ անհետացումէն անձկութեան մէջ իյնալով վազեց իր հօրը սրահը, և հարցուց.

— Հայր, Ֆէրնան ըսա՞ւ ձեզի երէկ իրիկուն ուր գացած ըլլալը:

— Այ՛ո, պատտիւանեց Պօրէօ, սպալած մէկու մը նման թեթեւ մը ինդալով:

— Լաւ, ո՞ւր գնաց:

— Բարեկարծութիւն մը կատարելու:

— Բարեկէ՞ մէջ:

— Ո՛չ, Բարեկէն դուրս:

Չորս տարիէ է վեր ամուսնացած ըլլալով հանդերձ, առաջին անգամ Ֆէրնան իր բնակարանէն դուրս մնացած ըլլալուն, այս պարագան զարմանալի էր:

Այդ օրը, աննկարագրելի անձկութեան մը մէջ անցնելով տիկին Ռօշէ, երբ Ֆէրնան իրիկունն ալ երեսն չէլաւ, նորատի կինը սկսաւ կարգ մը յոռի խորհրդածութիւններ ընել:

Յիշելով թէ ամուսինը երկու երեք հոգիի հետ յանկարծ ելած էր դուրս մարքիզուհիին պարահանդէսէն, կարծեց թէ մենամարտ բազը կ'արձագանդէ իր ականջին և շխտակ իր մօրը երթալով.

— Աստուած իմ, Ֆէրնան մենամարտեցաւ . . թե՛րևս սպաննեցին զայն . . Աստուած իմ, Աստուած իմ, գոչեց .

Սուրբ և յարգելի կին մը եզոզ տիկին Պօրթօ իր աղջկանը անձկութեանը մասնակցելով հանդերձ, չհաւատաց թէ Ֆէրնան մենամարտելու համար պարահանդէսը թողած գացած ըլլար .

Նախ Ֆէրնան, հանդարտաբարոյ, լուրջ և հաշտութեան հակամէտ ըլլալէն զատ, մարքիզուհի Վան Հօբի տունը և երեկելի անձնաւորութիւններէ բաղկացած ընկերութեան մը մէջ անոր նման կատարեալ մէկու մը վէճ ու կռիւ հանելը շատ ալ հաւանական չէր :

Այդ պարագան եթէ հաւանական իսկ ըլլար, առտուան ժամը երկուքին, այսինքն կէս գիշերէն երկու ժամ վերջը մենամարտ կրնայ տեղի ունենալ, և եթէ տեղի ունեցած իսկ ըլլայ, Ֆէրնան ողջ կամ մեռած իր տունը փոխադրուելու չէ՞ր միթէ .

Մենամարտի մէջ սպաննուած մէկու մը, անպայման իր բնակարանը փոխադրուիլը կանոն ըլլալով, Հէրմին թողուց մէկդի յիշեալին մենամարտի մը մէջ սպաննուած ըլլալուն ցաւալի խորհուրդը :

Ուրեմն, ո՞ւր էր Ֆէրնան :

Այդ գաղտնիքը, եթէ անոր գժբախտութիւն մը պատահած էր, իր կնոջը տեղեկութիւն չտալուն հետեւանքն էր :

Մտնաւանդ, Բարեկենդանի միջոցին և գիշերուան

ամէն ժամուն փողոցները բազմութեամբ լեցուն եղած ատեն մը, մէկու մը, նոյն իսկ Բարիդի մէջ պարահանդէսէն ելած ժամանակ սպաննուիլը, և կամ կամ մուրջէ մը անցած միջոցին ջուրը նետուիլը կարելի չըլլալուն համար, ո՛չ տիկին տը Պօրթօ, ո՛չ ալ Հէրմին այդ պարագան չ'իրցան ընդունիլ :

Հէրմին և մայրը այս տեսակ խորհրդածութիւններով հոգի մէջ ինկած ատեննին, Ֆէրնան դեռ երեան չելլելով, սակայն կենդանի ըլլալով հանդերձ, իր բնակարանէն դուրս բռնի վար դրուած ըլլալը անոնց յիշողութեան չէր ներկայանար բնաւ .

Հակատակ Հէրմինին կարծիքին, ամուսինը այն իրիկունն ալ չերեցուց : Առաու ըլլալուն, երկու կիները, այսինքն մայր և աղջիկ մեծ մտահագութեան և անձկութեան մէջ ինկած էին :

Տիկին Ռօշէի համբերութիւնը հասնելով այլևս, յիշեց Պ . տը Բէրկաղը և շխտակ անոր վագեց,

Բարեգործական հասաստութեան մէջ Ֆէրնան Արման տը Բէրկաղին փոխանորդը ըլլալուն համար, վերջին անգամ Սիկիլիա կղզին գտնուած ատենը, անոր կողմէն քանի մը կարեւոր պաշտօններ յանձնարարուած էր :

Պ . տը Բէրկաղի այս գործին տեղեակ ըլլալը Հէրմին հաւանական համարելով, անոր քովը երթալուն դերկոմս Անտրէան ալ գտաւ :

Այս զղջացող եզբայրը քանի մը օրէ ի վեր իր պաշտօնին սկսած ըլլալով, Վալէ տը Բէօր անուն հարկու ընկերութիւնը երեան հանելու ու ոչնչացնելու պաշտօնին յատուկ գազանի մարմինը ճարտարօրէն գործելու վրայ էր :

Կոմսը, աչքերուն տկարութենէն և գէմքին տըժ-

գունութենէն, սաստիկ մտատանջութեան մէջ ինկած  
ըլլալը հասկցող տիկին Ֆէրնան Ռօշէին իրեն զիմեւ  
անսնելուն, զարմանքով և շնծիութեամբ զիմիւսերեց  
զայն:

— Ամուսնոյս մասին ձեզմէ լուր տանելու եկայ,  
ըսաւ անոր Հէրմին:

Կոմսը բնաւ չսպասելուն այսպիսի հարցման մը,  
բնական զարմանքով մը հարցուց.

— Տարօրինակ բան, զայն... երէկ... այսօր...  
չտեսա՞ք:

Այն ատեն երբ տիկին Ռօշէ կը պատմէր Ֆէրնանի  
աներեւութացումը, Պ. ար Քէրկաղ այդ պատմութիւնը  
զարմանքով մտիկ ըրած միջրջին, մերթ աիկնոջ և մերթ  
զերկոմս Անարէան կը նայէր:

Իերկոմսը, նորտաի կինը իրեն նայելուն, խոնար-  
հաբար աչքերը վար ուղղելով ըսաւ.

— Տարօրինակ բան է այդ:

Եւ յանկարծ ըարձր ձայնով մը աւելցուց.

— Բայց, տիկին, Բարիզի մէջ այս ձեւով չի կոր-  
սուիր մարդ մը. անպատճառ պիտի գտնուի:

Սըր Ռէլիքման պէս մէկու մը բերնէն իմացուող  
այս յոյսը գրեթէ խոստում մը ըլլալով, զժրախտ Հէր-  
մին բացագանչեց.

— Աստուած իմ, Աստուած իմ, երեսունըվեց ժա-  
մէ ի վեր երեւան չելաւ, կը վախնամ որ սպաննեցին  
ամորսինս:

Արման այս միջոցին անկից խրատ մը սպասելու  
պէս եղբորը նայած ատեն, զերկոմսը, գէշ լուր մը առ-  
նելուն համար զգացուած և այդ գէշութիւնը արդիւրելու  
գարման մը խորհող մէկու մը կերպարնքը ցոյց կու-  
տար:

Հէրմին պաղատելու ձեւով մը Անարէայի նայելուն.

— Տիկին, կը վատանցնեմ ձեզի, ըսաւ ան, եթէ  
աշխարհ տակնուվրայ ընել և նոյն իսկ գեանին տակը  
անցնիլ պէտք ըլլայ, անպայման պիտի գտնեմ ամու-  
սիննիդ:

Յետոյ աչքերը խոնարհեցնելով.

— Այնչափ ոճիրներ գործած եմ որ չեմ գիտեր թէ  
ի՞նչպէս պիտի կրնամ գարմանել զանոնք, աւելցուց.

— Ձեր յանցանքները շատոնց մոռցուած են. պա-  
տասխանեց Հէրմին զգամուած. Դուք սուրբ մըն էք,  
Աստուած ներած է ձեզի:

Այդ միջոցին սպասուորը գալով.

— Տիկին, ըսաւ Հէրմինին, ձեր ծառան սրահը  
կ'ազատէ, անպատճառ ձեզի տեսնել կ'ուզէ:

— Ներս թող մտնէ, ըսաւ կոմսը.

Նոյն բոպէին Հէրմինի մտքին մէջ յոյս մը ծագե-  
լով.

— Անպատճառ Ֆէրնան զրկած է այդ ծառան.  
խորհեցաւ:

Սպասուորը մտաւ ներս ձեռքը նամակ մը և ը-  
սաւ.

— Տիկինը գուրս ելլելուն պէս, փողոցին անկիւնը  
սպասող բեռնակիր մը այս նամակը բերելով տիկնոջ  
տրուիլը յանձնարարեց:

Կոմսը ու եղբայրը այս լուրին համար գոհունա-  
կութիւն յայտնեցին:

Հէրմին ալ հասկնալով Ֆէրնանի ողջ ըլլալը, ուրա-  
խութեան ճիչ մը արձակելով, նամակը իսկոյն առաւ  
ծառային ձեռքէն:

Սակայն վրայի գիւրին նայելուէ, Ֆէրնանի ձեռա-  
գիրը չըլլալը նշմարելով գէժքը աժգունեցաւ:

Այսուհանդերձ կրկին կարդաց ու պատեց պահա-  
բանը ուսկից ելաւ թղթի կտոր մը որ անուշ հոտեղէն

զատ, գիրերուն ձեւէն կը հասկցուէր կնոջ մը ձեռքէն ելած ըլլալը:

Խեղճ կինը դողդոզալով, նամակը կարգալէն առաջ թղթին ետեւը դարձուց ու տեսաւ թէ իր ամուսնոյն անունն ու ստորագրութիւնն էր:

Այն ատեն քիչ մը շունչ առաւ, ստորագրութիւնը իրենը ըլլալով հանդերձ, նամակը ինչո՞ւ Ֆէրնան ինքը գրած չըլլալը նկատողութեան չառնելով, նոյն ատու թիւը քուակին գրած և Ֆէրնանին ստորագրած նամակը կարդաց:

Անշուշտ գործանալի պիտի թուէր կնոջ մը, մինչև վերջին օրը զինքը սիրած և կեանքը իր քովը անցուցած մէկու մը կողմէն գրուած այս տեսակ նամակ մը, որուն սկիզբէն վերջը անհոգութեամբ գրուածը ըլլալը պիտի բաւէր խելագարելու նոյն իսկ շատ քիչ նախանձոտ և մեծարանքի ու յարգանքի անվարժ կին մը իսկ:

Ատիկց զատ Ֆերնան, այդ նամակը գրելու համար կնոջ մը աջակցութեանը զիմելով, ո՛ւր գտնուելը կնոջը չիմացնելէն զատ, իր վերագործն ալ ուրիշ մէկու մը փափաքէն կախեալ խնդրոյ մը պէս երկբայական ըլլալը ցոյց տուած էր:

Այդ միջոցին Հէրմին բոռ մը իսկ արտասանելու անկարող ըլլալով նամակը տուաւ Արմանին, որ զայն կարգացած ատեն ինքն ալ իւրաքանչիւր տողին համար զարմացաւ, և այս անհասկնալի գաղանքն ապշած, ըսելիք բառ մը չգտնելով, նամակը յանձնեց զերկոմս Անարէային:

Ան ալ, երբայական կամ եղիպտական հին նշանագիր մը լուծել ջանացող գիտունի մը պէս, կրկին ու կրկին կարդաց զայն:

Անոր այդ քննութիւնը երկու վայրկեան տևած

ատեն, կոմսը և Հէրմինը, ակնարկին չգատեցին անոր դէմքէն, գուշակելու համար թէ ի՞նչ տպաւորութիւն պիտի ցոյց տայ ան:

Սակայն զերկոմսը բան մը յայտնի չընելով, կարծես թէ կը վարանէր զաղախար մը յայտեկու:

Բայց վերջապէս գլուխը վեր հանելով.

— Տիկին, ըսաւ Հէրմինին, վատն եղէք, ամուսիննիդ ոչ մէկ վտանգի մէջ է և նամակին յայտնածին պէս, մօտ օրէն ձեզի պիտի գայ: Նոյն իսկ համոզուած եմ որ ութը օր չանցած կրկին պիտի տեսնէք զինք:

Սակայն նախանձի զգացումը նորատի կնոջ սիրտը կրծելու սկսած ըլլալով հարցուց.

— Բայց... այս նամակը... այս գիրը... որո՞ւնն է:

— Այդ նամակը կնոջ մը կողմէն գրուած է,

Հէրմին սարսուց և դէմք ամոզունեցաւ, իսկ զերկոմս Անարէա յարեց.

— Սակայն այդ կինը, ձեր ամուսնոյն ձեզի համար զգացած սէրը մարելու կարող չպիտի ըլլայ:

Հէրմին ճիշ մը արձակելով նուագուն վիճակի մէջ կոմսին գիրկը ինկաւ:

— Տիկին, քաջ եղէք, այս գործին մէջ կայ դաղտնիք մը զոր անպատճառ պիտի հասկնանք, ըսաւ:

Սակայն Հէրմին կոմսին խօսքերը մտիկ չընելով կը կարծէր թէ Անարէայի ձայնը կ'արձագանգէր իր կանջին և յիշատակին, նամակին մասին խօսած ատենը, անոր, կնոջ մը ձեռքով գրուած ըլլալը վատանեցնելը կը յիշէր և այդ գիրին իւրաքանչիւր բառը դաշոյնի հարւածներու պէս սրտին կը մխուէր:

Այսու հանդերձ, կրկին չթողով ձեռքէ քաջութիւնը, իր սիրային յիշատակներուն, կանացի արժանիքին և ամուսնոյն վրայ սկիզբէն իսկ ունեցած վրատանութեանը կ'ապաստանէր:

— Ոչ, սչ, պարոն, այդ մասին դուք կը սխալիք, ձեր ըսածը չի կրնար ըլլալ, ամուսինս կը սիրէ զիս. ըսաւ .

— Տիկին, պատասխանեց զեզկոմս Անտրէա, ձեզի սա մասին կրնամ վստահեցնել թէ, այս թուղթը կնոջ մը ձեռքովը գրուած և ձեր ամուսնոյն, կողմէ ըստորագրուած է, Մնացեալը գաղտնիք մը ըլլալուն, երկու վայրկեանի մէջ չեմ կարող լուծել զայն: Սակայն վստահ եղէք, տիկին, թէ մօտ առեմէն ամէն բան պիտի հասկնամ:

Եւ կարծես թէ մտքին մէջ յանկարծ գաղափար մը ծնած ըլլար.

— Տիկին, հարցուց, վան-Հօր մարքիզուհիին տունը յաճախողներէն մէկը կը ճանչնա՞ք:

— Ոչ, պարոն, գրեթէ մէկը չեմ չանչնար: Ֆէրնան և ես անցեալ տարի ծովու բաղնիքները ճանչցանք մարքիզուհիին: Այսուհանդերձ ինքը հրաւիրեց մեզի իր տունը, և հայրս ծանօթացաւ հոն կոմս տը Շաթօ անուն երիտասարդի մը հետ:

— Այդ անունը ես ալ կը ճանչնամ, ըսաւ Պ. տը Բէրկազ:

— Նոյն իսկ հայրս զայն ինծի ներկայացնելուն միասին պարեցինք:

— Ուրեմն, տիկին, թերեւս Պ. տը Շաթօ-Մայի գիտէ ձեր ամուսնոյն ինչպէս և որուն հետ պարահանդէսէն մեկնած ըլլալը, և մեզի ալ անպատճառ քանի մը նշաններ պէտք են, ըսաւ գերկոմսը:

— Ուրեմն ձեր թոյլտուութեամբը երթամ հօրս քով և ան ալ իսկոյն երթայ տեսնէ Պ. տը Շաթօ Մային:

Ինեղձ կիներ բոլորովին յուզեալ վիճակի մը մէջ հոն-կից մեկնելով, վայրկեան մը առաջ հայրը գտնելու և

Շաթօ Մայի կոմսին զրկելու համար, հեծած կառքին ձիերը արագութեամբ քշել տուաւ:

Անոր մեկնումէն վերջը Անարէա եղբօրը նայելով.

— Ես կը ճանչնամ նամակ գրողը, ըսաւ:

— Իրաւ հարցուց կոմսը զարմացած:

— Եթէ չեմ սխալիր, այս գործին տակը վալէ տը Բէօր ակումբի ընկերութիւնը կայ:

Արման սարսուաց, մինչդեռ Անտրէա կը շարունակէր:

— Կան այնպիսի վայրկեաններ ուր մարդ կ'ունենանայ բան մը հասկնալու զգացումը: Օրինակ, շատ մը փնտուռելով չգտնուած առարկաներ ոչինչ բանով մը, այսինքն բառով մը, նշանով մը, տող մը գիրով կը յայտնուին: Ֆէրնան կորսուեր է... Ֆէրնան կնոջ մը բնակարանէն նամակ գրեր է և այդ կիներ իրեն քարտուղար ըսներ է... Ուստի, եղբայր, գիտցած եղէք որ, Ֆէրնան մեր հետապնդած սակայն ձեռք անցնել չկրցած այդ սարսափելի ընկերութեան ձեռքը ինկած է:

Միեւնոյն առեն Սըր Ուիլիքմս գլուխը անպատկառօրէն բարձրացնելով ըսաւ.

— Ութ օր պայմանաժամ տուէք ինծի և այդ միջոցին ձեզի շատ անգեղութիւններ տալ կը խոստանամ: Բայց մինչև այն ատեն ինծի բան մը մի հարցնէք, որովհետև ս'սելիք ձեռնարկիս մէջ յաջողութեան յոյս չտեսած, այդ մասին, ինչպէս ուրիշներուն, նոյնպէս ձեզի ալ բան մը ըսել չեմ ուզեր:

— Շատ լաւ, պտտասխանեց Արման:

չո՞ւ կ'ուզէր Պ. աը Շաթօ Մայիին՝ իր ազնկանը կողմէն հարցաքննուելը:

Ինչ որ է, Պ. աը Պօրբէօ վերադառնալուն, Հէրմինը սաւ.

— Հայր, Ֆէրնանը դեռ չեկաւ:

Պօրբէօ անհող կերպարանքով մը.

— Եթէ չէ եկեր, հարկաւ պիտի դայ, պատասխանեց:

Տակաւին օր մը առաջ իր ընտանիքին հանդէպ սէր ցոյց տուող այս մարդուն բերնէն ելած այս տեսակ պատասխան մը, այդ առտուն անոր խելքը գլուխը չըլալուն նշանը ըլլալով, յիմարներու յատուկ խնդուքով մը ըսաւ.

— Ես գիտեմ անոր ուր ըլլալը:

— Գիտէ՞ք մի, հարցուց Հէրմին յուզմամբ:

— Այո, պատասխանեց Պօրբէօ աչք ընելով:

— Ուրեմն ըսէք, յայտնեցէք:

— Հոմանուհիին տունն է... Ինքը ըսաւ ինծի այնպէս ըլլալը:

Երկու կիները դարմանքով այս խօսքերը մտիկ ըրած ատեննին, ան աւելցուց.

— Ինեզճ երիտասարդ, կը խաբուի կոր, ան չպիտի մեռնի անոր սէրէն. Այդ տեսակ բաներ ինծի միայն կը պատահին:

Պ. աը Պօրբէօ երկու կիներուն դէմքին վիայ առաջ եկած տփուռութիւնը, յուզումը և վիշտը չտեսնել ձեւացնելով, խնդալը կը շարունակէր:

Անոր խեղճ խնդուքիւնը, ատեն ատեն բայց մէջտեղէն երկար ատեն անցնելէ վերջը երեսցող տեսակէն ըլլալուն համար, երբեմն ժամերով կը տեւէր, ինչպէս

Ժն.

### ԱՆԱԿՆԿԱԼ ԱՅՅԵԼՈՒԹԻՒՆ ՄԸ

Այդ ժամանակամիջոցին Հէրմին տուն հասնելով, ելաւ Պ. աը Պօրբէօի բնակած յարկը:

Ինչպէս ըսինք արդէն, անիկա հաճելի նկարագրով մէկը ըլլալուն, ամէն առթիւ խելացի վարմունք ցոյց կուտար, բայց իրեն ունեցած սիրոյն պատճառաւ Սըրիզ անուն նորատի ազնկան մը վերայ խօսուելուն, կ'սկսէր արեղցիեղ պատասխաններ տալ:

Ան ամէն առտու ժամը իննին անկողնէն ելլելով, ոտքով պտոյտի կ'երթար, և հազիւ նախածաշի ատեն կը վերադառնար իր ընտանեացը քով:

Ուստի Հէրմին տուն վերադառնալուն, Պ. աը Պօրբէօ ըստ սովորութեան դուրս ելած ըլլալով, Ֆէրնանին նամակը իր մօրը ցոյց տալէն վերջը մեծ անձկութեամբ սպասեց:

Ինեզճ մայրն ալ, դերկոմս Անտրէայի և Պ. աը Քէրկազի պէս, ճշմարտութեան մէկ մասը հասկցած ըլլալ կարծեց, բայց չկրցաւ ըմբռնել թէ դերկոմսը ինչ

որ այս անգամ ալ քահ քահ խնդուքներուն հետ միասին, Սըրբիդին անունն ալ տալով, անոր մահուանը համար ինքզինքը ամբաստանեց:

Հէրմին հասկնալով որ նոյն օրը Պ տը Շաթօ Մային տեսնելու համար հօրը վրայ վստահիլ կարելի չէր, Վան-Հօր Մարքիզուհիին երկատու մը գրելով անկէց տեղեկութիւն և մանրամասնութիւն խնդրել խորհած միջոցին, սպասաւոր մը դուռը կէս բանալով Պ. կոմս Շաթօ Մայիին գալը իմացուց:

Այս գալուստը նորատի կնոջ կողմէն իրրեւ ասանուածային գթութիւն մը նկատուեցաւ:

Անշուշտ կը յիշուի թէ կոմսը, Վան-Հօրի պարահանդէսին, Վալէ տը Քէօրի ընկերութեան նախագահը ըլլալը կատարելապէս ծածկող շինծու Անգլիացիին ազդարարութեանը համեմատ, Պ. տը Պօրթօի միջոցաւ. Հէրմինին ներկայացուած, և հաստատուած յարաբերութենէն վերջը, նորատի կնոջ բնակարանը գալ կարենալու համար թոյլտուութիւն խնդրելուն, իր սէրը ամբողջովին ամուսնոյն նուիրած այդ կինը չէր կրցած մերժողական պատասխան տալ:

Հէրմին զայն հրաւիրած ատեն, բոլորովին սրտի պարզութեամբ գործելով, ըրածը առհասարակ կանանց անխոհեմութեան վերադրելի էր:

Ուրեմն Պ. տը Շաթօ Մայիի գալուստը խիստ բընական ըլլալով, և նոյն օրը, ուրբաթ և ժամը երկուքայսինքն, տիկին Ռօշէին իր տունը գտնուելուն օրն ու ժամը ըլլալուն, անշուշտ Պ. տը Շաթօ Մայի չգիտնալով մեր պատմած եղելութիւնները. կամ չգիտնալը պէտք ըլլալով, ստացած թոյլտուութենէն օգտուելու համար կուտար այդ այցելութիւնը:

կոմսը, շնորհալի, գեղեցիկ և բարեկիրթ երիտասարդ մը ըլլալով, շարժուձեւերէն կը հասկցուեր թէ աղնուական մէկն էր:

Բայց Հէրմին, նկատելով զայն իրր բարեկամ մը որ կրնայ օգնել իրեն և ամուսնոյն աներեւութացումը ծածկող գաղտնիքները լուծելու աշխատիլ, ուրիշ տեսակ ընդունելութիւն մը չնորհեց անոր:

ԺԶ.

### ՀԷՐՄԻՆԻ ԴԷՄ ԾՈՒՂԱԿ ԿԸ ԼԱՐՈՒԻ

Պ. ար Շաթո Մայի այս դարուն մարդերէն ըլլալուն համար, իսկոյն ընդունած էր ամէն տեսակ գաղափար: Ինքը ըլլալով Պուլվար տէ զ'իթալիէնի մէջ ապրող բուն բարիզցիներէն, բառին ամբողջ նշանակութեամբը կը համարուէր զբոստանքի և հաճոյքի վարպետներէն մէկը:

Արդարեւ քանի մը պարագաներու մէջ ունէր իր անձնական ուղղութիւնն ու սկզբունքը, բայց միւս կողմէն ալ կը յայտնէր երկբայելի գաղափարներ:

Ուստի, կորսուած ժառանգութիւն մը ձեռք բերելու համար, նորատի և խիստ գեղեցիկ կին մը գլխէ հանելը բաւ համարելով հանդերձ, այդ տեսակ առաջարկ մը մերժելն ալ տխմարութիւն ըլլալը խորհելով, առանց վարանելու ընդունած էր զայն:

Անտարակոյս, Պ. կոմս ար Շաթո Մայի, կարգ մը աւազակներէ բազկացած ընկերութեան մը Վէջ մասնիկ չուզելը յայտնի էր, ուստի Սրբ Ուիլիամս չիմացնելով անոր իր սոսկալի խորհուրդները, միայն իբրև նախատուած և մերժուած սիրանար մը, վրէժը արնակու հա-

մար խելքն ու դրամը դործածելէ ետ չկենալը հասկըցուցած էր:

Այդ կերպով բաւական էր որ Պ. ար Շաթո Մայի պիտի ընդունէր իրեն կզած առաջարկը:

Անոր համար, Պ. Ֆէրնան Ռոչէն ամենեկին չճանչնալը և Հէրմիինն ալ գեղեցիկ ըլլալը խիղճը հանդարտեցնելուն կը բաւէր:

Կիները իրենց ապաւորութիւնները ծածկելու և յուզեալ գէմքերուն վրայ հանդարտութիւն առաջ բերելու կարող ըլլալովքին հանգերձ Պ. ար Շաթո Մայի Հէրմիինն գէմքին վրայ երեցող յուզումը նշմարելով, անոր ամեն մէջ և շուրջը սրասկարգ բան մը պատահած ըլլալը կ'աւհեց:

Սովորական բարեւ ու մեծարանքներէ վերջ, նորատի կինը հարցուց.

— Պ. կոմս, վան Հօբ մարքիզուէիին տունը կ'երթա՞ք շատ անգամ:


— Այո, տիկին, շատ անգամ կ'երթամ, պատասխանեց կոմսը:

— Սովորաբար հոն յաճախող ընկերութենէն շատ մարդ կը ճանչնա՞ք:

— Գրեթէ բոլորն ալ կը ճանչնամ:

Նորատի կինը շունչ տաւ, բայց առանց պատասխանելու հարցաքննել և իր գաղտնիքը երեսան չճաննելով ուրիշներուն գաղտնիքին տեղեկանալը կիներուն յատուկ եղող բարոյական կարողութիւնը ձեռք բերաւ:

Արդարեւ Հէրմիին, վշաին տաղին վայրկեանին մէջ զգացած հոգն ու անձկութիւնը անկեղծաբար իմացուցած ըլլալով կոմս ար Ֆէրիկադի և գերկոմս Անտրէայի, վերադարձը ամբողջ սրտովը ու հոգովը փախաքած և մեռած կարծելով անոր հոտար արցունքներ թափած



ամուսնոյն, իր իշխանութեանը տակ առած կնոջ մը ձեռքով գրուած գիրը անոնց ցոյց տուած էր, բայց Պ. ար Շաթօ Մայիին, այսինքն օտարականի մը դէմը գըտնուելուն, կրնե՞րուն յատուկ խոհեմութիւնը ձեռք առաւ և ինքը առանց բան մը ըսելու իրողութիւնը հասկնալ ջանալով, երբ կոմսը, Պ. Ֆէրնան Ռօշէն պարահանդէսին մէջ տեսած չըլլալը յայտնեց, նորատի կինը բացատրութեան սկսելով ըսաւ.

— Ամուսինս առտուան ժամը երկուքին միջոցները, յայտնելէ վերջը թէ գիշերուան մնացեալ մասը դուրսը պիտի անցնէ և յետոյ տպարանք պիտի վերադառնայ, աներեւութացաւ և մինչեւ հիմա չերեցաւ դեռ:

Կոմսը, նոյն առտուն իսկ իր ստացած մէկ երկտողին մէջ պէտք եղած հրահանգը առած և այդ մասին իր ցոյց տալիք վարմունքը որոշուած ըլլալով:

— Տիկին, ամուսիննիդ երկայնահասակ, թուխ և սև պիսերով մէկն է, այնպէս չէ՞, հարցուց:

— Այո, պարոն:

— Կարծեմ քսանըութը երեսուն տարեկան կայ:

— Այո՛, պարոն:

— Մարքիզուհիին տունէն հազարապետ Գարաէնին և Շուէտացի զինուորականի մը հետ դուրս ելլելը տեսայ:

— Միասին գացած ըլլալնուն վստահ էք:

— Այո՛, վստահ եմ:

Հէրմին չուզելով խօսիլ, նստացած երկտողին պարունակութեանը մասին, ըսաւ.

— Տէ՛ր Աստուած, հոգի մէջ եմ. արդեօք մենամարտեցա՞մ. Աստուած չընէ: Եթէ վերաւորուած է . . .

— Տիկին, տարտամօրէն կը յիշեմ թէ բախտախաղի սեղանին քով վէճ մը ծագեցաւ, բայց ձեր ամուսնոյն

այդ վէճին խառնուելը կամ չխառնուելը չեմ գիտեր:

Այս խօսքերը աստիճան մը լուսաբանելով ներկայ վիճակը, նորատի կինը չխօսեցաւ Ֆէրնանի երկտողին մասին, և ամուսնոյն ինչ եղած ըլլալէն տեղեկութիւն չունեցածի պէս երեւցաւ:

Պ. ար Շաթօ Մայի օտքի ելլելով, ըսաւ.

— Տիկին, հազարապետ Գարաէնը կը ճանչնամ, հիմա երթալով անոր քով կը հասկեամ ձեր ամուսնոյն ինչ եղած ըլլալը:

Յետոյ նորատի կնոջ ձեռքը համբուրելով դուրս ելած միջոցին տեղցուց նաև քանի մը խօսքեր որոնց նշանակութիւնն էր օգտակար ծառայութիւն մը մատուցանելուն համար արտակարգ երջանկութիւն զգալը:

Կոմսին սպասած միջոցին Հէրմին ջանալով փարատել իր կասկածները ու նախանձի առաջին նշանները, կը խորհէր թէ գուցէ Ֆէրնան մենամարտելով վերաւորուած և իր ընտանիքին մարդիկը անձկութեան չը մատնելու համար, մօտերը գտնուած տուն մը փոխադրուած ու նամակը կնոջ ը գրել տուած էր. որով իրարանցումի պատճառ մը չկար:

Սակայն, կրկին և կրկին կարդացած յիշեալ նամակին լեզուն և միտքը, հակառակորդուհի մը գաղտնի թշնամանքը և քէնը ցոյց չէ՞ր տար միթէ:

Ժամեր կան որ, շատ քիչ փորձառութիւն ունեցող և կեանքին եղելութեանցը շատ քիչ սեղեակ կրնա իսկ, բտակարգ խելքի մը տիրանալով, ապագան յայտնապէս տեսնելու կարողութիւնը կ'ստանայ:

Թէև որչափ ալ Ֆէրնանին մեկնումն ու աներեւութացմանը երկնալը կարգ մը անհասկնալ գաղտնիքներու տակ ծածկուած կը մնար տակաւին, բայց Հէր-

մին, գլխաւոր իրողութեան մը, այսինքն իր ամուս-  
նոյն, կնոջ մը տունը գտնուելուն ապացոյցը ունենա-  
լով, այս պարագան միւս բոլորէն աւելի կարեւոր էր  
իրեն համար: Արդեօք այդ կէնը իր հակառակորդուէրն  
էր արդէն, թէ ոչ նոր եղած էր: Հէրմին այս պարտան  
չգիտնալուն, հասկնալու համար միաքը կը յոգնեցը-  
նէր:

Այդ միջոցին վերադարձաւ Պ. աը Շաթօ Մայի: Ա-  
նոր մեկնումէն ի վեր հազիւ ժամ մը անցած ըլլալուն  
հակառակ, այդ մէկ ժամը տարի մը չափ երեւցած էր  
իրեն:

Հէրմին սրահին մէջ, մտքով և մարմնով յոգնած  
նստարանի վրայ ընկողմանած և ամբողջ աշխարհը մոռ-  
ցած, միայն ամուսինը մտածելուն և սիրելուն և այդ  
մասին ինքզինքը բախտաւոր համարելուն համար, գեւ-  
առաջին անգամ ըլլալով հաճելի երեւնալ փորձեց:

Երբ ինքը կոմսին պէտք ունէր, կոմսն ալ անձ-  
նուէր և հաւատարիմ կ'երեւէր: Կիները, իրենցմէ ամե-  
նափոքը յոյս մը սպասող էրիկմարդոց զոհողութեան  
մինչև որ աստիճան առաջ երթալը գիտեն: Հէրմին,  
առաջին օրը, Պ. աը Շաթօ Մային գրեթէ հիւրի մը պէս  
ընդունած էր և կարեւորութիւն չէր տուած. այս ան-  
գամ, ի հարկին ան անձնուիրաբար իրեն պիտի ծառայէ  
խորհելով, բարեկամի մը պէս երկնցուց ձեռքը և տը-  
խուր ժպիտով մը, իր նստարանին քովը աթոռի մը  
վրայ նստել հրաւիրեց զայն: Յետոյ խօսիլ սկսելով,  
հարցուց.

— Ի՞նչ լուր.

— Հազարապետ Գարտէն այս առտու Լոնտոն դա-  
ցեր է, պատասխանեց կոմսը, բայց անոր սպասաւորէն  
տալ մաս մը տեղեկութիւններ: Ապահով եղէք, տիկին,

ամուսիննիդ աշխարհը չէ թողած և նոյն իսկ Բարիդի  
մէջ է:

Հէրմին գոհ մնաց այս պատասխանէն, իսկ կոմսը  
սապէս շարունակեց.

— Արգարե, կ'երեւայ թէ հազարապետին հայրե-  
նակիցը եղող և դերկոմս Գամպօլէն անունով Շուէտա-  
ցիի մը հետ Պ. Ռոչէ բանավէճ մը ունենալով, կարգ  
մը նախատական խօսքեր ուղղեր են իրարու, և դեր-  
կոմսն ալ նոյն առտուն Բարիդէն մեկնիլ որոշած ըլլա-  
լով կորսնցնելիք վայրկեան մը իսկ չունենալուն, իս-  
կոյն մենամարտի որոշում արուեր է: Հազարապետը  
դերկոմսին թէ ձեր ամուսնոյն վկան եղեր է, այդ կէ-  
տը սակայն ծանօթ չէ սպասաւորին: Բայց մենամարտը  
տեղի ունեցեր է առտուան ժամը երեքին միջոցները և  
ընտրուած զէնքը սուր է եղեր: Ծառան չգիտեր նաև  
մենամարտին ո՛ւր տեղի ունենալը, բայց իր տիրոջ բեր-  
նէն ելած քանի մը խօսքերէն՝ Պ. աը Գամպօլէին հա-  
կառակորդը թեւէն վիրաւորելով, մօտակայ տուն մը  
փոխադրուած ըլլալը նասկցեր է:

— Այդ տունը ո՛ւր է եղեր, հարցուց Հէրմին զող-  
ղուն:

— Սպասաւորը տեղեկութիւն չունի ուր ըլլալէն,  
բայց կարծեմ թէ ձեր ամուսինը, հետեւին շատ ընտա-  
նութիւն ունենալը կարծուած պատճառի մը տունը կը  
գտնուի:

Հէրմին սկսաւ յուսալ, կը կարծէր թէ այս բաները  
տեղի ունեցած էին առանց Ֆէրնանի հաւանութեանը և  
անոր նուազած մէկ վայրկեանին, և եթէ ստացած չըլ-  
լար ծանօթ գրութիւնը, միաքը բոլորովին պիտի հան-  
գարտէր:

— Տիկին, շարունակեց կոմսը, ես այս բաներուն  
մէջ շատ ընտան վիճակ մը կը տեսնեմ:

Ամուսիննիդ մենամարտելով վիրաւորուեր է, վկայները, և անկասկած հակառակորդն ալ անոր վէրքին որչափ ծանր ըլլալը դեռ չգիտնալնուն համար, և ձեզի ալ մ'ածելով, փոխանակ իր տունին՝ ուրիշ տուն մը փոխադրեր են զայն Այդ տեսակ գէպքերու մէջ կ'ըլլան այդպիսի բաներ. հիմա սա աւելցնեմ թէ, իմացած իս նայելով դերկոմս ար Գամպոլի կիսաշխարհիկներու աշխարհին մէջ շատ ծանօթ է եղեր. ուրեմն, ո՞վ կրնայ պնդել թէ ան իր հոմանուհիի տունը փոխադրել տուած չէ վիրաւորը: Այդ հոմանուհիները յոռի բարք ունենալով հանդերձ, երբեմն շատ բարեսէր կ'ըլլան և առ հասարակ լաւ հիւանդապահներ են:

Կոմսին իւրաքանչիւր խօսքը դաշոյնի հարուածի պէս տիկին Ռօչէի սրտին կը մխուէր և Ֆէրնանի զինքը ծայր աստիճան սիրելով հանդերձ, այդ տեսակ նամակ մը ի՞նչպէս ստորագրած ըլլալուն համար բացատրութիւն մը չէր կրնար գտնել:

Ահա այն ատեն, մինչև այդ օրը հաւտտարիմ և առաքինի ապրած և ամուսնութեան՝ շրջանակին մէջ մտնելով, նորասի աղջիկներուն յատուկ նազանքն ու պջրանքները մէկ կողմ թողած այս խեղճ կինը, նազանք և պջրանք ցոյց տալով ջանաց իր դատին շահիլ Պ. ար Ծաթօ Մային:

Անտարակոյս, եթէ Սըր Ուիլերմս այս տեսարանին ներկայ գտնուելով, իր դժօխային խորհուրդներուն մինչև որ աստիճան յաջողութիւն գտնելը տեսնէր, մեծ ուրախութիւն պիտի զգար:

Արդէն, Պ. ար Ծաթօ Մայի հրապուրիչ և լաւ խօսող երիտասարդ մը ըլլալով, այդ տեսակցութեան մէջ խիստ յուզում և տպաւորութիւն ցոյց կուտար: Տիկին Ռօչէի խոստացաւ իր ամուսինը գտնել և բերել, և եթէ չգտներ իսկ, այդ մասին ոչ մէկ ջանք պիտի ինչա-

յէր: Բարեկամական լեզուի մը երբ սէրը խառնուի. այդ լեզուն մեծ ուժ կ'ստանայ, ինչպէս որ պատահեցաւ այս պարագային:

Ժամու մը չափ տեւող այս խօսակցութենէն վերջ, Պ. ար Ծաթօ Մայի այն աստիճան շահեցաւ նորասի կնոջ վստահութիւնը, որ Ֆէրնանի և Պ. ար Գամպոլի միջև տեղի ունեցող մենամարտին մասին ամենափոքր տեղեկութիւն մը եւս եթէ տեսնէր, իմացնելու համար կրկին գալու արածութիւն ստանալէ զատ, Հէրմին տնոր ցոյց տուաւ ծանօթ գրութիւնն ալ:

Սակայն կոմսը նամակին գիրը տեսնելուն պէս, զարմանք ցոյց տալով, ըստ բարձր ձայնով մը.

— Ես այս գիրը կը ճանչնամ:

Տիկին Ռօչէի արիւնը տակնուվրայ ըլլալով, հարցուց.

— Կը ճանչնա՞ք:

— Այո, շարունակեց կոմսը, բայց շատ զարմանալի բան է աս, որուն բացատրութիւնը գրեթէ անկարելի է: Խեղճ կին, աւելցուց, Հէրմինի նայելով գորովալից ակնարկով մը:

— Պարոն, պարոն, պաղատեցաւ Հէրմին, ի սէր Աստուծոյ, գիտէ՞ք այս կնոջ ով ըլլալը:

Կոմսը ընտրանկութիւն կոճակները քակելով, քովէ գրպանէն հանած փոքր թղթապանակի մը մէջէն ուրիշ նամակներու խառնուած նամակ մը առաւ, և զայն բաղդաանց տիկին Ռօչէի ձեռքի նամակին հետ, երկուքն ալ նոյն տեսակ թուղթի վրայ դրած ըլլալէն զատ, հոտերը, ձեւերը և նոյնիսկ գիրերը նոյնն էին:

Սակայն երկրորդ նամակին պարունակութիւնը հետեւեալն էր.

«Սիրելի կոմս,

«Վաղը ձեր սպասուհիին տանը մէջ թէյ լսմել և

գլանիկ ծխել կ'ուզե՞ս: Պատրաստուած է գեղեցիկ լա-  
նոքընէ մը, որով շատ կը հետաքրքրուիս ասենէ մը  
ի վերոյ:

Այդ նամակին տակը գրուած էր առճաստրակ կի-  
սաշխարհիկ կիներուն գործածած անուհներէն եղող թօ-  
փազ ստորագրութիւնը:

Երբ կոմսը Հէրմինի ցոյց տուաւ այդ երկու գրու-  
թիւնները, նորատի կինը զանոնք իրարու հետ բազդա-  
տելուն, դէմքը տփգունեցաւ ու յայտնի սարսափով մը  
ըսաւ.

— Երկուքին գիրն ալ նոյնն է:

— Տարբերութիւնը սա է որ, դիտել տուաւ կոմսը,  
իմ նամակս գրուած է տարի մը առաջ, և սարօրինա-  
կը սա է, աիկին, որ այս կինը տասնեւհինգ օր առաջ  
Իտալիա կը գտնուէր. ինչպէ՞ս եղեր է որ հիմա Բա-  
րիզի մէջ է և ամուսիննիդ ձեզի նամակ գրելու համար  
ինչպէ՞ս դիմեր է անոր միջնորդութեանը. Այս պարա-  
գան սակայն անպատճառ պիտի հասկնամ:


Այն ատեն, կեղծ յուզում ցոյց տուող Պ. ար Շա-  
թօ Մայի նորատի կնոջ ձեռքը բռնելով, սրտագրաւ և  
անձնուէր շեշտով մը ըսաւ.

— Տիկին, հիմակուրնէ իսկ ձեզի այնչափ դժբախտ  
կը տեսնեմ որ, զիս իբրև բարեկամ մը նկատելիդ կը  
խնդրեմ, որովհետև ես միայն կրնամ ազատել ձեզի:

Եւ համարձակելով նորատի կնոջ առջև մէկ ծուկը  
ձռելու, աւելցուց.

— Չարութեան երեսէն հալածուող առաքինու-  
թեան հանդէպ մեծարանք հարկ ըլլալուն, թոյլ տուէք  
որ ես ալ ձեր ներկայութեանը ծնրադրեմ:

Հէրմին զայն մտիկ ըրած միջոցին չխորհեցաւ ձեռ-  
քը անոր ձեռքէն քաշել, քանզի իր դժբախտութեան  
մեծութեանը տեղեակ էր ու այդպիսի բոպէի մը Աս-  
տուծոյ կողմէն զրկուած պաշտպանի մը պէս կը նկա-  
տէր զայն, մինչդեռ կոմսը խորին պատկառանքով շա-  
րունակեց.



Տիկին, ձեր ենթարկուած վտանգէն ձեզի ազատե-  
լու կարող ըլլալս յայտնի է, բայց այդ վտանգին ինչ  
ըլլալը յայտնել ու բացատրելն առաջ, ձեր թոյլտու-  
թեամբը բան մը հարցնել կ'ուզեմ ձեզի:

— Խօսեցէք, պարոն, խօսեցէք, պատասխանեց  
Հէրմին սարսափով.

— Դուք մտր էք, այնպէս չէ՞. քանզի քիչ առաջ  
տղու մը ձայնը լսեցի անկէ:

Կոմսը այս խօսքերը ըրած միջոցին մատովը դուռ  
մը ցոյց կուտար:

Հէրմին, մայրերու յատուկ մեծ յուզմամբ, ամէն  
ինչ մոռցաւ և իր հոգեհաստը միայն մտածելով, պա-  
տասխանեց.

— Այո՛ պարոն, տասներեք ամսու մանչ մ'ունիմ:

— Ուրեմն, յարեց կոմսը արտակարգ անձնուիրու-  
թեան շարժումով մը, այնպիսի բարեկամական և բա-  
րեսիրական լեզու մը գործածելով որ միամիտ նորատի  
կինը հաւատալով և անոր մասին համարում զգալով.

— Ձեզի պիտի վստահիմ, պատասխանեց.

Կոմսը իսկոյն, իբր թէ իր մասին այս աստիճան  
վստահութիւն ցոյց տուող Հէրմինի և իր միջև անտե-  
սանելի պատուար մը քաշածի պէս, մեծ յարգանքով  
նստած բազկաթոռը քիչ մը հեռու տարաւ և խօսքը  
ստպէս շարունակեց.

— Տիկին, ձեզի պէս կնոջ մը գիտնալը յարմար  
չեղած ամուրիութեան կեանքին ցաւալի մանրամաս-  
նութիւններուն մասին ձեր ներկայութեանը խօսիլ հա-  
մարձակելուս համար նախ ձեր ներողամտութիւնը կը  
խնդրեմ:

Հէրմին լուռ կեցաւ, և այդ կերպով, զայն խօսելու  
հրաւիրած թուելուն, Պ. կոմս ար Շաթօ Մայի շարու-  
նակեց.

— Թօփաղ, մերթ ընդ մերթ դժոխքին սրտաղբած հրեշտակի կերպարանքով միասակար ստատանաներէն մէկը ըլլալով, սրտին մէջ գութ, գորով, մարդկային խիղճ, ազնուութիւն և առաքինութիւն չունի. ինքը, տեսնողը տրամեցնելու աստիճան դեղեցիկ ըլլալով, աչքերուն մէջ նայողին ակնարկը շփոթեցնելիք ոյժ մը ունի. ձայնը, երեւելի դասակարգէ եղող կիներուն քով նմանը չտեսնուած կերպով հրապուրիչ է:

Երեք տարիի չափ, տիկին, մնացի հրեշտակի մը երեւոյթը ունեցող այդ գաղանին ճիրաններուն մէջ, Արդէն դրուած էր թէև հարստութեանս կէտը, բայց քիչ մնաց որ կեանքս, սիրտս, խելքս, միտքս և ամբողջ ունեցածս իրեն պիտի ձգէի. Այսու հանդերձ ես փորձառու և շատ խորամտնակ մէկն էի: Վերջապէս, կնոջ մը կերպարանքին տակ եղող այս գիշատիչ ագռաւին հրապուրիչ ճիրաններէն զիս ազատելու համար, նոյնիակ իմ փափաքս իրազործելու մտօք, ամենէն լաւ բարեկամներէս բաղկացեալ հաւաքոյթ մը կազմելով գիշեր մը զիս առին գտնուած տունէս, դրին թղթատար կառքի մը մէջ և ընկերներէս երկու հոգի միտսին Գերմանիա տարին:

Կոմսը խօսքը ընդհատելով, նայեցաւ տիկնոջ որ արձանի մը պէս ձերմակ կարծես թէ կեանքի նշան չըկար աչքերուն մէջ, և դատապարտեալ մը իր դատավճռին ցաւալի պարունակութիւնը մտիկ ընելուն նըման, անձկութեամբ մտիկ կ'ընէր կոմսին խօսքերը: Այս վերջինը շարունակեց.

— Ապաքինելու համար, տարի մը ճամբորդութիւն ընելու, օդ առնելու և բարեկամներուս հաւատարմութեանը վստահելու պէտք եղաւ. նոյն իսկ այդ միասակար արարածին գործած վատութեանցը ապացոյցներն ալ զիմացս պարզուեցան: Ուստի, տիկին, եթէ այս

երկտողին, այս զիրին հաւատամ, տեսէք թէ ձեր ամուսինը, դեռ իմ չգիտցած և չհասկցած մէկ եղելութեամբս, ինչ տեսակ արարածի մը ճիրաններուն մէջ ինկեր է:

Հէրմին քանի կը լսէր այս խոստովանութիւնները, ուժէն և կտորոզութենէն իյնալով, դիմացը կէս բացուած անդունդը յայտնապէս տեսնել կը կարծէր. իսկ կոմսը անոր ձեռքը բռնելով իր ձեռքերուն մէջ յարգանքով սեղմած կը շարունակէր.

— Հիմա, տիկին, կը հասկնաք թէ ես ինչու երգում մը կը պահանջեմ. Ձեր ամուսինը, ձեզի և այդ գաղանին ձեռքէն ոչնչանալիք ձեր հոգեհատորին հարստութիւնը, ես միայն կրնամ ազատել: Սակայն, տիկին, այս մասին յաջողելու համար, դուք իմ միջնորդութեամբս պէտք է շարժիք, կուրաբար հնազանդելու էք ինձի, ձեր ամէն մէկ գործերուն ես առաջնորդ ըլլալու եմ: Այս պայմանաւ միայն կրնամ երջանկութիւնը վերադարձնել ու հաստատել ձեր տունին մէջ:

Այս խօսքերը արտասանուած միջոցին, նորասի կնոջ այտերէն վար երկու կաթիլ արցունք կաթեցան, յետոյ ըսաւ.

— Պիտի հնազանդիմ և որպէս եղբայր մը հլու պիտի ըլլամ ձեզի հանդէպ:

— Շատ լաւ, ուրեմն ես ալ պիտի ազատեմ ձեզի: Միայն թէ այս օրէն սկսեալ այլեւս հոս չեմ կրնար գալ և գալու ալ չեմ: Ամուսիննիդ գիտնալու չէ հոս գալս. ձեզի համար օտարական մը ըլլալս պէտք է:

— Աստուած իմ, ձեզի անգամ մըն ալ չպիտի կըրնամ տեսնել, բացառանչեց Հէրմին, յանկարծ սորսափ մը զգալով:

— Մտիկ ըրէք, վաղը իրիկուն, մութնալուն, հետիոտն ելէք ապարանքէն դուրս, յետոյ հեծնելով վար-

ձու կառք մը գացէք Շանգ էլիզէ, ես Լօրտ Պայրըն պողոտային ծայրը պիտի գտնուիմ:

Հէրմին այդ միջոցին վարանում ցոյց տալու պէս երեւնալուն, Պ. տը Շաթօ Մայի ակնարկը շեշտակի և լուրթեամբ, նորատի կնոջ ուղղելով հարցուց.

— Երես նայեցէք, հոն ուղղամտութիւն ու անկեղծութիւն չկա՞յ:

— Շատ լաւ, պիտի գամ, պատասխանեց Հէրմին ամօթապարտ իր վարանումին համար:

— Վստահեցէք ինձի, ըսաւ կոմսը ոտքի ելլելով ու անոր ձեռքը համբուրելով... պիտի ազատեմ ձեզի, Մնաք բարով:

Եւ դէպի գուռը երկու քայլ առնելէ վերջը ետ գալով:

— Այս մասին և ոչ մէկուն, նոյն իսկ ձեր մօրը տեղեկութիւն տալու չէք կը կրկնեմ, միայն այդ կերպով պիտի կրնանք յաջողիլ, ըսաւ, կրկին խոստանալով:

Յետոյ, կոմսը մեկնելուն, Հէրմին մեծ անձնկութեան մէջ ինկաւ թէև, բայց չարագործ Սըր Ուիլերմսի միջոցաւ իր դէմը հոնուած այդ մարդուն մասին կատարեալ հաւատք և վստահութիւն գոյացուց:

ԺԶ.

### ԱՆՁԿԱԼԻՑ ՍՊԱՍՈՒՄ

Պ. տը Շաթօ Մայի, տիկին Ռօշէի տունը բաց կառքով եկած ըլլալուն, պզտիկ ծառայէ մը զատ մէկը չկար հետը, Ուստի ձիուն սանձերը ինքը առնելով մեկնեցաւ դէպի իր բնակարանը:

Երկրասարդ կոմսը, ճիշդ գերասանի մը հմտութեամբ կատարած դերին պատճառաւ աստիճան մը ըզգածուած էր, եթէ ութը օր առաջ տեղի ունեցած ըլլար այդ, թերեւս ամօթապարտ մնար իր վարմունքին համար. սակայն անգամ մը այդ ճամբան մտած ըլլալէն զատ, սիրային խնդիրներու յաջողութեանը համար ընտրուած ամէն միջոցի ալ, առանց զխտողութեան ընդունուիլը պէտք է, խորհելով, հանդարտեցաւ:

Ահա այս խորհրդածութեամբ հասաւ ան իր սպարանքը որ բաւական շքեղ ըլլալով, երկու կառք պարունակելու չափ կառատուն մը ու հինգ ձիու ախոռ մըն ալ ունէր:

Պ. տը Շաթօ Մայի ճաշակի տէր էր. իր բնակարանին կահաւորումն ու զարդարանքն ալ ցոյց կուտար այդ պարագան: Անոր սպասաւորները, բուն անգլիացի կառապանով մը, խոհարարուհիէ մը և Պուլ տը Նէժ անուն արար ծառայէ մը կը բաղկանար:

Այս ծառան, իր տիրոջը ապարանք վերադարձած միջոցին ճաշարանին մէջ գտնուելով, դուռը բանալուն, սրահին մէջ օտարականի մը իրեն սպասելը կոմսին իմացուց: Այս վերջինը, կ'երևի այս այցելութեան ըսպատելուն համար հասկցայ, ըսաւ և սրահին դուռը բանալով ներս մտաւ:

Սրահին մէջ կրակին դէմը նստողն էր, վստն Հօբ մարքիզուհիին պարսնանդէսին մէջ մեր տեսած պարահանդէսի հագուստով Պ. Արթիւր Գօլէնսը, որ քաղաքական հագուստով բուն Անգլիացիներուն կը նմանէր: Կոմսը զայն բարեկէլէ վերջը նստաւ և մէջերնին աեղի ունեցաւ սա խօսակցութիւնը:

— Ի՞նչ լուր հարցուց Սըր Արթիւր չթողլով Անգլիացիներու յատուկ արտասանութիւնը:

— Կէտ առ կէտ ձեր հրահանգին համեմատ շարժեցայ, պատասխանեց կոմսը:

— Ձեզի զրկած նամակս ցոյց տուի՞ք իրեն:

— Այո, և ձեր Թօփազ կոչուած ու իմ անոր իբր թէ սիրահարը եղած երեակայական կինը շնորհքով բամբասեցի:

Յետոյ կոմսը ամբողջովին պատմեց անոր մեր ընթերձողներուն ծանօթ անցուդարձը, զոր Սըր Արթիւր կաատարեալ լռութեամբ մտիկ ըրաւ, ապէն ատեն, իբր գոհունակութեան նշան գլուխը ծռելով, և խոհեմութեան հակառակ, Հէրմինի ցոյց տուած վստանութիւնը իմանալուն դիմքին վրայ մեծ ուրախութիւն նկարուեցաւ: Երբ կոմսը վերջացուց իր պատմութիւնը, Սըր Արթիւր ըսաւ.

— Սիրելի կոմս, գործերնիդ կարգին է:

— Ա՞յնպէս կը կարծէք:

— Այդ մասին հիւլէի չափ մի՛ կասկածիք: Արդէն ձեր ըսած խօսքերուն և ոչ մէկը սուտ է:

— Ըսել է գոյութիւն ունի՞ Թօփազ անուն կին մը, — Քանի որ ձեզի նամակ գրած է, անտարակոյս ունի գոյութիւն:

— Թօփազ է անունը:

— Ոչ, բայց ատիկա կարեւորութիւն չունի:

— Սակայն չեմ կարծեր որ բացատրած իս չափ վրտանգաւոր արարած մը ըլլայ ան:

— Ընդհակառակը ամբողջ ճշմարտութիւնը ըսեր էք:

— Ուրեմն մեր ընթացքը խիստ ատելի և պժգալի է, ըսաւ կոմսը սարսալով:

Սըր Արթիւր սկսաւ խնդալ և պաղարիւնութեամբ Պ. աը Շաթօ Մայիի նայելէ վերջ, յարեց.

— Կ'երևի թէ կը ծաղրէք զիս:

— Ընդհակառակը, ձեզի հետ այս սակարկութեան մտնելուս համար ցաւիլ կ'սկսիմ:

— Սակարկութիւնը ջնջել կ'ուզէք:

— Ես նորատի և հրապուրիչ կնոջ մը համարումը չահելու չափ ձեռքէս եկած ջանքը խնայել չեմ ուզեր. արդէն անոր ամուսինն ալ չճանչնալուս համար այս վարմունքիս մէջ ոչ մէկ արգելք գոյութիւն ունի. բայց անոր ամուսնոյն կործանման ու անհետացմանը ընկեր ըլլալս . . . :

Սըր Արթիւր ուսերը թօթուելով և կոմսին խօսքը ընդհատելով, բացադանչեց.

— Պարոն, ձեր խորհրդածութիւնը շիտաի չէ:

— Իրա՞ւ:

— Այո, որովհետև այս կէտին լաւ ուշադրութիւն ըրէք որ, յիշեալ կնոջ ձեռքը դուք չձգեցիք Պ. աը Ռօչէն: Տեղի ունեցած վէճին, մենամարտին, վիրաւորին վերջուելուն մէջ դուք բնաւ մասնակցութիւն չուսիք:

— Իրաւոութիւնք՝

— Այսուհանդերձ, կթէ Պ. Ֆէրնանին հարստութիւնը ոչնչանայ, այս պարագան ձեզի չի վերաբերիր: Արդէն շատ հաճելի և ձեր հօրեղբօր դուքսին ժառանգութեամբն ալ փոխարժէքը վճարուելու վրայ եղող պաշտօնիդ տիկին Ռօշէն հրապուրելու համար է: Սա ալ կ'ըսեմ որ, եթէ ես չըլլամ, դուք պիտի զրկուիք այդ ժառանգութենէն: Վերջապէս, հանգիստ եղէք ու խղճահարութիւն մի ունենաք, Պ. Ռօշէին հարստութիւնը հատնելիք հարստութիւն չէ:

— Իրա՞ւ:

— Նախ, այդ հարստութեան գումարը տասներկու միլիոն ֆրանք է:

— Ի՞նչ կ'ըսէք, ես անոր հարստութիւնը այնչափ չէի կարծեր, ըսաւ կոմսը այդ գումարին մեծութենէն շուարելով:

— Ատկից դատ, նայինք...:

— Միւրօրտ, չըլլայ որ սատանայ մը ըլլաք դուք, ըսաւ կոմսը պողարիւնութեամբ:

— Կը փախաքէի սատանայ ըլլալ, պատասխանեց Սըր Արթիւր խիստ լրջօրէն, սակայն կը ցաւիմ որ անոր աշակերտն եմ: Ձիւս հասկնալ կ'սկսի՞ք կոր, կ'երեւի, աւելցուց:

— Անանկ բան մը:

— Հիմա, դուք տիկին Ռօշէին բարեկամը, պաշտպանը և վստահելի մարդը եղաք: Ան՝ յուսալով թէ ամուսինը իրեն պիտի վերադարձնէք և այդ սոսկալի կընող ձեռքէն զայն պիտի ազատէք, ամէն տեսակ ձեռնտուութիւն պիտի ընէ ձեզի: Նախ և առաջ ձեզի հետ եղբօր մը պէս պիտի վարուի:

— Սակայն ես իրեն չպիտի վերադարձնեմ ամուսինը:

— Պիտի վերադարձնէք:

— Ի՞նչ ըսիք, բացազանչեց կոմսը նստած տեղէն ոստում մը ընելով:

— Վաղը իրիկուն զիրար գտնելու համար անոր հետ ժամադիր էք, այնպէս չէ՞:

— Այո, գիշերուան մութը կոխելուն Շանդ էլլիզէի մէջ զիրար պիտի գտնենք:

— Ուստի երկբայելի յոյս մը տուէք անոր, և երկու երեք օր վերջը կրկին տեսակցելու համար ժամանակ մը որոշեցէք: Կիներուն համբերութիւնը քիչ մը գրգռելը դէշ չըլլար: Ձեզի յաճախակի տեսնել վարժուելու է:

— Շատ լաւ, բայց մեր երկրորդ խօսակցութեան ի՞նչ պիտի ըսեմ անոր:

— Իմացուցէք թէ մինչև երեք օր պիտի վերադառնայ ամուսինը: Սակայն մանրամասնութեանց չի մտնելով պահանջեցէք որ թէ նամակին և թէ թօփազին մասին բան մը չհարցնէ:

— Ամուսինը պիտի վերադառնա՞յ:

— Հարկա՛ւ:

— Ուրեմն, իմ յոյսերս ալ պիտի ոչնչանան, ըսաւ կոմսը ապշած նայելով Սըր Արթիւրին:

— Ընդհակառակը, Պ. Ֆէրնան տուն վերադարձած օրն իսկ դուք անոր կնոջը քրտին մէջ մեծ քայլ ըսած պիտի ըլլաք:

— Ահա այդ տեղը չեմ հասկնար կոր:

— Հա՛, սա բանը ձեզի յայտնելու կը մոռնամ կոր թէ Ֆէրնան խելքը միտքը թօփազին տուած և այդ կնոջ համար արտակարգ սէր մը զգալով տուն վերադառնալուն, ընդհանրապէս զայն չսիրելով, ուրիշ կիներու հանդէպ սէր ունեցող մարդոց նման պաղ վարժուեց ցոյց պիտի տայ իր կնոջ:

— Յետոյ ի՞նչ տեղի պիտի ունենայ:

— Սիրելի կոմս, այսօր շատ հետաքրքիր կ'երեւաքա Գուք իմ հրահանգներուս կէտ տա կէտ հետեւելով բաւականացէք, և եթէ ձեր դերին իմաստը հասկըցած էք, սա բանին վստահ եղէք թէ մէկ ամիս չանցած տիկին Ռօշէէն ծայրայեղօրէն պիտի սիրուիք, և ձեզի ալ աւելի գոհունակութիւն պատճառելիք կէտը սա է թէ, հօրեղբայրնիդ, Շաթօ Մայի դուքսը, տիկին Մալասիի հետ ամուսնանալէ հրաժարելով, իր ժառանգութենէն ձեզի զրկելու խորհուրդը բոլորովին մէկդի պիտի թողու:

Այս խօսքերէն վերջը, Սըր Արթիւր Գօլէնո ռաքի ելլելով, երիտասարդ կոմսին ձեռքը սեղմելէ յետոյ մեկնեցաւ:

Անգլիացին նստելով դուռը սպասող իր կառքին մէջ, գնաց Պ. դերկոմս տը Գամպօլնին տունը, ուր հանելով կեղծ անգլիացիութեան յատուկ հագուստներն ու մազերը և կոմս տը Բէրկազին ալ թեւը, բարեգործ և զղջացած մէկը ըլլալով վայլ տը Բէօր անուն սարսափելի ընկերութիւնը փնտռելով գտնելու պաշտօնին յատկացեալ առաքինի անձերու նախագահը դառնալու համար, հագաւ միշտ գործածած րէտէնկօթն ու լայն գլխարկը:

.....

Կոմս տը Շաթօ Մային մտերմաբար ըրած յայտնութիւնները խեղճ Հէրմինը սարսափելի անձկութեան մը մատնած էին. կոմսին վրայ վստահ ըլլալուն և Ֆէրնանը բերել խոստացած ըլլալուն հակառակ, թշուառ կինը ամենեւին յոյս չունենալով, իր ամուսինը ծայր աստիճան սիրելուն պատճառաւ ախուր և տրտում կը տուայտէր և անոր ձեռքը իր հակառակորդուն հին ձեռ-

քեցուն մէջ գրած ժպտելու վրայ ըլլալէ զստ ուրիշ բան չէր երեւակայեր, ուրիշ բանի վրայ չէր մտածեր:

Ոչ ոք կրնայ ըսել թէ ո՞ր աստիճան մտատանջութեան մէջ էր նորաստի կինը այդ գիշերն ու հետեւեալ օրը: Այսու հանգերձ, կոմսին տուած իր խոստմանը համեմատ, մօրը ոչ մէկ գողանիք տառով, առանձինն արցունքներ թափեց, տխրեցաւ և մօրը կողմէն տըրւած միտիթարութեանցը ամենեւին ակամջ չկախեց:

Ի դուր, մէկ երկու ժամէ ի վեր խելքը գլուխը եկած կարծուող Պ. տը Պօքրէօ, և ի դուր թէրէզ կարգ մը միտիթարական խօսքեր կ'ընէին և անոր խանդաղատանք ցոյց կուտային: Հէրմին, կատարեալ լուսթիւն պահելով, Ֆէրնանի զինքը չսիրելուն ամենատըր խուր մտածուէն զստ ուրիշ բան չէր զբաղեցներ իր միտքը:

Այն գիշերն ու հետեւեալ օրն ալ անցնելով հանդերձ, իր ցաւն ու վիշտը թեթեւցնելիք ոչինչ պատահեցաւ: Անոր միակ նպատակը, միակ մտածումն էր այդ միջոցին, օր մը տաջ իրեն անձանթ եղող, այդ վայրկեանին անասնման անձնուրբութիւն և քարեկամութիւն ցոյց տուող և ամենէն հաստատ յենուր և վստահելի բարեկամը եղող Պ. տը Շաթօ Մային կրկին տեսներ:

Գիշերուան մուտքը իջնել սկսած պահուն, բնատէն փախչող բանտարկեալի մը պէս, Հէրմին տունէն ելլելով, մեծ վերարկուի մը մէջ փաթթուած և ղէմքը թանձր քօղով մը ծածկած, հետիոտն գնաց Փլաս տը Հավրը, ուսկից հեծնելով վարձու կոռք մը, կառապանին հրամայեց Լօրս Պայրըն պողոտան երթալ ուղեղը:

Նոյեմբեր ամսուն ցուրտ և մառախլապատ գիշերներէն մէկն էր: Շանդ էլիզէի կողմը ամայի և տխրազին լուսթեան մը մէջ կը գտնուէր. տերեւները թու-

փած խոշոր ծառերուն հետ ճամբուն թանձր ցեխը տեսնողներուն վրայ գէշ տպաւորութիւն կ'ընէր: Յիշեալ ճամբէն անցնող այս կառքը, դատապարտեալ մը կամ գժբախտ մը կը տանի կարծուելով, ոչ չք այդ կառքին մէջ հեծնող կնոջ, ուժէ և կարողութենէ ինկած, և յոռի գործ մը տեսնել ու զողներուն քողով մը ինքզինքնին ծածկելնուն նման, անոր ուլ, իր դէմքին վրայի քողին տակ, վազող արջունքներէն սչքերը կարմրցած, բայց տասներկու միլիոն ֆրանքի տէր ըլլալը և դեռ ութը օր առաջ ցերեկ ատեն քառաձի շքեղ կառք մը հեծնելով, իր գեղեցիկ և երիտասարդ ամուսնոյն հետ, «ի՛նչ երանութիւն, ի՛նչ սէր և ի՛նչ հարուստ մարդիկ» բառերը նախանձով ըսող կարգ մը երեւելիներուն մէջտեղէն անցնելու կարողութիւն մը ունենալը կրնար երեւակայել:

Արդարև, խեղճ կինը, սարսափելի կնոջ մը թաթին տակ ինկած ամուսինը ազատելու, և այդ կնոջ ընչաքաղց սպառնալիքներուն ենթակայ հոգեհաստորին հարստութիւնը պաշտպանելու նպատակաւ ժամադիր եղած տեղը երթալուն, այդ ընթացքը շատ ալ կշտամբելի չըլլալով, ներելի կրնար համարուիլ թէև, բայց և այնպէս Հէրմին տակաւին, աչնան հովերէն ծառերուն դեղնած տերեւներուն շարժելուն նման, գացած միջոցին կը դողդողար, և ներքին ձայն մը կարծես կ'իմացնէր իրեն թէ, արդիւիւու համար դացած վտանգէն աւելի մեծ վտանգի մը կ'ենթարկուէր գուցէ: Կառքը կեցաւ ցոյց տրուած տեղը:

Սիրտը սաստիկօրէն բարսխելու վրայ եղող նորատի կինը կատարելապէս ամայի եղող Լօրտ Պայրըն պողոտային ակնարկ մը նետեց թէև, բայց չտեսու կոմսը, որովհետև ան, ճարտար քաղաքականութեամբ մը, տակաւին հոն եկած չըլլալուն համար, Հէրմին քառորդ

ժամու մը չափ մեծ մտատանջութեամբ սպասեց հոն, և վերջապէս, փողոցին դիմացի կողմէն հեծեալի մը արագօրէն գալը տեսնելով, իր սիրածին վերջ ի վերջոյ միացող կնոջ մը պէս, մեծ յուզմամբ մը, «ան է», ըսաւ ինքնիրեն:

Արդարև, եկողը Պ. տը Շաթօ Մային էր, որ ձիէն իջնելով, գլխարկը ձեռքը բռնած մեծ յարգանքով մօտեցաւ կառքին:

Հէրմին, որ կը դողդողար և դէմքն ալ տոգունած էր, «ի՛նչ լուր», հարցուց տկար ձայնով մը:

— Տիկին, երէկուէն ի վեր բաւական գործ տեսաք, պատասխանեց կոմսը, ձեր ամուսնոյն և այդ վնասակար արարածին ուր գտնուելնին գիտեմ: Միայն թէ, այսօր ձեզի աւելի տեղեկութիւն տալու կարող չըլլալուս համար, վաղը չէ միւս օր ձեզի կրկին տեսնելս թոյլատրեցէք և ձեր ամուսինը բերելուս վստահեղէք:

Հէրմին զայն հարցուփորձել ուզելուն, կոմսը, ըսաւ.

— Ոչ, մի' մոռնաք թէ ինձի հնազանդութիւն խոստացած էք:

Եւ մեկնած պահուն աւելցուց.

— Վաղը չէ միւս օր կիրակի է. ժամը հինգին գտնուեցէք հոս:

Եւ հեծնելով իր ձին շուտով աներեւութացաւ:

Հէրմին խիստ տխուր և տունէն մեկնած ատենէն աւելի տրտոււ վերադարձաւ: Որովհետև Պ. տը Շաթօ Մայիի հետ տեսակցութենէն բարի լուրեր առնել յուսացած միջոցին, յոյսը ի դերև ելաւ, բայց և այնպէս, մարդկային բնաւորութիւնը, առջեւը փոքր յոյս մը նշմարելուն վշտի և դժբախտութեան վարժուածի նըման, թէև նորատի կինը միշտ արցունք կը թափէր և

նախանձի զգացումը զինքը կը տանջէր, բայց կոմսին խոստումներուն վրայ այնքան վստահութիւն ունէր որ կը յուսար իր անհաւատարիմ ամուսնոյն վերադարձին: Հետեւաբար Հէրմին, կոմսը մինչև Կրկին տեսնելը անցնելիք երկու օրերը, փոթորիկի բռնուած նաւերը նաւահանգիստ ապաստաններուն և ընկղմելու վտանգին մէջ գտնուող նաւատարին ազատարար շուանին փաթթուածին պէս, մայրական սէրով ամբողջովին իր հոգեհատորին քովը անցուց: Եւ երբ կիրակի օր որոշեալ տեղը գնաց, Պ. տը Շաթօ Մոյի այս անգամ տուանց ուշանալու դալով, ըսաւ.

— Տիկին ուրախացէ՛ք, ամուսիննիդ պիտի վերադառնայ:

Եւ երբ նորաօր կինը ուրախութենէն և յուզումէն կը դողդողար:

— Այո՛, շարունակեց, չորեքշաբթի իրիկուն պիտի վերադառնայ ամուսիննիդ, բայց ի սէր Աստուծոյ, ի սէր ձեր հանդարտութեան և հոնգստութեան, ձեր ապագային, ձեր զաւկին և ձեզ հանդէպ ունեցած հաւատարմութեանս ու անձնութեանս, հնազանդեցէ՛ք ինձի: Յետոյ աւելցուց.

— Զեր ամուսնոյն կողմէն՝ իր աներեւութացմանը մասին տրուելիք բացատրութիւնը ընդունելով հաւատացէ՛ք ըսածին, կամ հաւատալ ցոյց տուէ՛ք: Ոչ այն կնոջ ոչ ալ իմ անուս մի արտասանէ՛ք: Այս մասին խոստում կուտա՞ք ինձի:

— Այո՛, կը խոստանամ:

— Շնորհակալ եմ, ուրեմն առ այժմ մնաք բարով:

Այս տեսակցութենէն վերջը նորաօր կինը սիրտը յուսալից, վերադարձաւ տուն և սկսաւ անհամբերութեամբ սպասել, կոմսին խոստմանը գործադրութեանը ժամուն:

Այդ սպասման պահը նորաօր կնոջ ինչպէս անցընելը պատմելը շատ երկար ըլլալուն, կը թողունք մէկդի, բաւականանալով միայն այդ երեք օրը քանի մը սողով ներկայացնել:

Չորեքշաբթի օր ժամը ութէն սկսեալ խեղճ Հէրմին իր ամբողջ կեանքը ապարանքին զանգակին հնչելուն կապուած ըլլալը զգաց: Ամուսնոյն, ե՛րբ, ո՛ր ժամուն, և ի՞նչ ձևով գալիքը չգիտէալուն համար, ապարանքին դրան ամէն զարնուելուն անբացատրելի անձկութիւն մը կ'զգար նորաօր կինը, իր անձնական խուցին մէջ նստած, աչքերը չզատելով ժամացոյցին սլաքէն: Կէս գիշեր հնչեց և Յէրման դեռ երեան ելած չըլլալուն, յուսահատութեան մէջ ինկաւ, աչքերը արցունքոտեցան, ծունկերը կթոտեցան ու իր երջանկութիւնն ու հանգստութիւնը գողցող կնոջ իրեն երեւալով, հեզնութեամբ «անիկա չպիտի գայ, որովհետեւ ես չեմ ուզեր անոր գալը և ես կը սիրեմ զինքը» ըսել կարծեց:


Յանկարծ, առտուան ժամը երկուքը հնչած պահուն, ապարանքին դրան զանգակին ձայնը խեղճ կնոջ մինչև սրտին խորը ազգեց: «Ա՛ն է, ա՛ն է» ըսաւ, և ոտքի ելլելով գիմաւորել, գիրկը նեաուիլ և «փառք Աստուծոյ, եկար և քեզ տեսայ» ըսելուզեց, բայց այն ատիճան յուզուած էր որ տեղէն չկրնալով շամփիլ և շունչը կտրելով, անուժ և անկարող վիճակի մը մէջ սենեակին նստարանին վրայ ինկաւ:

ՎԵՐՋ ՀԻԾԳԵՐՈՐԴ ՀԱՏՈՐԻ





Handwritten text in a non-Latin script, possibly Hebrew or Arabic, is located in the lower-right quadrant of the right page. The text is arranged in several lines and is written in a cursive style. The ink is dark and appears to be a different color from the stamp above it.



«Մտօճանարի Քահիրէի վեր գործակալն է  
 Դերասան Պ. Խ. Նորիկեան, որուն պէտք է  
 դիմել հետեւեալ հասցէով .

Քիւ 69 Իպրահիմ Փառա (նախկին Նու-  
 պար Փառա փողոց) շապկագործ Պ. Լեւոն  
 Շէմսի խանութը .

2552

2553

2013

